

বেণীসংহার নাটক ।

বেণীসংহার (আকট) গ্রন্থ

শ্রীজ্যোতিরিন্দ্রনাথ ঠাকুর কর্তৃক

অনুবাদিত ।

কলিকাতা



আদি ব্রাহ্মসমাজ যন্ত্রে

শ্রীদেবেন্দ্রনাথ ভট্টাচার্য্য দ্বারা মুদ্রিত ।

৫৫নং অপার চিংপুর রোড ।

অগ্রহায়ণ, ১৩০৮ সাল ।

মূল্য ১৮/০ এক টাকা ছয় আনা ।

ভূমিকা ।

বেণী-সংহার নাটকের রচয়িতা সুপ্রসিদ্ধ ভট্টনারায়ণ । বঙ্গাধিপ আদিশূর কনৌজ হইতে যে পঞ্চ ব্রাহ্মণকে বঙ্গে নিমন্ত্ৰণ করিয়া আনেন, তাহার মধ্যে ভট্টনারায়ণ একজন ; ইনি শাণ্ডিল্য-গোত্রীয় ছিলেন ; এই জন্ত, আধুনিক বঙ্গের সমস্ত শাণ্ডিল্য-গোত্রীয় ব্রাহ্মণেরই ইনি আদি-পুরুষ ।

আদিশূরের পর ২১ জন রাজা হইয়া, তাহার পর বল্লাল সেন । ত্রয়োদশম শতাব্দিতে বল্লালসেন বঙ্গের অধিপতি ছিলেন, ইহা একরূপ স্থির হইয়াছে । তাঁহার পূর্ববর্তী রাজাদের রাজত্বকাল গড়ে তিন শত বৎসর ধরিলে, আদিশূরের রাজত্বকাল দশম শতাব্দী বলিয়া নির্ধারণ করিতে হয় । অতএব, আনুমানিক নবম হইতে দশম শতাব্দীর মধ্যে কোন সময়ে বেণী সংহার নাটক রচিত হইয়া থাকিবে ।



পাত্রগণ ।

পুরুষবর্গ ।

যুধিষ্ঠির, ভীম, অর্জুন, নকুল, সহদেব, কৃষ্ণ, ধৃতরাষ্ট্র, দ্রুপদ, কৰ্ণ, কপ, অশ্বখামা, সঞ্জয় (ধৃতরাষ্ট্রের সারথি) ; সুন্দরক (কর্ণের অহুচর) ; চার্বাক (তাপস-বেশধারী রাক্ষস) ; দ্রুপদ-ধনের সারথি ; একজন রাক্ষস ; অহুচর, দূত, সৈনিক ইত্যাদি ।

স্ত্রীবর্গ ।

দ্রৌপদী, ভাহুমতী (দ্রুপদ-ধনের স্ত্রী) ; গান্ধারী (ধৃতরাষ্ট্রের স্ত্রী) ; দ্রৌপদীর পরিচারিকা ; ভাহুমতীর পরিচারিকা ; সিদ্ধুরাজ জয়দ্রথের মাতা ; একজন রাক্ষসী ; ইত্যাদি ।

বেণীসংহার নাটক ।



প্রথম অঙ্ক ।

নান্দী ।

ইন্দু-কূরে বিকসিত মুকুল বাহার,
নিবারিত হইয়াও মধুকরগণ
পিয়ে যার মধু—হরিচরণ-বিকীর্ণ
হেন পুষ্পাঞ্জলি—সভা-নয়ন-রঞ্জন—
করুক মোদের সবে সাফল্য বিধান ॥

অপিচ :—

রাধায় ত্যজিল কৃষ্ণ যবে সেই কালিন্দীর
পুলিনের পরে,

রাস-রস-প্রিয়-রাধা কাঁদিতে কাঁদিতে চলে
কেলি-মান-ভরে ।

কৃষ্ণ যান পিছে পিছে রাধার পদাঙ্কে পদ
করিয়া স্থাপন

—হইয়া রোমাঞ্চ তনু ; প্রসন্ন দৃষ্টিতে রাধা
কৃষ্ণের মুখের পানে 'ফিরি' 'ফিরি' চাহেন তখন ;
—অক্ষুণ্ণ এ অনুনয় তোমাদের করুক পোষণ ॥

অগিচ :—

ধূর্জটি করিলা যবে ত্রিপুরে লহন,
 প্রীত হয়ে দুর্গা তাহা করেন দর্শন ।
 অশুর-বধুরা সবে “একি হল” বলি’ দেখে
 ভয়েতে বিহ্বল,
 দেখেন করুণ ভাবে শান্তচিত্ত তবসার
 মহর্ষি সকল,
 সন্মিত দেখেন বিষ্ণু ; আকর্ষিয়া অস্ত্র-শস্ত্র
 দৈত্য-বীরগণ
 —প্রশমিয়া বধুর উদ্বেগ— সগর্ভে মাতৈ বলি’
 করয়ে দর্শন,
 —দেবেরা সানন্দ মনে ;—এ হেন ধূর্জটি তোমা
 করুন রক্ষণ ॥

সূত্রধারের প্রবেশ ।

সূত্রধার ।—অতি প্রসঙ্গে প্রয়োজন নাই ।

ভারত নামেতে যেই অমৃত-আখ্যান
 শ্রবণ-অঞ্জলীপুটে সবে করে পান,
 তার রচয়িতা যেগো কৃষ্ণ দ্বৈপায়ন,
 আমি করি এবে তাঁর চরণ বন্দন ॥

(চারিদিকে অবলোকন করিয়া) এই পরিষদের মহামান্য
 অগ্রগণ্য সূত্রধরের নিকট আমার কিছু নিবেদন আছে ;—

প্রথম অঙ্ক ।

অপর কুম্ভাঞ্জলি কাব্যের প্রবন্ধ-রূপে

হেথা আমি করি বিকীরণ ।

স্বল্পগুণ হইলেও মধুকর-সম সবে

মধুবিন্দু করিও গ্রহণ ॥

এখন আমরা, সিংহ-লক্ষণাবিত্ত কবি ভট্টনারায়ণের রচিত বেণীসংহার নামক নাটক অভিনয় করতে উদ্বৃত্ত । তা, কবি-পরিশ্রমের অনুরোধেই হোক, উদাত্ত আখ্যান-বস্তুর গৌরবেই হোক, নবনাটক দর্শনের কৌতূহলেই হোক, আপনারা এক্ষণে অবহিত হয়ে দর্শন শ্রবণ করুন, এই আমাদের প্রার্থনা ।

(নেপথ্যে)

মহাশয় ! শীঘ্র করুন—শীঘ্র করুন । এই রাজ-পুরুষ আৰ্য্য-বিজ্ঞের আভ্যাক্রমে সমস্ত নটদের এই কথা বল্চেন :—“বান্ধ-বিভাসাদি সমস্ত কার্য্য এখনি আরম্ভ করে দেও । এখন দৈবকী-নন্দন চক্রপাণির প্রবেশ-কাল । তিনি ভরত-কুলের হিত-কামনায় স্বয়ং দৌত্য স্বীকার করে’ মহারাজ হুৰ্য্যোধনের সন্নিবিষ্ট শিবিরের দিকে যাত্রা করতে উদ্বৃত্ত, তাঁর সঙ্গে পরাশর নারদ তুঙ্গুর জামদগ্ন্য প্রভৃতি মুনিগণও আস্চেন ।”

সূত্রধার ।—(গুনিয়া সানন্দে)

ও গো ! দেখ দেখ ! যিনি সকল জগতের সৃষ্টিস্থিতি-প্রলয়-কর্তা, সেই কংসারি বিষ্ণু, কুরুপাণ্ডবের যুদ্ধ-প্রলয়াগ্নি প্রশমনার্থ দৌত্য স্বীকার করে’ ভরতকুলকে ও সেই সঙ্গে সকলকেই অহু-গৃহীত করেচেন । তবে পারিপার্শ্বিক ! তুমি এখনও কেন নট-দের নিয়ে ঐক্য-সঙ্গীত আরম্ভ করচ না বল দিকি ?

(পারিপার্শ্বিকের প্রবেশ)

পারি।—আচ্ছা, এই আমি আরম্ভ করে' দিচ্ছি । কোন্ ঋতুর উপযোগী গান হবে বলুন দিকি ?

স্বত্র।—যে ঋতুতে চন্দ্রাতপ, নক্ষত্র, গ্রহ, ক্রোধ, হংস, সপ্তচ্ছদ, কুমুদ, কোকনদে, ও কাশ-কুমুম-পরাগে দিগ্ভাঙল ধবলিত, যে ঋতুতে জলাশয়ের জল স্বাচ্ছ, সেই শরৎকালকে আশ্রয় করে' সঙ্গীত-কার্য্যে প্রবৃত্ত হও । এই শরৎকালে :—

* সুপক্ষ মধুরভাবী মদগর্বে সমুদ্রত
যাহাদের আরম্ভ-উদ্যম
—সেই ধার্ত্তরাষ্ট্রগণ পূরি' আঁশা, কাল-বশে
ধরাপৃষ্ঠে হইল পতন ॥

পারি।—(সভয়ে) মহাশয় ! থাক্ থাক্, ও-সব কথার কাজ নেই ।

স্বত্র।—(অপ্রতিভ হইয়া সন্মিত) মারিষ ! শরৎ-কালের বর্ণনায় আমি ধার্ত্তরাষ্ট্র অর্থাৎ হংসের কথা বলছিলাম—রাজপুত্রদের কথা নয় ।

পারি।—কি জানি মশায়—কিন্তু আপনার এই অমঙ্গলের কথাটা পাছে সত্যি হয়, তাই মনে করে' আমার বুকটা যেন কাঁপচে ।

স্বত্রধার।—মারিষ ! সে সব কিছু ভেবো না—কংসারি শ্রীকৃষ্ণ

* ইহা স্বার্থান্বক । ধার্ত্তরাষ্ট্র=এক জাতীয় হংস ও ধৃতরাষ্ট্রের পুত্রগণ । সুপক্ষ=উৎকৃষ্ট পাখী ও সৈন্য । আঁশা=দিক ও মনোরথ । মানস সরোবর হইতে কিরিয়া আসিয়া ধরাপৃষ্ঠে হংসদের অবতরণ এবং ধৃতরাষ্ট্রের পুত্রগণও প্রথমে নিজ মনোরথ সিদ্ধ করিয়া শেষে স্নগর্বে পতন ।

প্রথম অঙ্ক ।

যখন সন্ধির জন্ত স্বয়ং দৌত্য কার্যের ভার নিয়েছেন, তখন
সব অমঙ্গল দূর হবে ।

বৈরানল নির্কাপিয়া,

অরিগণে করি' প্রশমিত

পাণ্ডুপুত্রগণ সবে

হোক্‌ স্ত্রী মাধব-সহিত ।

+ রক্ত-প্রসাধিত-ভূমি

আর যারা বিকৃত-বিগ্রহ

—সেই কুরু-পুত্রগণ

স্বস্থ হোন্‌ ভৃত্যগণ-সহ ॥

(নেপথ্যে—তিরস্কার-সহকারে)

আরে ! ছুরায়া বৃথা-অমঙ্গল-পাঠক নটাদম !

লাক্ষা-গৃহ জ্বলহিয়া, বিষ-অন্ন খাওয়াইয়া

কেশ-বস্ত্রে ধরি' টানি'

সভা মাঝে দ্রোপদী বধূকে,

—জীবিত থাকিতে আমি— ধনে প্রাণে করি' হানি

ধৃতরাষ্ট্র-পুত্রগণ

পারিবে কি থাকিতে গো স্ত্রী ?

(উভয়ের শ্রবণ)

পারি ।—মহাশয় ! কোথেকে এ কথাটা আসচে ?

+ ইহাতেও দ্ব্যর্থ আছে । রক্ত-প্রসাধিত ভূমি = অমররক্তগণকে যারা ভূমি
দান করেছেন ও তাঁদের রক্তে ভূমি অলঙ্কৃত হয়েছে । বিগ্রহ = দেহ ও যুদ্ধ ।
স্বস্থ = স্বর্গস্থ ও সুস্থ ।

স্বত্র।—(পৃষ্ঠভাগে অবলোকন করিয়া) এই যে, বাসুদেবের আগমনে, কুরুদের সহিত সন্ধির প্রস্তাবে অসহিষ্ণু হয়ে, ক্রুদ্ধ ভীমসেন পৃথুল ললাটতলে বিকট ক্রকুটি ধারণ করে, খর-দৃষ্টিপাতে আমাদের সবাইকে যেন গ্রাস করতে-করতে সহদেবের সহিত এই দিকে আসছেন। তা, এখন ওঁর সম্মুখে থাকাকাটা আমাদের ভাল নয়। আহুন, আমরা অন্যত্র যাই।

(প্রস্থান)

ইতি প্রস্তাবনা।

(সহদেবের সহিত ক্রুদ্ধ ভীমসেনের প্রবেশ।)

ভীম।—আরে! হুয়ায়্যা বৃথা-অমঙ্গল-পাঠক নটাদম! (ইত্যাদি পুনরাবৃত্তি)

সহদেব।—(সাহস্রনয়) দাদা! ক্রান্ত হোন ক্রান্ত হোন। নট-মুখের বাক্য আমাদেরি অহুকূল। দেখুন :—(বৈরানল নির্কাপিয়া ইত্যাদি পুনরাবৃত্তি পূর্বক) “বৈরানল নির্কাপিয়া” ইত্যাদি যা বলেচে সে তো ষথার্থ কথা। আরও এই কথা বলেচে “সভূত্যা কৌরবেরা রক্তালঙ্কৃত-ভূমি ও ক্ষত-দেহ হয়ে স্বস্থ হোক্ অর্থাৎ স্বর্গস্থ হোক্!”

ভীম।—(তিরস্কার-সহকারে) না না, কৌরবদের অমঙ্গল চিন্তা করা কি তোমাদের উচিত? যাও তোমরা সব ভাই মিলে তাদের সঙ্গে সন্ধি কর গে।

সহ।—(সরোষে) দাদা!

ধৃতরাষ্ট্র-তনয়েরা পদে-পদে করিয়াছে

ক্লেশ-আচরণ,

প্রথম অঙ্ক ।

কোন অমুজেরা তব সহিত তা'—নৃপতি না
করিলে বারণ ?

ভীম ।—সে কথা সত্য । তাই, আজ হতে তোমাদের থেকে আমি
পৃথক্ হলেম । দেখ :—

কৌরবদিগের সনে ঘাটিল শত্রুতা মোর
আমি শিশু ছিলাম যখন,
তাহাদের বিদ্বেষের নহে রাজা—অরজুন
অথবা গো তোমরা কারণ ।

তব সংযোজিত সন্ধি—ভীম হয়ে ক্রোধে প্রজ্জ্বলিত—
জরাসন্ধ-বক্ষ সম করিবে গো পুন বিয়োজিত ॥

সহ ॥—(অনুনয়-সহকারে) দাদা, তুমি অত ক্রুদ্ধ হলে মহারাজ
বোধ হয় মনে মনে কষ্ট পাবেন ।

ভীম ।—কি ?—দাদা কষ্ট পাবেন ? তিনি কি জানেন, কষ্ট কাকে
বলে ? দেখ :—

দেখিলেন যবে দাদা পাঞ্চালীর সেই দশা
নৃপ মাঝে রাজার সভাতে ;
অরণ্যে মোদের বাস বহুকাল ধরি' যত
বলকল-ধারী ব্যাধ-সাথে ;
বিরাট-নিবাসে মোরা অনুচিত কাজে লিপ্ত
কত দিন ছিন্ন সঙ্গোপনে ;
—এই সব কুরু-কার্য্যে আমার এ কষ্ট দেখি'
তঁার কষ্ট হয়েছিল মনে ?

তাই বল্চি সহদেব, তুমি ফিরে যাও । যার বহুদিনের সঙ্কিত

ক্রোধ এখন প্রজ্জ্বলিত হয়ে উঠেচে, সেই ভীমের এই কথা শুনি
তুমি রাজাকে জানাও গে ।

সহ ।—দাদা, কি কথা জানাবো ?

ভীম ।— সহিষ্ণু অহুজ-মাঝে

তব আজ্ঞা করিয়া লজ্বন

পাপে মগ্ন হয়ে আমি

হইয়াছি নিন্দার ভাজন ।

রক্তারুণ গদা মোর ক্রোধ-বশে উত্তোলিয়া

উত্তত করিতে আমি কোরব-বিনাশ ।

আজ হতে জেনো দাদা, তুমি নহ প্রভু মোর,

আমিও নহি গো তব আজ্ঞাবহ দাস ॥

—এই কথা জানিও । (উদ্ধত ভাবে পরিক্রমণ)

সহ ।—(ভীমের অহুগমন করিয়া) এ কি ! দাদা যে জ্যোপদীর
অস্তঃপুরের দিকে গেলেন ! আচ্ছা আমি তবে এই থানেই
থাকি । (অবস্থান)

ভীম ।—(ফিরিয়া আসিয়া ও অবলোকন করিয়া) সহদেব ! তুমি
দাদার অহুবর্তী হও । আমিও অস্ত্রাগারে গিয়ে অস্ত্র-শস্ত্রে
সজ্জিত হইগে ।

সহ ।—দাদা ! ওতো অস্ত্রাগার নয়—ওবে পাঞ্চালীর অস্তঃপুর ।

ভীম ।—(মনেমনে বিতর্ক করিয়া) কি ? এ অস্ত্রাগার নয় ?—এ
পাঞ্চালীর অস্তঃপুর ? (চিন্তা করিয়া সহর্ষে) হাঁ, পাঞ্চালীর
সঙ্গেও আমার পরামর্শ করতে হবে । (সন্মোহে সহদেবের হস্ত
ধারণ পূর্বক) ভাই, তুমিও এসো । কোরবদেয় সঙ্গে দাদা

প্রথম অঙ্ক ।

সন্ধি ইচ্ছা করে' আমাদের কি কষ্ট দিচ্ছেন তা তুমিও দেখ ।
(উভয়ের প্রবেশ)

দৃশ্য ।—প্রানাদের অন্তঃপুর ।

ভীম ।—(দ্রোণে ভূতলে উপবেশন)

সহ ।—(ব্যস্ত-সমস্ত ভাবে) দাদা ! এইখানে আসন পাতা আছে,
এইখানে বসে' মুহূর্তকাল কৃষ্ণার আগমন প্রতীক্ষা করুন ।

ভীম ।—দেখ ভাই, “কৃষ্ণার আগমন”—এই কথাই প্রসঙ্গে কৃষ্ণের
নাম মনে পড়ে গেল । আচ্ছা, ভগবান কৃষ্ণ, কিরূপ সন্ধি
করবার জন্য সুযোজনকে বলে' পাঠিয়েছেন ?

সহ ।—দাদা ! পাঁচটি গ্রামের পণে ।

ভীম ।—(কান ঢাকিয়া) ওঃ ! এ যদি সত্য হয়, মহারাজ অজাত-
শত্রুর তেজের কতটা অপকর্ষ হয়েছে—শুনে আমার হৃদয়
যেন কাঁপুচে । দেখ ভাই, তুমি যেন এ কথা ভীমকে বল
নি—ভীমও যেন এ কথা কিছুই শোনে নি । (ফিরিয়া
দণ্ডায়মান)

কাজ-তেজ যাহা ছিল

অগ্রজের প্রচণ্ড দুর্জয়

দূত-ক্রীড়াকালে তাও

হারাইলা নৃপতি নিশ্চয় ॥

(নেপথ্যে)

ঠাকুরাণি ! অত অধীর হবেন না ।

সহদেব ।—(নেপথ্যাভিমুখে অবলোকন করিয়া স্বগত) এই যে,

জ্যোপদী অশ্রুজল কোনরূপে সম্বরণ করে' দাসীর কাছে আস-
চেন। এইবার দেখ্‌চি ঘোরতর বিপদ উপস্থিত।

আর্য্য আজি ক্রুদ্ধ হয়ে যে বৈছাতিক জ্যোতি
করেন ধারণ

—বর্ষা-সম কৃষ্ণা আদি' নিশ্চয় তাহারে আরো
করিবে বর্জন ॥

(দাসীর সহিত সেইরূপ ভাবে জ্যোপদীর
প্রবেশ।)

জ্যোপদী।—(ছল-ছল চোখে নিঃশ্বাস ফেলিয়া)

দাসী।—ঠাকুরাণি! অত অধীর হবেন না। কুমার ভীমসেন কোর-
বদের বন্ধ-শত্রু, তিনি নিশ্চয় আপনার কোপ শাস্তি করবেন।

জ্যো।—ওলো বুদ্ধিমতিকে! তা হতে পারে যদি মহারাজ প্রতিকূল
না হন। তাই নাথকে দেখুবার জন্য আমার হৃদয় উৎসুক
হয়েচে। আমাকে তাঁর ঘরে নিয়ে চল।

দাসী।—এই দিকে ঠাকুরাণি, এই দিকে। (পরিক্রমণ) এই তাঁর
ঘর—প্রবেশ করুন।

দৃশ্য।—ভীমের কক্ষ।

জ্যো।—নাথকে বল, আমি এসেছি।

দাসী।—যে আজ্ঞে ঠাকুরাণি! (পরিক্রমণ করতঃ নিকটে
আসিয়া) কুমারের জয় হোক!

ভীম।—(না শুনিয়া, “কাজ-তেজ যাহা ছিল” ইত্যাদি পুনরাবৃত্তি)

দাসী ।—(ফিরিয়া আসিয়া) ঠাকুরাণি ! একটা সুস্বাদু দি ।

দেখে মনে হল, কুমার যেন কুপিত হয়ে আছেন ।

দ্রৌ ।—ওলো, তা যদি হয়, তাঁর অবজ্ঞাতেও আমার মনে সাধনা
হচ্ছে । আচ্ছা তবে এইখানে একান্তে বসে শোনা যাক,
নাথ কি বল্‌চেন । (উভয়ের তথাকরণ)

ভীম ।—(সহদেবের প্রতি) কি ?—পক্ষ গ্রামের পণে সন্ধি ?—

শত শত কৌরবের .

—রণে আমি সংহারিব আমি ।

হুঃশাসন-বন্ধ-হতে

কৃধির করিব আমি পান ।

গদায় করিব চূর্ণ

দ্রুহ্যোধন-উরুস্থল আজ

করুন না সন্ধি কেন

পণ লয়ে তব মহারাজ ॥

দ্রৌ ।—(সহর্ষে, জনাস্তিকে) নাথ ! এরূপ কথা তো তোমার
আগে কখন শুনি নি—ঐ কথা আবার বল, আবার বল ।

ভীম ।—(না শুনিয়া, “শত শত কৌরবের” ইত্যাদি পুনরাবৃত্তি)

সহ ।—দাদা ! মহারাজ যা বলে’ পাঠিয়েচেন, আপনি তার গুঢ়
তাৎপর্য ঠিক গ্রহণ করতে পারেন নি ।

ভীম ।—এর আবার গুঢ় তাৎপর্য কি ?

সহ ।—মহারাজ এইরূপ বলে পাঠিয়েছেন :—

ভীম ।—কার নিকট ?

সহ ।—দ্রুহ্যোধনের নিকট ।

ভীম ।—কি বলে' পাঠিয়েচেন ?

সহ ।—

* ইন্দ্রপ্রস্থ, বৃকপ্রস্থ, জয়ন্ত, বারণাবত

যাহাদের নাম

—চারি গ্রাম দেও মোরে, তাহা ছাড়া পঞ্চমেতে

আরো কোন গ্রাম ॥

ভীম ।—তার পর কি ?

সহ ।—তাই, এই চার নামের গ্রাম প্রার্থনা করায়, আর পঞ্চম
গ্রামের নাম উল্লেখ না করায়, আমার মনে হয়, বিষভোজন,
জতুগৃহ, দ্যুত-সভাদি অপকার-স্থান স্মরণ করিয়ে দেওয়া হয়েছে ।

ভীম ।—(দর্প-ভরে) তাই ! এতে হল কি ?

সহ ।—দাদা ! এরা দ্বারা স্বগোত্র ক্ষয়ের আশঙ্কা প্রকাশ করা হল ;
আর, কুরুরাজের সহিত সন্ধি হতে পারে না, এই কথা বলা
হল ।

ভীম ।—এ সমস্তই অনর্থক ; কেন না, এখান থেকে আমরা বনে
গিয়ে যখন সমস্ত কুরুবংশ ধ্বংস করব বলে' প্রতিজ্ঞা করি,
তখনি ত প্রকারান্তরে বলা হয়েছিল, কুরুদের সহিত সন্ধি
হতে পারে না । তা ছাড়া, ধার্ত্তরাষ্ট্রদের কুলক্ষয় হবে বলে'
লোক-মাঝে তো প্রসিদ্ধই আছে ।

সহ ।—(লজ্জিত)

* ইন্দ্রপ্রস্থ অর্থাৎ খাণ্ডবপ্রস্থে নির্বাসন—বৃকপ্রস্থ অর্থাৎ বৃকোদর ভীমের বিব-
পান—জয়ন্ত অর্থাৎ দ্যুতক্রীড়ার পরাজয়—বারণাবত অর্থাৎ জতুগৃহ দাহন
ইত্যাদি স্মরণ করাইয়া শেষে পঞ্চম গ্রাম অর্থাৎ পঞ্চদ-প্রাপ্তি হৃচক সংগ্রাম
প্রার্থনা ।

ভীম ।—কি ?—আরে মুর্থ ! এটা তোমাদের লজ্জার বিষয় হল ?

তব লজ্জা হল, শুনি'— ক্রোধবশে লোক-মাঝে

শত্রুরা নিধন ?

আর, নাহি লজ্জা হয় পত্নীর স্বচক্ষে দেখি'—

কেশ-আকর্ষণ ?

দ্রৌ ।—(জনান্তিকে) নাথ, এদের তো লজ্জা নেই । কিন্তু তুমিও
কি আমাকে বিস্মৃত হবে ?

ভীম ।—দেখ ভাই, পাঞ্চালীর এত বিলম্ব হচ্ছে কেন ?

সহ ।—দাদা ! তিনি অনেক ক্ষণ হল এসেছেন—রোষের আবেশে
আপনি তা লক্ষ্য করেন নি ।

ভীম ।—(দেখিয়া সাদরে) দেবি ! আমার অত্যন্ত রাগ হয়েছিল,
তাই তুমি কখন এসেছ জানতে পারি নি । তুমি কিছু মনে
কোরো না ।

দ্রৌ ।—নাথ ! তুমি যদি উদাসীন হও, তাহলেই মনে করব ।
কুপিত হলে কিছু মনে করব না ।

ভীম ।—তোমার যদি অপমান বোধ না হয়ে থাকে (হস্ত ধরিয়া,
পাশে বসাইয়া, মুখাবলোকন) তবে কেন তোমাকে এরূপ উদ্বিগ্ন
দেখছি বল দিকি ?

দ্রৌ ।—(কষ্টে দীর্ঘনিঃশ্বাস) নাথ ! তুমি কাছে থাকতে আমার
আর উদ্বেগ কিসের ?

ভীম ।—না, তুমি উদ্বেগের কারণটা আমাকে বল না । (কেশ
অবলোকন করিয়া) অথবা বলেই বা কি হবে ?

জীবিত ও সন্নিকটে

থাকিতে গেঁ পাণ্ডুপুত্রগণ

পাকাল-ছহিতা যবে

এ বৈধব্য করেন বহন ॥

দ্রো।—ওলো বুদ্ধিমতিকে ! নাথকে বল, আমার অপমানে আর
কারণই বা কি কষ্ট হয়েছে ?

দাসী।—যে আজ্ঞে ঠাকুরাণি ! (ভীমের নিকটে আসিয়া, অঞ্জলি-
বদ্ধ হইয়া) কুমার ! আজ দেবীর এ অপেক্ষাও অধিক কোপের
কারণ আছে ।

ভীম।—কি ? এর চেয়েও অধিক ?—বল বল ।

মুক্তবেণী এই কৃষ্ণা — যিনি কুরুবংশ-বনে

মহা ঘোর ধুম-শিখা সম—

এঁর গাত্র পরশিয়া ; সেই কুরু-দাবানলে

কে করে পতঙ্গ-আচরণ ?

দাসী।—শুনুন কুমার ! আজ দেবী মায়ের সঙ্গে, হুভদ্রা প্রভৃতি
সপত্নীবর্গে পরিবেষ্টিত হয়ে, গান্ধারী ঠাকুরাণীর পাদবন্দন করিতে
গিয়েছিলেন ।

ভীম।—ঠিকই করেছিলেন, কেন না গুরুজনেরা প্রণম্য ; তার পর,
তার পর ?

দাসী।—তার পর ফিরে আসবার সময়, দেবীকে ভানুমতী দেখতে
পেলেন—

ভীম।—(সক্রোধে) আঃ ! শত্রু-পত্নী দেখতে পেলেন ? ঠিক !
ঠিক ! এ স্থলে দেবীর ক্রোধ হবারই কথা । তার পর, তার
পর ?

দাসী ।—তার পর, তিনি দেবীকে দেখে, সখীর মুখের পানে চেয়ে
হেসে বলেন—

ভীম ।—শুধু দেখলে তা নয়—আবার কথা বলে ? ওঃ ! কি করা
যায় ?—তার পর, তার পর ?

দাসী ।—“ওগো যাজ্ঞসেনি ! শোনা যাচ্ছে নাকি, সম্ভ্রান্তি পাঁচটি
গ্রাম প্রার্থনা করা হয়েছে । তবে, এখনও কেন তোমার চুল
বাঁধা হয় নি বল দিকি ?”

ভীম ।—সহদেব !—শুনলে ?

সহ ।—দাদা ! ও তো হুর্যোধনের জ্বর উত্তি । দেখুন :—

সাহচর্য্য-বশে শুধু স্বামীর সদৃশ হয়
জ্বীগণের চিত ।

বিষ-বৃক্ষাশ্রিতা-লতা মধুর হলেও করে
অন্তরে অর্চ্ছিত ॥

ভীম ।—বুদ্ধিমতিকে ! তার পর, দেবী কি বলেন ?

দাসী ।—কুমার ! দাসী সঙ্গে থাকলে তিনি নিজে কিছু বলেন না ।

ভীম ।—আচ্ছা, তুমি কি বলে, বল ।

দাসী ।—কুমার ! আমি এই কথা বল্লেম ;—“বলি ওগো ভানুমতি !
তোমার চুল বাঁধা থাকতে, আমাদের ঠাকুরাণী কেমন করে
চুল বাঁধেন বল দিকি ?”

ভীম ।—(পরিতুষ্ট হইয়া) বেশ বলেচ বুদ্ধিমতিকে ! আমাদের
দাসীর উপযুক্ত কথাই হয়েছে । (নিজের আভরণাদি বুদ্ধি-
মতিকে প্রদান করিয়া অধীর ভাবে আসন হইতে উত্থান)
ওগো পঞ্চাল-তনয়ে ! আর হুঃখ কোরো না—অধিক আর কি
বল্বে, শোবো আমি কি করতে যাচ্ছি—শীঘ্রই দেখুবে, ভীম :—

চলন্ত-ভুজ-ঘূর্ণিত

প্রচণ্ড সে গদার আঘাতে

চূর্ণি' হৃষ্যোধন-উরু,

ঘন-রক্ত-লিপ্ত সেই হাতে

মুক্তকেশ তব, দেবি !

বন্ধন করিয়া দিবে মাথে ॥

ক্রৌ।—নাথ ! কুপিত হলে তোমার অসাধ্য কি আছে ? তোমার

ভাতারাও যেন সর্বপ্রকারে এ কার্যে অনুমোদন করেন।

মহ।—এ কার্য আমাদেরও অনুমোদিত।

(নেপথ্যে মহা কোলাহল)

সকলে।—(সবিস্ময়ে শ্রবণ)

ভীম।—

মহু-দণ্ড সঞ্চালনে

অর্ণব-সলিলে বায়

গহ্বর প্রাবিত,

—সে মন্দর-গিরি হতে স্নগভীর ধ্বনি যথা

হয় সমুথিত,

শত ভেরী ঢকা-নাদে

প্রলয়-সংঘট্ট-ঘটা

যথা নিনাদিত,

ক্লেশ-ক্রোধ-অগ্র-দূত

কুরুপতি-বধ-রূপ

ঘোর ঝঙ্ক-সম

—সিংহ-প্রতিধ্বনিপ্রায়— কে এ হুমুভি ঘোর

করে গো বাদন ?

(দ্রুতবাস্ত ভাবে কঞ্চুকীর প্রবেশ ।)

কঞ্চুকী ।—ইনি নিশ্চয় ভগবান বাসুদেব ।

সকলে ।—(কৃতাজলি হইয়া সমুখান)

ভীম ।—কোথায়—কোথায় ভগবান ?

কঞ্চু ।—পাণ্ডব-পক্ষপাতী বলে' স্নয়োধন তাঁকে বন্ধন করবার উপক্রম করেছিল ।

সকলে ।—(ভয়-ব্যাকুল)

ভীম ।—কি ?—তিনি কারাবদ্ধ ?

কঞ্চু ।—না না, তাঁকে বন্ধন করবার উপক্রম করেছিল ।

ভীম ।—ভগবান কি করলেন ?

কঞ্চু ।—তার পর, ভগবান বিশ্বরূপ প্রদর্শন করায়, তারই তেজঃ-
পুঞ্জ কুরুকুল মুচ্ছিত হয়ে পড়ল ; তখন তাদের পরি-
ভাগ করে' আমাদের শিবিরে তিনি এসে উপস্থিত হলেন ।
আর, এখন তিনি কুমারকে শীঘ্র দেখতে চাচ্ছেন ।

ভীম ।—(উপহাস-সহকারে) কি ? ছুরায়া স্নয়োধন ভগবানকে
বন্ধন করতে চায় ? (আকাশে দৃষ্টিপাত করিয়া) আরে
ছুরায়া কুরু-কুল-কলঙ্ক ! এইরূপ ভগবানের মর্যাদা লঙ্ঘন
করে', এখন দেখুচি তুই পাণ্ডব-ক্রোধের শুধু উপলক্ষ্য-মাত্র হলি ।

সহ ।—দাদা ! এই হতভাগ্য ছুরায়া স্নয়োধন, ভগবান বাসু-
দেবকে কি এখনও চেনে নি ?

ভীম ।—ভাই ! ও নিতান্ত মূঢ়—কি করে' চিন্বে বল ? দেখ :—

আত্মাতে ঝাঁদের রক্তি, নির্বিকল্প সমাধিতে

যাঁহারা নিরত,

জ্ঞানোজ্জ্বল ঝাঁহাদের মোহ-তমো-গ্রন্থিচয়

হয়েছে বিগত

—সাদ্বিক সে মুনিগণ কোনরূপে ঝাঁহারে গো

করেন দর্শন,

যিনি—কি জ্যোতি, কি তম— ছয়েরি অতীত, যিনি

দেব সনাতন

—তঁাহারে কেমনে বল জানিবে গো স্বরূপত

অজ্ঞানান্ধ জন ?

মৈত্রেয় মহাশয় ! গুরুজনেরা এখন কি কাজে প্রবৃত্ত ?

কণ্ঠ ।—এখন কি কাজে প্রবৃত্ত, কুমার স্বয়ং গেলেই সব জানতে

পারবেন । (প্রস্থান)

নেপথ্যে ।—(কোলাহল) ওগো ! দ্রুপদ, বিরাট, বৃষ্ণি, অন্ধক,

সহদেব প্রভৃতি আমাদের সেনাপতিগণ ! আর, কৌরব

সৈন্তের প্রধান ঘোড়াগণ ! তোমরা সকলে শ্রবণ কর :—

সত্যভদ্র-ভীষ্মজন

বলে যাহা করিলা স্থগিত,

শান্ত জন শান্তি-তরে

চাহিল যা হইতে বিশ্বস্ত,

সেই সে ক্রোধের জ্যোতি, হয়ে আলোড়িত ঘোর

দ্যুতের মন্থনে,

হইয়া বর্জিত আরো নৃপসুতা দ্রৌপদীর

কেশ-আকর্ষণে,

বুধিষ্ঠির-চিত্ত-মাঝে হয়ে উদ্ভাসিত

কুরু-বনে দেখে এবে হয় প্রকাশিত ॥

ভীম ।—(গুনিয়া সহর্ষে ও সক্রোধে) দাদার ক্রোধানল জ্বলে
উঠুক, জ্বলে উঠুক—অবাধে জ্বলে উঠুক ।

(পুনর্ব্বার নেপথ্যে কোলাহল)

দ্রৌ ।—(সবিস্ময়ে) নাথ ! প্রলয়কালের ঘোরতর মেঘগর্জনের
মত, কি জন্য ক্ষণে ক্ষণে এই ছন্দুভি-ধ্বনি হচ্ছে ?

ভীম ।—দেবি ! আর কি ? এইবার যজ্ঞ আরম্ভ হল ।

দ্রৌ ।—(সবিস্ময়ে) এ কিসের যজ্ঞ ?

ভীম ।—রণ-যজ্ঞ । দেখ :—

এ যজ্ঞে চারিজন মোরা যজমান,

দীক্ষা-গুরু আমাদের হরি-ভগবান ।

দীক্ষিত হইলা দেখ

এই রণযজ্ঞে নরপতি ।

দ্রৌপদী গৃহীত-ব্রতা ;

যজ্ঞ-পশু কুরুর সন্ততি ।

প্রিয়া-অপমান-ক্লেশ-

উপশম—এ যজ্ঞের ফল ।

রাজত্বের নিমন্ত্রণে

যশো-চাক্ বাজে এ সকল ॥

সহ ।—দাদা ! গুরুজনের আজ্ঞা-অনুসারে এখন তবে নিজ নিজ
বলবিক্রমের অনুরূপ কব্জ করা যাক্, চল ।

ভীম ।—ভাই ! দাদার আদেশ-অনুসারে কার্য্য করতে আমরা

প্রস্তুত—চল । (উঠিয়া) দেবি ! আমরা কুরু-বংশ ধ্বংস
করতে চল্লেম ।

দ্রৌ ।—(ছল-ছল চোখে) নাথ ! অসুর-সমরাভিমুখী হরের ত্রায়
তোমাদের মঙ্গল হোক !

দাসী ।—আরও এই কথা দেবী বল্চেন :—নাথ ! যুদ্ধক্ষেত্র হতে
'ফিরে এসে আবার আমাকে সাঙ্গনা কোরো ।

ভীম ।—দেবি ! মিথ্যা সাঙ্গনায় কি ফল ?

বহুবিধ অপমানে ক্লান্তি ও লজ্জায় হয়ে
মলিন-আনন,
ফিরিবে না কভু ভীম না করিয়া কুরুকুলে
সমূলে নিধন ॥

দ্রৌ ।—নাথ ! দ্রৌপদীর অপমানে, ক্রোধে প্রজ্জ্বলিত হয়ে, দেখো
যেন রণক্ষেত্রে আপনার শরীরের প্রতি উদাসীন হয়ো না—
কেননা, শুন্তে পাই নাকি, শত্রু-সৈন্তের মধ্যে অতি সাব-
ধানে বিচরণ করতে হয় ।

ভীম ।—ও গো সূক্ষ্মত্রিয়ে !

পরস্পর আক্রমণে গজ-দেহ বিদারণে
সঞ্চিত বে রক্তমাংস-পঙ্ক
—তাহে মগ্ন রথ কত, তরুপাশি উঠে যত
মহাবল পদাতি নিঃশঙ্ক ।
রক্ত-নদী বহে' বায়, পান-সভা বসে তায়,
অশ্বিবি শিবারা মাতি' করে তূর্য্যধ্বনি ।

তাহে নাচে তালে তালে, কবন্ধেরা পালে পালে,
—প্রলয়-জলধি সম এই রণ-ভূমি ।
এই জলধির জলে হয়ে আনন্দিত,
বিচরিতে পাণ্ডুপুত্র সবে সুপণ্ডিত ॥

(সকলের প্রস্থান)

ইতি প্রথম অঙ্ক ।

দ্বিতীয় অঙ্ক ।

কঞ্চুকীর প্রবেশ ।

কঞ্চুকী ।—মহারাজ হৃষ্যোদন আমাকে এই আদেশ করলেন :—“দেখ
বিনয়স্কর, তুমি শীঘ্র গিয়ে দেবী ভানুমতীকে অন্বেষণ কর
তিনি মাতৃগণের পাদবন্দনাদি করে’ ফিরে এসেছেন কি না
জেনে এসো । কেননা, তাঁকে দর্শন করে’ তার পর রণক্ষেত্রে
গিয়ে কর্ণ, জয়দ্রথ, প্রভৃতি অভিমন্যু-নিহস্তা ক্ষত্রিয়গণকে
সম্মানের সহিত অভিনন্দন করতে হবে।” তাই, আমার
এখন শীঘ্র যেতে হবে । কি আশ্চর্য্য ! সকলই মহারাজের
ইচ্ছা ; তাঁর নিয়োগেই, বার্ককো অভিভূত হয়েও, কেবল মাত্র
পদমর্যাদা রক্ষার জন্য এই অন্তঃপুরে আমার এখন বাস করতে
হচ্ছে ; অথবা, জরাকেই বা বৃথা কেন তিরস্কার করি, অন্তঃপুর-
কর্ম্ণ-চারী মাত্রেয়ই তো আমারি মত বেশভূষা ও আমারি
মত, চেষ্টা-চরিত্র । দেখ, তাই :—

—যথার্থই থাকে যদি, উর্দ্ধে কিছু—তবু নাহি

উর্দ্ধে কভু করি গো দর্শন ।

শুনেও শুনি না কানে, শক্তি থাকিলেও দেহে

হাতে যষ্টি করি গো ধারণ ।

ভূমি মাড়াইয়া চলি মন দিয়া সযতনে,

উদ্ধত ভাবে কভু না করি গমন ।

যাহা করি, সকলি সে জীবিকার অনুরোধে

—বার্কক্য-জনিত তাহা নহে কদাচন ॥

(পরিক্রমণ ও দর্শন করিয়া—আকাশে) ওগো কিহঙ্গিকে !
 গুপ্তজনের পাদবন্দনা করে' ভানুমতী কি ফিরে এসেছেন ? (কান
 পাতিয়া) কি বল্চ ?—

(আকাশে উত্তর)—মহাশয়, দেবী ভানুমতি গুপ্তজনের
 পাদবন্দনাদি করে', যুদ্ধে জয়ী হবার আশায়, আজ হতে ব্রত-
 নিয়ম পালন করে' পুষ্পোদ্ভানের দেব-গৃহে অবস্থিতি করচেন ।

কঙ্ক ।—আচ্ছা, বাছা ! এখন তবে তুমি তোমার কাজে যাও ।

আমিও মহারাজকে জানিয়ে আসি, দেবী সেইখানে আছেন ।

(পরিক্রমণ) সাধু পতিব্রতে সাধু ! স্ত্রীলোক হয়েও উনি ইষ্ট
 সাধনের চেষ্টা করচেন, আর মহারাজ কি না, এই প্রবল শত্রু-
 পক্ষ—শুধু প্রবল নয়—এই বাহুদেব-সহায় শত্রুপক্ষ পাণ্ডবেরা
 থাকতে, অন্তঃপুরে এখন বেশ স্বচ্ছন্দে বিহার-সুখ উপভোগ
 করচেন । (চিন্তা করিয়া) আর এটিও প্রভুর উচিত কার্য্য
 হয় নি, কেন না :—

অস্ত্রাদি ধারণাবধি পরশু যাঁহার
 অজেয় বলিয়া ছিল জগতে প্রচার
 —সে পরশুরাম-জেতা ভীষ্মেরে আহবে
 পাণ্ডবেরা শরাঘাতে বধিলেন যবে,
 রাজার হল না তাহা শোকের কারণ ;
 আরো, যবে অভিমন্যু বালক অমন
 প্রৌঢ় বীরগণ সনে যুঝি' ক্রান্ত-কায়
 ধনু-বিরহিত হয়ে একা অসহায়
 হলেন নিহত রণে, নৃপতি তখন
 শুনিয়া হলেন কত হরষিত-মন ॥

দেবতার। সর্বপ্রকারে ঘেন আমাদের মঙ্গল করেন—যাই, এখন
মহারাজের কাছে গিয়ে দেবী ভানুমতীর সংবাদটা দিই গে ।

(প্রস্থান)

ইতি বিকল্পক ।

দৃশ্য—উদ্যানস্থ মন্দির ।

সখী ও দাসীর সহিত ভানুমতী আসনস্থ ।

সখী ।—সখি ভানুমতি ! অভিমানী মহারাজা হর্ষোধনের তুমি
মহিষী হয়ে, শুধু একটা স্বপ্ন দেখেই শোকে এত অধীর হয়ে
পড়েচ ?

দাসী ।—ঠাকুরাণি ! উনি ঠিকই বল্‌চেন—স্বপ্নে কি না প্রলাপ
দেখা যায় ?

ভানু ।—সে কথা সত্যি । কিন্তু এ স্বপ্নটা আমার বড় অশুভ বলে
মনে হচ্ছে ।

সখী ।—প্রিয়সখি ! তা যদি হয়, স্বপ্নটা কি, আমাদের বল ; আমরা
তা হলে প্রতিষ্ঠিত দেবতাদের স্তবস্তুতি সংকীৰ্ত্তনাদির দ্বারা
অশুভ শাস্তি করি ।

দাসী ।—উনি তো বেশ কথা বলেচেন । শোনা যায়, দেবতাদের
স্তবস্তুতি করলে নাকি, অশুভ স্বপ্ন ও শুভ হয়ে দাঁড়ায় ।

ভানু ।—তা যদি হয়, তবে বলি, মন দিয়ে শোনো ।

সখী ।—বল, আমি মন দিয়ে শুন্‌চি প্রিয়সখি ।

ভানু ।—ওলো ! তবে আমি সব ভুলে গেছি—একটু রোস্, মনে
করে' বল্‌চি । (চিন্তা)

কঞ্চুকী ও দুৰ্য্যোধনের প্রবেশ ।

দুৰ্য্যো ।—কে একজন বেশ একটা কথা বলেচে :—

কি নিভুতে, কি সাক্ষাতে— কি বহুল কি অলপ—

আপনি, কি অস্ত্রের দ্বারায়,

শত্রুর অনিষ্ট যদি করা যায় কোনমতে,

কি আনন্দ হয় গো তাহায় ॥

তাই, দ্রোণ কর্ণ জয়দ্রথ প্রভৃতির দ্বারা আজ অভিমত্য় নিহত
হয়েচে শুনে, আমার হৃদয় আহ্লাদে উচ্ছ্বসিত হয়ে উঠেচে ।

কঞ্চু ।—মহারাজ ! আপনার যেরূপ শস্ত্র-শিক্ষার প্রভাব, তাতে
এ অতি দুষ্কর কাজ নয়, আর কর্ণ জয়দ্রথ প্রভৃতিরই বা এতে
শ্লাঘার বিষয় কি আছে ?

রাজা ।—বিনয়ঙ্কর ! কি বল্চ তুমি ?—ছিন্ন-ধনু নিরস্ত্র বালক
অনেকের দ্বারা নিহত হয়েচে ? দেখ :—

পুরোভাগে শিখণ্ডিরে করিয়া স্থাপন

বৃদ্ধ ভীষ্মে পাণ্ডবেরা করিল নিধন ।

এ যেরূপ তাহাদের শ্লাঘার বিষয়

—সেও আমাদেরো তাই, জানিবে নিশ্চয় ॥

কঞ্চু ।—(অপ্রতিভ হইয়া) মহারাজ ! আমার তা বলবার অভি-
প্রায় নয়—আমার কথাটা ওরূপ ভাবে গ্রহণ করবেন না ।
তবে কি না, আপনার পৌরুষের ব্যাঘাত ইতিপূর্বে আমরা
কখন দেখিনি, তাই ঐরূপ নিবেদন করছিলাম ।

রাজা ।—সে কথা সত্য । কিন্তু এ তুমি বেশ জেনো :—

বন্ধু, ভৃত্য, মিত্র, পুত্র,
 সৈন্যবল, অশ্বজের সাথ
 হুৰ্যোধনে পাণ্ডুপুত্র
 নিহত করিবে অচিরাত্ ।

কঙ্ক ।—(সভয়ে কান ঢাকিয়া) ও পাপ-কথা, ও অমঙ্গলের কথা
 মুখে আনবেন না ।

রাজা ।—বিনয়ঙ্কর । কি আমি বলেছি বল দিকি ?

কঙ্ক ।—

বন্ধু, ভৃত্য, মিত্র, পুত্র
 সৈন্য-বল, অশ্বজের সাথ
 পাণ্ডুপুত্রে হুৰ্যোধন
 নিহত করিবে অচিরাত্ ॥

—এইরূপ বলা মহারাজের উচিত ছিল, কিন্তু তা না বলে’,
 মহারাজ এর বিপরীত কথাই বলেচেন ।

রাজা ।—দেখ বিনয়ঙ্কর ! ভানুমতী পূর্বের মত আমার সহিত
 বাক্যালাপ না করে’ প্রাতেই গৃহ হতে কোথায় বেরিয়ে
 গেছেন—তাই আমার মন বড়ই উদ্বিগ্ন হয়েছে । এখন ভানু-
 মতী যেখানে আছেন, আমাকে তুমি সেইখানে নিয়ে চল ।

কঙ্ক ।—এই দিক দিয়ে মহারাজ—এই দিক দিয়ে আসুন ।

উভয় ।—(পরিক্রমণ)

কঙ্ক ।—(সম্মুখে অবলোকন ও চারিদিকে গন্ধ আশ্রাণ করিয়া)
 দেখুন !

তুহিন-কণ-শীতল সমীরণে হয়ে বিচলিত
বৃন্তচ্যুত শেফালিকা যেথায় হতেছে বিকীরিত,
মুগ্ধ বধু-গণ্ড-সম আরক্তিম লোঞ্ছ ফোটে যেথা
কুন্দ কৃত প্রস্ফুটিত, শোভে যেথা চারু শ্যামলতা
—এ হেন সে বালোত্তান—সুশীতল পুষ্প-স্বরভিত—
—প্রাতঃকাল-রমণীয়—হের তব সম্মুখে বিস্তৃত ॥

আবার দেখুন !—

শিশির-বিমিশ্র মধু, তাহে পূর্ণ যার অভ্যন্তর
রাতে-ফোটা হেন পুষ্প, আছে পড়ি ভূমে নিরন্তর ।
স্ব্যাকর-উদভিন্ন, 'কমল-মুকুল-ঘন-বাসে
আকৃষ্ট ভ্রমর-বৃন্দ, উড়ি আসি' বাঁকে বাঁকে বসে ॥

রাজা ।—(চারিদিকে অবলোকন করিয়া) বিনয়ঙ্কর ! দেখ, এই
উষাকালে আরও একটি রমণীয়তর ব্যাপার দেখা যাচ্ছে ।
দেখ :—

ফুটো-ফুটো নলিনীর বিকাশ-উন্মুখ-দল-
উপান্ত-গবাক্ষ-জাল-দিয়া
প্রবিষ্ট যে অলিবৃন্দ—ভান্ন-করে তাহাদের
নৃপসম দেয় জাগাইয়া ।
বিকসিত নলিনীর গর্ভ-শয্যা তারা দেখ
পত্নীসহ করে পরিত্যাগ,
ঘন-পরিমল-বাসে অল্পপ স্ফুটিত করি'
রজো-লিপ্ত নিজ অঙ্গ-রাগ ॥

কণ্ঠ ।—মহারাজ ! ঐ দেখুন ভানুমতী ঐ খানে বসে আছেন,

আর, স্রবদনা ও তরলিকা ঔর সেবা করচে । মহারাজ চলুন,
এখন তবে নিকটে যাওয়া যাক ।

রাজা ।—(দেখিয়া) দেখ বিনয়স্কর ! তুমি এখন গিয়ে যুদ্ধ-রথ
সজ্জিত কর গে, আমিও দেবীর সহিত সাক্ষাৎ করে' এখনি
আস্চি ।

কঞ্চু ।—যে আজ্ঞা মহারাজ ।—(প্রস্থান)

সখী ।—প্রিয় সখি ! তোমার কি এখন মনে পড়েচে ?

ভান্ন ।—সখি ! হাঁ মনে পড়েচে । আমি যেন এই প্রমোদ-বনে
বসে আছি, আর আমার সম্মুখে অতি সুন্দর একটি নকুল এসে
এক-শত সর্প বধ করলে ।

উভয়ে ।—(স্বগত) কি অশুভ কথা ! কি অশুভ কথা ! (প্রকাশ্যে)
তার পর ? তার পর ?

ভান্ন ।—শোকে আমার হৃদয় এমনি অভিভূত, আবার দেখ আমি
ভুলে গেলেম ।

রাজা ।—(দেখিয়া) ওহো ! দেবী ভান্নমতী, স্রবদনা ও তরলিকার
সঙ্গে কি পরামর্শ করচেন । আচ্ছা, এই লতাজালের আড়াল
থেকে শোনা যাক, ঔদের মধ্যে কি গোপনীয় কথা হচ্ছে ।
(তথা অবস্থান)

সখী ।—সখি ! হুঃখ কোরো না—এখন তার পর কি,
বল ।

রাজা ।—কি না জানি এঁর হুঃখের কারণ । অথবা, আমি যে ঔকে
কিছু না বলে' গৃহ হতে বেরিয়ে এসেছি, তাতেই হয় তো ঔর
রাগ হয়েছে ! ওগো ভান্নমতী ! শ্রুত্যাধন এমন কিছুই করে নি
যাতে তার উপর তোমার রাগ হতে পারে ।

ভ্রম-বশে তব কণ্ঠে হইল শিথিল কি গৌ
 আজি রাতে এ ভুজ-বন্ধন ?
 নিদ্রাভঙ্গে পাশ-ফিরি' অভিযুখী হইয়াও
 করি নি কি আদর যতন ?
 অপর স্ত্রীজন-সহ স্বপনে করেছি কি গৌ
 বাক্যালাপ হয়ে লঘু-মন ?
 কি দোষ দেখিলে মোর যাহাতে হইতে পারি
 সখীদেরো নিন্দার ভাজন ?

(চিন্তা করিয়া) অথবা :—

আমি-ই তোমার এক হৃদয়-আশ্রয়,
 আমাতেই আছে বন্ধ তোমার প্রণয় ।
 তাই, অতি-প্রেমে বুঝি হয়ে ঈর্ষান্বিতা
 কল্পনায় দোষ দেখি' হও গৌ কুপিতা ।

তবু, কি বল্চে শোনা যাক্ ।

ভানু।—তার পর, সেই সুন্দর নকুলটিকে দেখে আমি অত্যন্ত
 উৎসুক হয়ে উঠ্লেম ।

রাজা।—কি ?—সেই সুন্দর নকুলকে দেখে উৎসুক হয়ে উঠেছে ?
 তবে কি মাদ্রীপুত্র নকুলের প্রতি অনুরক্ত হয়ে আমাকে
 প্রতারণা করচে ? (স্মরণ করিয়া, পুনর্বার “আমিই
 তোমার” ইত্যাদি পাঠ) মুঢ় হৃষ্যোধন ! কুলটা কর্তৃক প্রতা-
 রিত হয়েও আপনাকে গৌরবান্বিত মনে করে' তুমি কত কি
 বলেচ !—ওহো ! এই জন্তই প্রভাতে এই নির্জন স্থানে
 এসে সখীদের সঙ্গে বাক্যালাপ করতে ওর ইচ্ছে হয়েছে ।
 হৃষ্যোধনও কুলটার মনের প্রকৃত ভাব ঠিক বুঝতে না পেরে

কত কি কল্পনা কর্চে । আরে পাপীয়সী ! আমার পত্নী
হয়েও তুই এইরূপ ছুঁচরিতা ?

মোর কাছে ভীৰু অতি, অথচ গো এইরূপ
সাহসের ভাব ?

সাক্ষাতে প্রশংসা মোর, অথচ ধরম লজ্জি'
অগ্রে অনুরাগ ?

জড়বুদ্ধি আমি অতি ! সারল্য দেখায়ে মোরে
বক্র-পথ-গামী ?

প্রথ্যাত বিগুদ্ধ কুলে জনম-গ্রহণ করি'
এ কলঙ্ক মানি ?

সখী ।—তার পর, তার পর ?

ভানু ।—তার পর, আমি তাড়াতাড়ি এই লতামণ্ডপে প্রবেশ
করলেম, সেও আমার পিছনে পিছনে এইখানে এ'ল ।

স্বাজ্জা ।—ওঃ ! কুলটার মতই এই পাপীয়সীর নির্লজ্জতা !

ষাহাদের সনে তব গাঢ়তর প্রণয়ের
চিরন্তন ষোগ,

গোপনে ষাদের কাছে বলেছ আমার কত
প্রেমের সন্তোগ,

সেই সখীজন-কাছে

—কলঙ্কিনি কলুষ-হৃদয় !—

ছুঁচরিত-কথা তব

বলিতে কি লজ্জা নাহি হয় ?

উভয়ে ।—তার পর ?—তার পর ?

ভানু ।—তার পর, সে হাত বাড়িয়ে সহসা আমার বুকের কাপড় সরিয়ে দিলে ।

রাজা ।—(সক্রোধে) আর শুনে কি হবে ? আচ্ছা, এখনি আমি গিয়ে সেই পরস্ত্রী-অপহারী ধুষ্ট হতভাগা মাদ্রীপুত্রকে বধ করি গে । (কিয়দূর গিয়া চিন্তা) কিন্তু না, এই পাপীয়সীকে আগে শাসন করতে হবে । (প্রত্যাবর্তন)

উভয়ে ।—তার পর, তার পর ?

ভানু ।—তার পর, আমি প্রভাতী-মঙ্গলবাথের সহিত মিশ্রিত বার-বিলাসিনীদের সঙ্গীত-শব্দে জেগে উঠ্লেম ।

রাজা ।—(মনে মনে বিতর্ক করিয়া) কি ?—“আমি জেগে উঠ্লেম ?” তবে কি স্বপ্নদর্শনের কথা বল্চে ? (চিন্তা করিয়া) আচ্ছা, সখীদের কথায় হয় তো সমস্ত প্রকাশ হবে ।

উভয়ে ।—(বিষমভাবে পরস্পরের মুখের দিকে চাহিয়া) দেখে স্বপ্নদর্শনা !—যা কিছু অমঙ্গল হয়েছে, তা ভাগীরথী প্রভৃতির পুণ্য-জলে, আর ব্রাহ্মণদের প্রজ্জ্বলিত হোমাগ্নির দ্বারা সমস্ত দূর হবে ।

রাজা ।—আর কোন সন্দেহ নেই—উনি স্বপ্নদর্শনের কথাই বর্ণনা করছেন । আমি অতি নির্বোধ—আমি অন্তরূপ ভাবছিলাম ।

অর্দ্ধশ্রুত বাক্য শুনি’ সংশয়-জনিত ক্রোধ

ভাগ্যে হল দূর,

ভাগ্যে আমি বলি নাই পরুষ বচন, হয়ে

রোষে ভরপুর,

ভাগ্যে এই মূঢ়-হৃদি শুনিল প্রত্যয়-তরে
তার শেষ কথা,
মিথ্যা-অপবাদে ভাগ্যে এ-লোক করেনি ত্যাগ
সেই পতিব্রতা ॥

ভানু ।—ও লো ! এতে শুভ-সূচক কথা কি আছে বল ।

উভয়ে ।—(পরস্পরের প্রতি অবলোকন করিয়া চুপি চুপি) এ
আদপে শুভ-সূচক নয় । যদি মিথ্যা বলি, তা হলে অপরাধী
হব । জিজ্ঞাসা করলে যে ব্যক্তি, কঠোর হলেও হিত কথা বলে
সেই সখী । (প্রকাশ্যে) এতে সমস্তই অশুভ সূচনা করচে ;
এখন, দেবতাদের পূজা করে', ছুর্বাদি হাতে নিয়ে, অশুভ দূর
করতে হবে ; নকুল কিম্বা অগ্র কোন দংশীর দ্বারা শত সর্প
বধ সঙ্গে দেখা পণ্ডিতেরা ভাল বলেন না ।

রাজা ।—স্ববদনা ঠিকই বলেচে । নকুলের শত সর্প বধ, ও স্তন-বস্ত্র
অপসারণ,—এ সমস্তই আমাদের অনিষ্ট-ফল-দায়ক বলে' মনে
হয় ।

পর্য্যায় ক্রমে হয়— কভু শুভ কভু মন্দ—
স্বপন-দর্শন ।

স-অনুজ শত মোরা— শত-সংখ্যা আমাকেই
করে গো সূচন ।

(বামাক্ষি স্পন্দন) আঃ ! আমি হুর্ঘ্যোধন— এই সব অশুভ
সূচনার—আমারো হৃদয় ব্যথিত হবে ? না, এতে ভীক জনেরই
হৃদয় কম্পিত হয়, হুর্ঘ্যোধন—এ সব গণনার মধ্যেই আনেন না ।
অঙ্গিরা মুনিও এইরূপ মন্ত্ৰে বলে' গেছেন :—

গ্রহের সঞ্চার, স্বপ্ন, আরো, ছনিমিত্ত বাহা

হয় গো উদয়

—কলে “কাক-তালী” সম, তাহা হতে প্রাজ্ঞ জন

নাহি পান ভয় ॥

অতএব, ভানুমতীর এই জীস্বভাবমূলভ অলীক আশঙ্কা দূর করে’ দি ।

ভানু।—ওলো সুবদনে ! দ্যাখু, উদয়গিরির শিখরাস্তর হতে সূর্য্যদেবের রথ বিমুক্ত হওয়ায় সন্ধ্যা-রাগ বিগলিত হয়ে কেমন শুভ্র আলোক দেখা দিয়েচে !

সখী।—রোষান্বিত কর্ণরাগ সদৃশ শ্রী ধারণ করে’ লতা-জালের অভ্যন্তর হতে কিরণ বিকার্ণ করে’, উদ্ভান-ভূমিকে কনক-বর্ণে রঞ্জিত করে’, ভগবান সহস্ররশ্মি এখন ছুশ্ৰেক্ষণীয় হয়ে উঠেচেন । রক্তচন্দন ও পুষ্প-অর্থ দিয়ে সূর্য্যোপাসনার এই ঠিক সময় ।

ভানু।—ওলো তরলিকে ! আমার অর্ঘ্য-পাত্রটা নিয়ে আয়, আমি সূর্য্যদেবের পূজা করে’ নি ।

দাসী।—যে আজ্ঞে দেবি ! (প্রস্থান করিয়া পুনঃ প্রবেশ) ঠাকুরাণি ! এই অর্ঘ্য-পাত্র, এইবার সূর্য্যদেবের পূজা করুন ।

রাজা। - প্রিয়ার নিকটে গিয়ে উপস্থিত হবার এই তো সুন্দর অবসর । (নিকটে অগ্রসর)

সখী।—(দেখিয়া স্বগত) এ কি ! মহারাজ এসেচেন যে ! সর্ব্বনাশ ! এইবার দেখ্‌চি গুঁর ব্রত ভঙ্গ হল ।

ভানু।—(সূর্য্যের অভিমুখী হইয়া) ভগবন্ ! গগন-সরোবরের শতদল ! পূর্ব্বদিক-বধূর মুখ-মণ্ডলের কুঙ্কম বিশেষ ! সকল

ভুবনের অদ্বিতীয় রত্ন-প্রদীপ ! এই স্বপ্নদর্শনে যদি কিছু অমঙ্গল থাকে, তবে যেন তোমার আরাধনায় আবায় তা মঙ্গলে পরিণত হয়। (অর্ঘ্যদান করিয়া) ওলো তরলিকে ! আমার ফুল-গুলি নিয়ে আয়, অল্প দেবতাদেরও পূজা এই বেলা শেষ করা যাক।

(হস্ত প্রসারণ)

রাজা।—(ইঙ্গিতে পরিজনদের সরাইয়া পুষ্পাদি স্বয়ং আনয়ন—ও স্পর্শস্বর্থ অনুভব করিয়া পুষ্পাদি ভূতলে নিক্ষেপ)

ভানু।—(সরোষে) কি আশ্চর্য্য ! মাটিতে ফুলগুল ফেলে দিয়ে গেল ?—দাসীদের কি বুদ্ধি ! (ফিরিয়া রাজাকে দেখিয়া লজ্জাভয়ে থতমত)

রাজা।—দেবি ! পরিজনেরা নিতান্ত অনিপুণ—আচ্ছা, আমিই তোমার সেবা করছি, কি করতে হবে আজ্ঞা কর। অগ্নি প্রিয়ে !

সখী-পথ-পানে চেয়ে ধবল ও-দীর্ঘ নেত্রে

ভয়ে ভয়ে হেথা কেন কর দৃষ্টিপাত ?

হাসিয়ে মধুর হাসি যাহা ইচ্ছা আজ্ঞা কর,

—সেবা তরে তব দাস কৃতাজলি-হাত ॥

ভানু।—মহারাজ ! আমাকে অনুমতি দেও, আমার কোন ব্রত-নিয়ম পালন করবার ইচ্ছা আছে।

রাজা।—তোমার স্বপ্ন-বৃত্তান্ত আমি সমস্তই শুনেছি। প্রিয়ে ! তুমি স্বভাবত স্নকুমার, কেন বৃথা আপনাকে এইরূপ কষ্ট দেবে বল দিকি ?

ভানু।—নাথ ! আমার অত্যন্ত ভয় হয়েছে, আমাকে অনুমতি দেও।

রাজা ।—(সগর্বে) তোমার কোন ভয় নেই । দেখ :—

কি ফল অসংখ্য সৈন্তে— ব্যাপ্ত যাহে দিক দশ

—সমস্ত ধরনী বিকল্পিত ?

কি ফল দ্রোণের, কিষ্কি কর্ণের অব্যর্থ বাণে

—যদি হও তুমি গো চিস্তিত ?

শত-ভ্রাতৃ-ভুজ-ছায়ে নিরাপদে তুমি ভীক

আছ রাত্তি-দিবা ।

কেশরীন্দ্র হৃষ্যোদন— তাহার গৃহিণী হয়ে

শঙ্কা তব কিবা ?

ভানু ।—নাথ ! তুমি নিকটে থাকতে আমার কোন শঙ্কার কারণ

নেই, কিন্তু তোমার মনস্কামনা যাতে সিদ্ধ হয়, তাই আমার মনের একান্ত ইচ্ছা ।

রাজা ।—অগ্নি স্নন্দরি ! আমি যাতে পত্নীর সঙ্গে ইচ্ছা-মত বিহার

করতে পাই—এই আমার মনের একমাত্র বাসনা । দেখ :—

প্রেমে ঢুলু ঢুলু আঁখি

—পদ্ম-শোভা করে যা বিকাশ—

লজ্জায় অক্ষুট বাণী,

অথবা সে মৃদু-মন্দ হাস,

অধর অলক্তাক্তিত,

কিষ্কি শুষ্ক ব্রত-উপবাসে,

—মুখ-ইন্দু-শোভা যত

—পিতে-চিস্ত সদা ভালবাসে ॥

(নেপথ্যে মহা কোলাহল)

সকলে ।—(কান পাতিয়া শ্রবণ)

ভান্ন ।—(সভয়ে রাজাকে আলিঙ্গন করিয়া) নাথ ! রক্ষা কর,
রক্ষা কর ।

রাজা ।—(চারিদিকে অবলোকন করিয়া) প্রিয়ে ! ভয় কোরো
না । দেখ :—

দিগ্দিগন্তে নিক্ষেপিয়া	বৃক্ষখণ্ড সবে,
তৃণ-মিশ্র ধূলি-স্তম্ভ	উড়াইয়া নভে,
পথের খাপরা যত	লয়ে নিজ সঙ্গে,
তরু-স্কন্ধ ঘরষণে	তুলি' ধূম রঙ্গে,
প্রাসাদ-নিকুঞ্জ-মাঝে	গরজি' গম্ভীর ঘোর

—যেন নব ঘন—

প্রচণ্ড পবন বহে দিশিদিশি, এতে ভীক
ভয় পাও কেন ?

সখী ।—মহারাজ ! এই “দারু-পর্বত”-প্রাসাদে প্রবেশ করুন ।

ভয়ানক ঝড় উঠেছে । দেখুন, ধূলায় চোখ্ ভরে যাচ্ছে, বড়
বড় গাছ ভেঙে পড়ছে, আর তার শব্দে, ভয় পেয়ে অশ্বেরা
অশ্বশালা হতে ছুটে বেরিয়ে, পথিকদের আকুল করে' তুলেছে ।

রাজা ।—এই বাত্যাচক্র তো হুর্য্যোধনের উপকারী বন্ধু । কেন
না, দেখ, এর দরুণ দেবীকে ব্রত-সিঁয়ম ত্যাগ করতে হল—
আমারও মনস্কামনা পূর্ণ হল ।

নাহি সে ভ্রুকুটি আর, অঙ্গজলে আঁখি দুটি
আর নাহি রহে আচ্ছাদিত ।

না'ল'ন ফিরায়ে মুখ, “ছুঁয়ো না ছুঁয়ো না” বলি’

নাহি আর হই নিবারিত ।

এবে তব্বী ভয়-বশে হস্সে লগ্ন-পয়োধর

করিছেন মোরে আলিঙ্গন ।

এই ব্রত-ভঙ্গে আমি ঝঙ্কারে বয়স্য ভাবি

—নহে ইহা শত্রু স্তম্ভীষণ ॥

আমার মনোরথ সম্পূর্ণরূপে সিদ্ধ হয়েছে—এখন আমি দারু-পর্বতে গিয়ে যথেষ্টা বিহার করিগে ।

সকলে ।—(ঝটিকার বেগ বশতঃ অতি কষ্টে পরিক্রমণ)

দৃশ্য—দারু-পর্বত-প্রাসাদ ।

রাজা ।—ঘন-উরু সুন্দরি লো !

ধীরি ধীরি করহ গমন ।

এ হেন কম্পিত গতি

অগ্নি প্রিয়ে ! ছাড়গো এখন ।

বাহুলতা দিয়া তব

বক্ষ মোর করহ পাড়ন ॥

(দারু-পর্বতে প্রবেশ)

এখন এই গৃহ-গহবরের মধ্যে আসা গেছে—এখানে ঝড়ের বাতাস আর আসতে পারবে না—এখন আর চোখে ধূলি-কণা প্রবেশেরও আশঙ্কা নাই—প্রিয়ে ! এখন তবে নির্ভয়ে চক্ষু উন্মীলন কর ।

ভানু ।—(সহর্ষে) আ বাঁচা গেল—এখানে আর ঝড়ের উৎপাত নেই ।

সখী ।—মহারাজ ! এই পর্ব্বতের উপর আরোহণ করে' প্রিয়-
সখীর উরু-যুগল শ্রান্ত হয়ে পড়েচে, এখন উনি আসন-বেদীতে
বসুন না কেন ।

রাজা ।—(দেবীকে দেখিয়া) ঝড়ের ভয়ে গুঁর বড়ই ক্রেশ হয়েছে
দেখ্‌চি । দেখ :—

নয়ন বিশাল বলি' রেণুর পতনে চক্ষু
বিষম পীড়িত ।

স্তন-ভরা বুক বলি' তনুর কম্পন মাত্রে
হার বিচলিত ।

পৃথুল জঘন বলি' অঙ্গ চলিয়াও উরু
হইল ব্যথিত ।

বাতা-শ্রমে কৃশাঙ্গীর গুরু নিতম্বের-ভার
আরো গো বর্দ্ধিত ।

সকলে ।—(উপবেশন)

রাজা ।—এখানে কিছুই পাতা নেই, দেবী এই কঠিন শিনাতলে
কেন বসলেন ? কেননা :—

বায়ু-ভরে বিচলিত, বসন শিথিলীকৃত,

নয়ন-আনন্দ মোর, ও-তব জঘন

—তব নেত্র-দৃষ্টি-হাস্যী এমোর জঘনোপরি

স্থাপন করগো যদি— সেই তো শোভন ॥

(ভয়ে শশব্যস্ত হইয়া তাড়াতাড়ি

কঞ্চুকীর প্রবেশ)

কঞ্চুকী ।—মহারাজ, ভেঙে ফেলে—ভেঙে ফেলে ।

সকলে ।—(উৎসুক হইয়া দর্শন)

রাজা ।—কে ?

কঞ্চু ।—ভীম—

রাজা ।—কার ?

কঞ্চু ।—আপনার ।

রাজা ।—আঃ ! কি প্রলাপ বক্চ ?

ভানু ।—এ কি অমঙ্গলের কথা তুমি বল্চ ?

রাজা ।—ধিক্ প্রলাপি ! বৃদ্ধাধম ! আজ তোমার সহসা এ কি
রোগ হল ?

কঞ্চু ।—মহারাজ ! এ কোন রোগ নয় । আমি সত্য কথাই
বল্চি ।

ভাঙিয়া ফেলিল, ভীম

বায়ু, তব রথের কেতন

—কিঙ্কিণী-ক্রন্দন-রবে

হইল গো ভূতলে পতন ॥

রাজা ।—প্রবল বায়ুর বেগে রথের ধ্বজা ভগ্ন হইয়ে ভূতলে পতিত
হয়েচে—এই তো ? তবে, তুমি “ভেঙে গেছে” “ভেঙে
গেছে” বলে’ চীৎকার করে কেন ওরূপ প্রলাপ বল্ছিলে ?

কঞ্চু ।—মহারাজ ! সে কিছু নয় । এই হুর্নিমিত্তের শাস্তির জন্য

আপনাকে জানানো উচিত মনে করে', প্রভুভক্তির আধিকা
বশতই ঐরূপ বলেছিলাম ।

ভানু ।—নাথ ! শাস্ত-চিত্ত ব্রাহ্মণের দ্বারা বেদ-পাঠ ও হোম করিয়ে
এই অমঙ্গলের শাস্তি করা হোক ।

রাজা ।—(অবজ্ঞার সহিত) আচ্ছা যাও, পুরোহিত স্তুমিত্রকে গিয়ে
বল ।

কঞ্চু ।—যে আজ্ঞা মহারাজ ! (প্রস্থান)

উদ্বিগ্ন হইয়া প্রতীহারীর প্রবেশ ।

প্রতী ।—(নিকটে আসিয়া) মহারাজের জয় ! সিন্ধুরাজের মাতা
ও দুঃশলা দেউড়িতে দাঁড়িয়ে আছেন ।

রাজা ।—(স্বগত) কি ?—জয়দ্রথের মাতা, আর দুঃশলা ?
অভিমত্যা-বধে জুঁক হয়ে পাণ্ডুপুত্রেরা তবে আমাদের কারওনা
কারও নিশ্চয়ই কোন অনিষ্ট করে' থাকবে । (প্রকাশে)
যাও শীঘ্র তাঁদের নিয়ে এসো ।

প্রতী ।—যে আজ্ঞা মহারাজ । (প্রস্থান)

ভয়াকুল হইয়া জয়দ্রথের মাতা ও

দুঃশলার প্রবেশ ।

উভয়ে ।—(অশ্রনয়নে দুর্ঘোষনের পদতলে পতন)

মাতা ।—কুরুনাথ ! রক্ষা কর, রক্ষা কর ।

দুঃশলা ।—(রোদন)

রাজা ।—(ব্যস্ত সমস্ত হইয়া উঠাইয়া) মা ! শাস্ত হও শাস্ত হও ।

হয়েচে কি ? রণক্ষেত্রে অপ্রতিরথ জয়দ্রথের কুশল তো ?

মাতা ।—জাহ্ন! কুশল আর কোথায় ?

রাজা ।—সে কিরূপ ?

মাতা ।—(আশঙ্কায় সহিত) আজ পুত্র-বধে ক্রোধে প্রজ্জ্বলিত হয়ে,
অর্জুন, সূর্য্য অন্ত না হতে হতেই তাকে বধ করবে এইরূপ
প্রতিজ্ঞা করেছে ।

রাজা ।—(সস্ত্রিত) মায়ের আর হৃঃশলার অশ্রুপাতের এইমাত্র
কারণ ? দৈথ, পুত্র-শোকে অর্জুন এইরূপ প্রলাপ দেখুচে ।
অহো ! অবলাদের কি মূঢ়তা ! মা ! তুমি আর হৃঃখ কোরো
না । বৎসে হৃঃশলে ! তুমি আর কেঁদো না । এই ধনঞ্জয়ের
সাধ্য কি, যে মহারাজ হৃঃষ্যাধনের বাহু-পরিঘেরক্ষিত সেই
জয়দ্রথকে বধ করে ।

মাতা ।—জাহ্ন ! পুত্র-বধে ক্রোধে প্রজ্জ্বলিত হয়ে, জীবনের মায়ী
ছেড়ে, শত্রুপক্ষের বীরেরা নির্ভয়ে চতুর্দিকে বিচরণ করচে ।

রাজা ।—(উপহাসের সহিত)

মমাজায় হৃঃশাসন টানিয়া খুলিয়া দেয়

পাঞ্চালীর কেশ ও বসন ।

আমিও সে সভামাঝে “গরু” “গরু” এই বলি’

তাহারে গো করি সম্বোধন ।

তখন কি অরজুন

করেন নি গাণ্ডীব ধারণ ?

ধুবা কৃত্তী ক্ষত্রিয়ের

নহে কি তা ক্রোধের কারণ ?

মাতা ।—তখন তাঁর প্রতিজ্ঞা অসমাপ্ত থাকায়, এখন তিনি আমাদের
বধ করবেন বলে’ আবার প্রতিজ্ঞা করেচেন ।

রাজা ।—তা যদি হয় সে তো আনন্দেরই বিষয়, তাতে তোমার বিষাদ কিসের ? বল না কেন, অমুজগণের সহিত এইবার তা হলে যুধিষ্ঠির উৎসন্ন যাবে । মা ! তোমার পুত্রের পরাক্রম তুমি জান না । ধনঞ্জয় কিম্বা অশ্রুকারও সাধ্য কি যে সে দুর্জয়-পরাক্রম জয়দ্রথের নাম পর্য্যন্ত গ্রহণ করে ? তাতে আবার সেই শত-কুরু-পরিবেষ্টিত বর্দ্ধিত-মহিম রূপ কর্ণ দ্রোণ অশ্বখামা-আদি মহারথী থাকায়, জয়দ্রথের প্রভাব তো আরও দ্বিগুণিত হয়েছে ।

যুধিষ্ঠির আর সেই

সহদেব নকুল ছ ভাই

—জয়দ্রথ তুলনায়

তাহাদের কথাই তো নাই ।

ভীমসেন অর্জুনের মাঝে কে পারে যুঝিতে এক।

সিন্ধুরাজ-সনে ?

—সেই মহাবীর, যার মণ্ডল-আকার ধনু

প্রস্ফুরিত রণে ।

ভানু ।—নাথ ! তাও যদি হয়, তবুও প্রতিজ্ঞাকৃত ধনঞ্জয় শঙ্কার বিষয় ।

মাতা ।—বাছা, তুমি সময়োচিত বেশ কথা বলেচ ।

রাজা ।—আঃ ! আমি ছুর্য্যোধন, আমার ভয়ের বিষয় কিনা

পাণ্ডবেরা ? দেখ :—

ধনুগুণ-কিণাক্রিত নহে দেহ বন্দ্যবৃত্ত

—হেন মোর শত ভ্রাতৃগণ

মিলিয়া চলে একত্রে লাগালাগি ছত্রে ছত্রে

—পদ্ম-বন বলি' হয় ভ্রম ।

হৃদ্যালোকে রেণু-সম শত্রু-সৈন্য অগণন

অসি-লতা আশ্ফালিছে সবে ।

ক্রান্তাদের আক্রমণে দিশি-দিশি প্রতিক্রমে

কোটি-সৈন্য নিহত আহবে ॥

ভাঙ্কমতি ! তুমি তো জানো পাণ্ডবদের পরাক্রম—তুমিও
এইরূপ মনে করচ ? দেখ :—

হুঃশাসন-হৃদয়ের যথা রক্ত-পান,

গদাঘাতে হৃদ্যোধন-উরুভঙ্গ যথা,

তেজস্বী পাণ্ডবদের—তাহারি সমান—

জয়দ্রথ-নিধনের প্রতিজ্ঞার কথা ॥

কে আছে ওখানে ? আমার বিজয়-রথ সজ্জিত কর—আমি
সেই প্রগল্ভ পাণ্ডবকে মিথ্যা প্রতিজ্ঞার দরুণ অপ্রতিভ করে'
তার আত্মহত্যার বিধান করি গে ।

কঙ্কু কীর প্রবেশ ।

কঙ্কু ।—

কনক-কিঙ্কিণী-ধ্বনি যাহে নিরন্তর,

দু দিকে লম্বিত যাহে সহাস চামর,

অশ্বদের বাষ্প-গতি হয়ে নিয়ন্ত্রিত

অসহিষ্ণু অশ্ব যাহে রহে সংযোজিত,

বিনষ্ট হয় গো যাহে শত্রু-মনোরথ,

—রাজন্ ! সজ্জিত এবে সেই তব রথ ॥

রাজা ।—দেবি ! তুমি অন্তঃপুরে যাও—আমি এখন আমার বিজয়-
রথে আরোহণ করে', সেই প্রগল্ভ পাণ্ডবকে মিথ্যা প্রতিজ্ঞার
দ্রুণ অপ্রতিভ করে', তার আত্মহত্যার বিধান করিগে ।

(সকলের প্রস্থান)

ইতি দ্বিতীয় অঙ্ক ।



তৃতীয় অঙ্ক ।

দৃশ্য ।—রণক্ষেত্র ।

বিকৃত-বেশা রাক্ষসীর প্রবেশ ।

রাক্ষসী :—(বিকট হাস্য হাসিয়া, সপরিতোষে)

রসা-মাংস রক্ত-ধারা

জমে' আছে ঘড়া-ঘড়া ।

পিব রক্ত অবিরত,

হউক যুদ্ধ বর্ষশত ॥

(সপরিতোষে নৃত্য)

সিদ্ধ-বধের দিনের মত অর্জুন যদি প্রতি দিন এইরূপ ভাবে যুদ্ধ চালান, তাহলে আমার ভাঁড়ার-ঘর রক্তমাংসে একেবারে ভরে' যাবে । (পরিক্রমণ পূর্বক চারিদিক দেখিয়া) না জানি রুধির-প্রিয় এখন কোথায় । আচ্ছা, এই যুদ্ধক্ষেত্রে আমার স্বামী রুধির-প্রিয় কোথায় আছে, একবার খুঁজে দেখি । (পরিক্রমণ করিয়া) আচ্ছা, হাঁক দিয়ে একবার ডাকি । রুধির-প্রিয় ! ও রুধির-প্রিয় ! বলি, এই দিকে একবার এসো তো গা ।

(রাক্ষসের প্রবেশ)

রাক্ষস ।—(ভ্রমণ) টাটকা* তাজা মাংস, আর বেশ গরমা-গরম

রক্ত যদি পাই, তাহলে এখনি আমার সব শ্রান্তি দূর হয় ।

রাক্ষসী ।—ওগো রুধির-প্রিয় ! রুধির-প্রিয় ! বলি, কোথায় তুমি ?

রাক্ষস। (গুনিয়া) আরে ! আমাকে ডাকে কে ? (দেখিয়া)
আরে !—এ যে দেখুচি বসাগন্ধা । বসাগন্ধা ! আমাকে ডাক্চিস্
কেন রে ?

রাক্ষসী।—কোন রাজর্ষি এই মাত্র মারা পড়েছে, তারি শরীরের
চর্কি-মাখানো চক্চকে তাজা মাংস ও টাটকা রক্ত আমি
এনেছি, এইবার তুমি খাওয়া-দাওয়া কর ।

রাক্ষস।—(সপরিতোষে) বসাগন্ধা ! তুই বড় লক্ষী । এই গরম
গরম রক্ত এনে তুই বড় ভাণ করেচিস—আমার বড় তেষণা
পেয়েছিল ।

রাক্ষসী।—রুধির-প্রিয় ! যেখানে হাতি-ঘোড়া-মানুষের রক্তে
একেবাবে সমুদ্র হয়ে পড়েচে—পথ চলা ভার সেই যুদ্ধক্ষেত্রে
তুমি এত ঘুরে বেড়াচ্চ,—তবু তোমার তেষণা গেল না ?—
আশ্চর্য্য !

রাক্ষস।—(সক্রোধে) আরে বসাগন্ধা ! আমাদের ঠাকুরাণী তাঁর
পুত্র ঘটোৎকচের বধে বড় শোক পেয়েছেন, তাই তাঁকে
দেখতে গিয়েছিলেম ।

রাক্ষসী।—হ্যারে রুধির-প্রিয় ! এখনও কি হিড়িম্বা দেবীর পুত্র-
শোক উপশম হয় নি ?

রাক্ষস।—ওগো ! উপশম আর কি করে' হবে ? তবে অভিমত্যা-
বধে স্তম্ভদ্রা ও দ্রৌপদীও নাকি তাঁরি মতন শোক পেয়েচেন,
তাতেই যা একটু সাস্থনা ।

রাক্ষসী।—রুধির-প্রিয় ! এই নেও, হাতির মাথার খুলির এই
টাটকা মাংস চাট করে' খাঁও, আর এই তাজা রক্তের মত্ত
পান কর ।

রাক্ষস ।—(তথা করিয়া) আচ্ছা, বসাগন্ধা ! তুই কতটা রক্ত মাংস জমা করেছিস্ বল দিকি ?

রাক্ষসী ।—ওগো রুধির-প্রিয় ! পূর্বে কত জমা করেছিলুম তাতো তুমি জানোই, এখন নূতন যা জমা করেছি তাই তোমাকে বল্ছি শোনো । এক ঘড়া ভগদত্তের রক্ত, সিন্ধুরাজের দুই ঘড়া চর্কি, মৎস্য-রাজ ভূরিশ্রবা, সোমদত্ত, বাহ্লীক প্রভৃতি রাজা ও প্রধান পুরুষদের রক্ত চর্কি ও মাংসে ভরা হাজারটে মুখ-খোলা ঘড়া আমার ঘরে এখন মজুদ ।

রাক্ষস ।—(সপরিতোষ আলিঙ্গন করিয়া) তুই বড় ভাল গিন্নি— বড়ই ভাল ! তোরা এই গিন্নিপনাতে, আর হিড়িম্বা ঠাকুরাণীর বন্দোবস্তে আমার দারিদ্র্য-দুঃখ ঘুচল ।

রাক্ষসী ।—রুধির-প্রিয় ! ঠাকুরণ আবার কি বন্দোবস্ত করেচেন ?

রাক্ষস ।—হিড়িম্বা-ঠাকুরণ আমাকে আদর করে' ডেকে এই আজ্ঞা করলেন :—“দেখ রুধির-প্রিয় ! আজ হতে তুমি আর্য্যপুত্র ভীমসেনের সঙ্গে থেকে সমস্ত যুদ্ধক্ষেত্র ময় ঘুরে-ঘুরে বেড়াবে । তাঁর সঙ্গে গেলে হত মনুষ্যের রক্ত-নদী দর্শনে ক্ষুধা-তৃষ্ণা দূর হয়ে আমারও স্বর্গস্থ লাভ হবে, আর তুমিও নিশ্চিন্ত হয়ে সহস্র ঘড়া রক্ত-চর্কি অনায়াসে সংগ্রহ করতে পারবে ।”

রাক্ষসী ।—রুধির-প্রিয় ! কি জ্ঞাত কুমার ভীমসেনের সঙ্গে সঙ্গে ঘুরে বেড়াবে বল দিকি ?

রাক্ষস ।—বসাগন্ধা ! প্রভু ভীমসেন দুঃশাসনের রক্ত পান করবেন বলে' প্রতিজ্ঞা করেচেন—আমরা রাক্ষসেরাও তাঁর সঙ্গে থেকে রক্ত পান করব ।

রাক্ষসী ।—(সহর্ষে) বেশ করেছ ঠাকরণ ! আমার স্বামীর জন্ত
তুমি বেশ বন্দোবস্ত করেচ !

(নেপথ্যে মহা কোলাহল)

উভয়ে ।—(শ্রবণ)

রাক্ষসী ।—(শুনিয়া সভয়ে) ওগো রুধির-প্রিয় ! কিসের এই
হৈহৈ শব্দ ?

রাক্ষ ।—(দেখিয়া) বসাগন্ধা ! ধুইছায় দ্রোণের চুল টেনে ধরে’
অসি দিয়ে তাকে বধ করচে ।

রাক্ষসী ।—(সহর্ষে) রুধিরপ্রিয় ! রুধিরপ্রিয় ! এসো আমরাও
গিয়ে দ্রোণের রক্ত পান করি গে ।

রাক্ষস ।—(সভয়ে) বসাগন্ধা ! ও ব্রাহ্মণের রক্ত, ওতে কি
হবে ? ও রক্ত গলায় ঢুকলে গলা একেবারে পুড়ে যাবে ।

(নেপথ্যে পূর্বের মত কোলাহল)

রাক্ষসী ।—আবার যে সেই হৈহৈ ররৈ শব্দ !

রাক্ষ । (নেপথ্যাভিমুখে অবলোকন করিয়া) বসাগন্ধা ! অর্থ-
থামা অসি খুলে এই দিকে আস্চেন, দ্রুপদ-পুত্র রাগের
মাথায় আমাদেরও বধ করতে পারেন । তা, চল, এখন
আমরা হিড়িম্বা-ঠাকরণের আজ্ঞা মত কাজ করিগে ।

(প্রস্থান)

ইতি প্রবেশক ।

অশ্বখামার প্রবেশ ।

অশ্ব । —(কোলাহল শ্রবণে খড়্গা নিক্ষেপিত করিয়া)

মহা-প্রলয়-মারুত-সঞ্চালিত-কালান্ত-জলদ—

তার ঘোর প্রতিধ্বনি-সম একি প্রচণ্ড শব্দ !

এ ভৈরব-রবে পূর্ণ ভুলোক ও ছালোক-কন্দর,

রণ-সিন্ধু হতে আজি কি হেতু এ বত্মা ঘোরতর ?

(চিন্তা করিয়া) নিশ্চয়, অর্জুন, সাত্যকি কিম্বা ভীম যৌবন-দর্পে সম্বন্ধের সীমা লঙ্ঘন করায়, পিতাও ক্রুদ্ধ হয়ে শিষ্যবাৎসল্য পরিত্যাগ করে' সমকক্ষ ভাবে তাদের সহিত যুদ্ধ করচেন । তাই বটে :—

হৃষ্যোধন-পক্ষপাতী 'হয়ে এবে শত্রু দেখ

পিতা মোর করেন ধারণ

—সেই সব মহা-অস্ত্র— ভার্গবে জিনিয়া যাহা

পূর্বে তিনি করেন অর্জন ।

ধুবুধারী-পতি তিনি স্ববিক্রম-অনুরূপ

এবে রোধ করিয়া প্রকাশ

প্রবৃত্ত সংহার-কাজে রণমাঝে কত রিপু

অবিরত করিয়া বিনাশ ॥

(পৃষ্ঠভাগে অবলোকন করিয়া) রথের অপেক্ষায় থেকে আর কি হবে ? আমি তো এখন অস্ত্রশস্ত্রে সুসজ্জিত ।

সজ্জল জলধর-প্রভার ছায় মোটি ভাস্বর, আর যার মুষ্টি-স্থান সুখ-গ্রাহ্য ও বিমল তপ্তকাক্ষনে নির্মিত, সেই খড়্গা হাতে করে'

এইবার তবে আমি রণক্ষেত্রে অবতরণ করি। (পরিক্রমণ ও বামাক্ষি স্পন্দন)

সময়েই যার একমাত্র উৎসব-আনন্দ, পিতার বিক্রম দর্শনের জন্ত যে এত লালায়িত—তুর্নিমিত্ত এখন কি না সেই অস্থখামা গমনে বাধা উৎপাদন করবে? আচ্ছা, ব্যাপারটা কি জানা যাক। (সদর্পে পরিক্রমণ ও সম্মুখে অবলোকন করিয়া) কি?—সমস্ত ক্ষাত্রধর্ম উপেক্ষা করে, সংপূরুষোচিত লজ্জার অবগুণ্ঠন পরিত্যাগ করে, স্বামী-ভক্তি বিস্মৃত হয়ে, গজ তুরঙ্গ সব পশ্চাতে ফেলে, বংশ ও বয়সের অনুরূপ পরাক্রম কিছুমাত্র প্রকাশ না করে, এই লঘু-চেতা সৈন্যগণ চতুর্দিকে পলায়ন করচে?—ওঃ! তাই এই ভীষণ কোলাহল। (অন্যদিকে অবলোকন করিয়া) হা ধিক! কি কষ্ট! কি? কণ প্রভৃতি এই সব মহারথীরাও যুদ্ধ হতে পরাভূত হচ্চেন? (আশঙ্কার সহিত) কি?—পিতার নিয়োজিত সৈন্যদেরও এইরূপ অবস্থা? আচ্ছা, হোক। ভো ভো! কোরব সেনা-সমুদ্র-বেলা-রক্ষক মহা-মহীধর নরপতিগণ! ক্ষান্ত হও, ক্ষান্ত হও, সহসা সমর পরিত্যাগ কোরো না।

রণভূমি তেয়াগিয়া আর নাহি মৃত্যুভয়

—ইহা যদি জানি

তাহা হলে হেথা হতে অগ্রভরে পলায়ন

শ্রেয় বলে' মানি।

অবশ্য জীবের মৃত্যু আছে এক দিন

তবে বৃথা কেন যশ করহ মলিন?

অস্ত্র-শিখা করি' ব্যাপ্ত শত্রু-জলধির মাঝে

সেনাপতি পিতা মম

—সর্ব ধনুর্ধারী-গুরু— বিরাজ করেন যবে
 বাড়ব-অনল-সম
 চিন্তা কি গো কর্ণ তব ?— যাও রণে কৃপাচার্য্য !—
 —কৃতবন্দ্য ! কর তুমি
 শঙ্কা পরিহার ।
 ধনু মাত্র লয়ে পিতা রণ-ভার বহিছেন,
 বল দেখি তোমাদের
 ভয় কিবা আর ॥

নেপথ্যে ।—এখন আর তোমার পিতা কোথায় ?
 অশ্ব ।—(গুনিয়া) কি বল্চ ?—এখন আর আমার পিতা
 কোথায় ?—আরে রণ-ভীরু ক্ষুদ্রাশয় !—এই প্রলাপ-কথা
 বলে' তোর জিহ্বা শতধা বিদীর্ণ হল না ?

বিশ্বের দহন-তরে উদয় হয় নি আজো
 দ্বাদশ তপন,
 উনপঞ্চাশৎ বায়ু দিশি দিশি এখনো তো
 না করে ভ্রমণ,
 প্রলয়-জ্বলদ-জালে এখনো তো নভঃস্থল
 হয় নি আচ্ছন্ন,
 পিতৃ-মৃত্যু কথা তবে ওরে পাপ-আত্মা সবে
 বলিস, কি জন্ত ?

আহত হইয়া ভয়াকুল সারথীর প্রবেশ ।

সারথী ।—কুমার ! রক্ষা কর, রক্ষা কর ।
 (পদতলে পতন)

অশ্ব ।—(দেখিয়া) একি ! পিতার সারথি অশ্বসেন যে ! সারথি !

তুমি কি পাগল হয়েছ ? তুমি ত্রিলোককে রক্ষা করতে পার,

তুমি কি না এখন এই শিশুজনের হস্তে রক্ষিত হতে চাচ্ছ ?

সারথি ।—(উঠিয়া স্কন্ধ ভাবে) কুমার ! এখন আর তোমার

পিতা কোথায় ?

অশ্ব ।—(আবেগ-সহকারে) কি ?—পিতা আর নাই ?

সারথি ।—নাই, কুমার ।

অশ্ব ।—হা পিতঃ ! হা পিতঃ ! (মুচ্ছিত হইয়া পতন)

সারথি ।—কুমার ! শান্ত হও, শান্ত হও ।

অশ্ব ।—(সংজ্ঞা লাভ করিয়া উঠিয়া সাক্ষ-নয়নে) হা পিতঃ ! হা

পুত্রবৎসল ! লোকত্রয়ের অদ্বিতীয় ধনুর্ধর ! তুমিই তো জাম-

দগ্ন্যের নিকট হতে তাঁর সমস্ত অস্ত্র লাভ করেছিলে—এখন

তুমি কোথায় ?

সারথি ।—কুমার ! শোকাবেগে একেবারে অভিভূত হয়ে না ।

তোমার পিতা বীরপুরুষোচিত স্বর্গ লাভ করেছেন—তুমিও তাঁর

মত বল-বীৰ্য্যের প্রভাবে শোক-সাগর উত্তীর্ণ হয়ে সুখী হও ।

অশ্ব ।—(অশ্রুপাত করিয়া) সারথি ! বল বল :—

ভুজ-বীৰ্য্য-মহোদধি

এ হেন গো পিতা যে আমার

তিনিও কেমনে আজি

হইলেন নাম-মাত্র-সার ?

প্রিয়! শিষ্য ভীম তাঁর

—বড় ভাল বাসিতেন যারে—

গুরু-দক্ষিণার ধার

বধিল কি গদার প্রহারে ?

সারথি ।—ছি ছি, তা নয় ।

অশ্ব ।— নীতি-ধর্ম বিসর্জিয়া অর্জুন কি তবে
বধিল সে শিষ্য-প্রিয় পিতারে আহবে ?

সারথি ।—তা কি কখন হতে পারে ?

অশ্ব ।— তবে কি গোবিন্দ তাঁর সুদর্শন-ধারে
করিল নিহত রণে আমার পিতারে ?

সারথি ।—না, তাও না ।

অশ্ব ।— এ তিন জন ছাড়া অত্ৰ কোন জনে
পিতারে বধিবে—হেন নাহি লয় মনে ॥

সারথি ।—কুমার !

মহা-অস্ত্র-পাণি যিনি,— যাঁহার তুলনা এক
ধুর্জটির সনে—

কুপিত হইলে তিনি এঁরা কি পারেন তাঁরে
আঁটিতে গো রণে ?

শোকে অভিভূত হয়ে করিলেন যবে তিনি
অস্ত্র বিসর্জন,

ক্ষুদ্র এক রিপু আসি' এ ঘোর দারুণ কার্য
করিল সাধন ॥

অশ্ব ।—শোকেই বা কারণ কি ?—অস্ত্র পরিত্যাগেরই বা কারণ
কি ?

সারথি ।—কুমার ! একমাত্র তুমিই তার কারণ ।

অশ্ব ।—কি ?—আমি ?—আমি তার কারণ ?

সারথি ।—(অশ্রু মোচন করিয়া) শোনো তবে কুমার :—

সত্যবাদী যুধিষ্ঠির প্রমোত্তরে বলিলেন

“অশ্বখামা” হত,

শেষে ধীরে ধীরে “গজ”— এই কথা মুখ হতে

হইল নির্গত ।

পুত্র-প্রিয় তব পিতা বিশ্বাস করিয়া সেই

রাজার বচন

নয়ন-সলিল, শস্ত্র এক সাথে রণ-মাঝে

করিলা মোচন ॥

অশ্ব ।—হা তাত ! হা পুত্রবৎসল ! কেন আমার জন্য বৃথা জীবন

বিসর্জন করলে ? হা ! শৌর্য্য-রাশি ! হা ! শিষ্য-প্রিয় !

হা ! যুধিষ্ঠির-পক্ষপাত ! (রোদন)

সারথি ।—কুমার ! শোকে অতিমাত্র কাতর হয়ো না ।

অশ্ব ।— মিথ্যা মৃত্যু শুনি' মম পুত্র-প্রিয় পিতা ওগো !

বিসর্জিলে প্রাণ তুমি অরাতির শরে ।

তোমা-বিরহিত হয়ে এখনো জীবিত আমি

—কেন তব স্নেহ বৃথা এ নৃশংস-পরে ? (মুচ্ছিত)

নেপথ্যে ।—কুমার ! শান্ত হও । শান্ত হও ।

উদ্বিগ্ন হইয়া কৃপাচার্য্যের প্রবেশ ।

কৃপ ।— ধিক্ ধিক্ দুৰ্য্যোধনে অমুজ-সহিত,

অজাতশত্রুরে ধিক্ !— ধিক্ আমা-সবে

—দর্শন করিল যারা যেন চিত্রার্পিত,

কৃষ্ণা দ্রোণ কেশাকৃষ্ট হইলেন যবে ॥

এখন তবে বৎস অশ্বখামাকে কি করে' দেখব ?—কিন্তু না, অশ্বখামার চিত্ত হিমাচলের ন্যায় গুরু-সার, জগতের অবস্থাও সে বিলক্ষণ বোঝে, শোকের আবেগে সে যে একেবারে অভিভূত হবে, এরূপ আমার আশঙ্কা হয় না । কিন্তু পিতার এরূপ অসম্ভাবনীয় মৃত্যু-কথা শ্রবণ করে' না জানি সে এখন কি করচে । অথবা :—

একেরি তো কার্য্য-ফলে ধরা-মাঝে এ দারুণ
কাণ্ড সংঘটিত
দ্বিতীয়ের কেশ-গ্রহে নিশ্চয় এবার হবে
প্রজা নিঃশেষিত ॥

(চিন্তা করিয়া) এই যে বৎস এইখানে আছে, এইবার তবে ওর নিকটে যাই । (নিকটে গিয়া সভয়ে) বৎস ! শান্ত হও, শান্ত হও ।

অশ্ব ।—(সংজ্ঞা লাভ করিয়া মাশ্র-লোচনে) হা তাত ! সকল ভুবনের অদ্বিতীয় গুরু ! (আকাশে) যুধিষ্ঠির ! যুধিষ্ঠির !

জন্মাবধি কভু তুমি
বল নাই অসত্য বচন
তুমি গো অজাতশত্রু
কারো ঘেষ কর নি কখন ।
পিতা গুরু দ্বিজ-প্রতি
বল দেখি কেমনে এখন
—মম ভাগ্য-দোষ-বুশে—
সে সমস্ত করিলে লজ্বন ?

সারথি ।—কুমার ! ঐ দেখ, তোমার মাতুল শারদত তোমার পাশে
দাঁড়িয়ে আছেন ।

অশ্ব ।—(পার্শ্বে অবলোকন করিয়া ছল-ছল-নেত্রে) মাতুল ! মাতুল !

যেই সৈন্তপতি-সাথে রণভূমি-মাঝে তুমি

করিলে গমন,

শূরগণ-মাঝে যিনি সময়ের অদ্বিতীয়

কণ্ঠ-নিবারণ,

যাঁহার সহিত তব হাঈ-পরিহাস কত

হ'ত অনুরূপ

সে তব ভগিনী-পতি —বল গো মাতুল—তিনি

কোথায় এখন ?

রূপ ।—বৎস ! যা জান্‌বার সমস্তই তো তুমি জেনেছ—এখন আর
শোকে অভিভূত হয়ে না ।

অশ্ব ।—মাতুল ! আমি বিলাপ-ক্রন্দন পরিত্যাগ করেচি—এখন
আমি পুত্র-বৎসল পিতার অনুগামী হব ।

রূপ ।—বৎস ! তোমার মত ব্যক্তির একরূপ করা অনুচিত ।

সারথি ।—কুমার ! একরূপ কাজ কোরো না ।

অশ্ব ।—সারথি ! কি বল্লে ?

আমার বিয়োগ-ভয়ে হইলেন যিনি সত্ত্ব

পরলোকগামী

সেই পুত্র-বৎসল পিতার বিরহ সহি

কেমনে গেল আমি ?

রূপ ।—যে অবধি সংসারের সৃষ্টি, সেই অবধিই এই লোকাচারও

প্রসিদ্ধ যে, ইহলোক ও পরলোক—উভয় লোকেই পুত্র পিতার
অনুবর্তী হয়ে পিতার সেবা করবে ।

পিতৃ-পিতৃ দান করি' শ্রাদ্ধ-আদি অনুষ্ঠিয়া,
মঠ-আদি করি' প্রতিষ্ঠিত,
পিতৃ-উপকার মোরা সাধন করিতে পারি
থাকি যদি হেথায় জীবিত ;
নতুবা কেমনে বল করিব তা', যদি হই
ইহলোক হতে অপস্থত ॥

নারথি ।—কুমার ! শারদ্বত যা বলেন তা ঠিক ।

অশ্ব ।—আর্য্য ! এ কথা সত্য । কিন্তু, এই ছর্ব্বহ শোক-ভার
নিয়ে আমি আর তিলার্দ্ধও প্রাণ ধারণ করতে পারচি নে—
তাই আমি সেই দেশে যেতে চাই যেখানে গেলে পিতাকে ঠিক
তেমনিটি দেখতে পাব । (উঠিয়া খড়া অবলোকন করিয়া
চিন্তা) এখন আর শস্ত গ্রহণের প্রয়োজন কি ? (সাক্ষ-নয়নে
কৃতাজলি হইয়া) ভগবন্ শস্ত !

অনুচিত হইলেও অপমান-ভয়ে যিনি
তোমায় গো করিলা ধারণ,
যাঁহার প্রভাব-বলে কিছুই ছিল না তব
এ ধরায় অসাধ্য সাধন,
সেই তিনি করিলেন পুত্র-শোক-বশে দেখ
তোমা পরিহার ।
আমিও তোমায়ে অস্ত্র করিব মোচন, হোক
কল্যাণ তোমার ॥

(অস্ত্র পরিত্যাগ করিতে উত্তত)

(নেপথ্যে)

ভো ভো নৃপতিগণ ! এই নৃশংস, সেই ক্ষত্রিয়-গুরু ভরদ্বাজের
এরূপ অযোগ্য অপমান করলে, আর তোমরা কি না তা দেখেও
উপেক্ষা করচ ?

অশ্ব ।—(গুনিয়া সক্রোধে খড়্গা স্পর্শ করিয়া) কি ? কি ?—গুরু-
দেব ভরদ্বাজের অপমান ?

(পুনর্বীর নেপথ্যে)

ত্রিভুবন-গুরু সেই জ্রোণাচার্য্য, রণে
শোক-বশে, অশ্রু-জল-ধৌত-আর্দ্রাননে,
হস্ত হতে শস্ত্র যবে করিলা মোচন
—নৃশংস সে ধৃষ্টদ্যুম্ন অমনি তখন
পলিত ধবল মুণ্ড করিয়া ছেদন
প্রস্থান করিল নিজ শিবির-আবাসে
—সহিছ তোমরা সবে ইহা অনায়াসে ?

অশ্ব ।—(ক্রোধ-কম্পিত-কলেবরে রূপ ও সারথির পানে চাহিয়া)
তবে কি সত্যই এইরূপ ঘটেচে ?—

অস্ত্রধারী যত নৃপ

তাহাদের নেত্র-সন্নিধানে

পঙ্ক-কেশ পিতা মম

নিশ্চেষ্ট সে ব্রতের বিধানে

আছেন বসিয়া স্থির

মুদিতাক্ষি, শস্ত্র-শূন্ত-হাত

—আর সেই অবকাশে

শিরে তাঁর হল শস্ত্রান্নাত ?

কৃপ ।—বৎস ! এইরূপই তো লোকের মুখে শোনা যাচ্ছে ।

অশ্ব ।—তবে কি সেই ছুরায়া পিতার শিরশ্ছেদন করেছে ?

সারথি ।—(সভয়ে) কুমার ! এই তেজঃপুঞ্জ ভূদেবের পরিভবের
জন্যই যেন সেই ছুরায়া ষষ্ঠদ্বার নব-অবতার হয়ে এসেছিল ।

অশ্ব ।—হা তাত ! হা পুত্রপ্রিয় ! এই হতভাগ্যের জন্য শস্ত্র
পরিত্যাগ করে' সেই ক্ষুদ্রায়া দ্বারা কি না শেষে অপমানিত
হলে ? অথবা :—

শোকাক্ত-হৃদয় হয়ে রণ-মাঝে যিনি
দেহ-ত্যাগে সমুত্তত ছিলেন আপনি
ছেদক মস্তক তাঁর কুকুর বা কাক কিম্বা

দ্রুপদ-তনয়,

কিম্বা শস্ত্র-ধন-মত্ত দিব্য-অস্ত্রধারী কোন
রিপু হর্বিজয়

—তাহার মস্তকোপরি বিন্যস্ত করি গো আমি
এই পদ-দ্বয় ॥

আরে ছুরায়া পাঞ্চালাধম !

শস্ত্র-গ্রহ-পরাজুথ

পিতা মোর—স্থনিশ্চিত জানি'

তাঁহার মস্তকোপরি

নির্ভয়ে অর্পিলে তব পাণি ?

তখন কি ধৃত-ধনু এ অশ্বখামায় তব
পড়ে নাই মনে ?

—পাঞ্চাল-পাণ্ডুর সেনা বিনাশিতে পারে যে গো
অনায়াসে রণে

ইতস্ততঃ-উৎক্লিষ্ট লঘু তুলারশি যথা
প্রলয়-পবনে ॥

অহো ! যুধিষ্ঠির ! যুধিষ্ঠির ! অজাতশত্রু ! সত্যবাদী ধর্ম-
পুত্র ! তোমার ও তোমার ভ্রাতৃগণের তিনি কি অপকার করেছি-
লেন ? অথবা, ইতর জনের মত অলীক-প্রকৃতি-সুলভ কুটিলতা
প্রকাশ করে' তোমার কি লাভ হল ? আচ্ছা বল দেখি অর্জুন !
সাত্যকি ! মহাবাহু ! মাধব ! যিনি সুরাসুর নরলোকের অদ্বিতীয়
ধনুর্ধর, দ্বিজশ্রেষ্ঠ, পরিণত-বয়স্ক, সকলের পূজনীয় আচার্য্য—বিশে-
ষত আমার পিতা—তঁার মস্তক, সেই দ্রুপদ-কলঙ্ক নর-পশু
পাপ-হস্তে স্পর্শ করলে—আর তোমরা তা দেখেও উপেক্ষা করলে —
এ কি তোমাদের উচিত কাজ হয়েছিল ?—অথবা, এরা সকলেই
পাপের ভাগী—

যে সকল নর-পশু কাণ্ডাকাণ্ড জ্ঞান-হীন

রূপস্থলে ছিল অস্ত্র ধরি'

—কিবা ভীম—কি অর্জুন অথবা—এমন কি—

“নরকের” রিপু সেই হরি—

তাহাদের মাঝে এই মহাপাপ—কৃত, দৃষ্ট,

অথবা অনুমোদিত যাহার দ্বারায়

—এখন বধিয়া তারে, মেদ-মাংস রক্ত তার

বলি-উপহার দিব দিক-দেবতায় ॥

রূপ ।—বৎস ! ভরহাজেরই তুল্য যে বাহুবলশালী, দিব্য-অস্ত্রাদির
প্রয়োগে যে সুপণ্ডিত, তার অসাধ্য কি আছে ?

অশ্ব ।—ভোভো ! পাণ্ডব-মৎস্য-সোমক-মগধ-প্রদেশস্থ ক্ষত্রাধম
সকল !—তোরা শোন্ :—

পিতৃমুণ্ড ছিন্ন হ'লে প্রজ্জ্বলন্ত অগ্নি সম
তীক্ষ্ণধার ভাস্বর কুঠারে
ঘা' করে ভার্গব পূর্বে, তাহা কি তোদের কভু
পশে নাই শ্রবণ-কুহরে ?
ক্রোধাক্ত এ অশ্বখামা
রণে করি' অরি-রক্তপাত
পিতৃ-তরপণ-ব্রত
আজি সে সাধিবে অচিরাৎ ॥

সারথি ! তুমি যাও, সমস্ত সাংগ্রামিক উপকরণ ও অস্ত্র-শস্ত্রে
সুসজ্জিত করে' এখনি আমার রথ নিয়ে এসো ।

সারথি ।—যে আজ্ঞে কুমার ! (প্রস্থান)

রূপ ।—বৎস ! এই দারুণ অপমানের প্রতিকার করা অবশ্য
কর্তব্য । আর আমাদের মধ্যে তুমি ভিন্ন এর প্রতিবিধান আর
কে করতে পারে বল ।

অশ্ব ।—তার পর, আর কি করতে হবে ?

রূপ ।—তোমাকেই সেনাপতিত্বে অভিষেক করে', সমর-ক্ষেত্রে
পাঠাতে আমি ইচ্ছা করি ।

অশ্ব ।—মাতুল ! সে অতি তুচ্ছ ব্যাপার । তা ছাড়া, আমাকে
তাহলে পরাধীন হয়ে থাকতে হবে ।

রূপ ।—না বৎস, তোমার পরাধীনও হতে হবে না—ব্যাপারটাও
নিতান্ত তুচ্ছ নয় । দেখ :—

ধৃতরাষ্ট্র-সৈন্য কভু হারায় কি ভীষ্মদেবে

কিন্মা গুরু দ্রোণে

তব তুলা সেনাপতি হ'ত যদি নিয়োজিত

এই মহা-রণে ?

বৎস ! তুমি যদি বদ্ধপরিকর হয়ে সমর-ক্ষেত্রে অবতরণ কর,
ত্রৈলোক্যও তোমার গতিরোধ করতে সমর্থ হবে না, তা কি-ছার
এই যুধিষ্ঠির-সৈন্য ? তাই মনে হয়, কোরবরাজ অভিষেক-সামগ্রী
সজ্জিত করে' শীঘ্রই তোমার প্রতীক্ষা করবেন ।

অশ্ব ।—এই অপমান-অগ্নি প্রতিহিংসা-সলিলে কখন আমি নির্দাণ
করতে পারব, তার জ্ঞান আমি উৎসুক হয়ে আছি—আমার
আর বিলম্ব সহ্য হচ্ছে না । আমার পিতার নির্ধন-সংবাদে
কুরুপতি অত্যন্ত বিষম হয়ে আছেন । তাঁকে এখনি গিয়ে
বলি,—‘আজ আমিই সেনাপতির ভার গ্রহণ করে’ রণ-ক্ষেত্রে
প্রবেশ করব—এ কথা শুন্লে তিনি কতকটা আশ্বস্ত হবেন ।

রূপ ।—ঠিক বলেছ বৎস, এসো আমরা তাঁর কাছে যাই ।

(পরিক্রমণ)

দৃশ্য—অগ্রোধ তরু-তল ।

(কর্ণ ও দুর্যোধন আসীন ।)

দুর্যোধন ।—তেজস্বী পুরুষ সবে রিপু-হত বন্ধু-জন-
শোক-পারাবারে

ধৃত-অস্ত্র বাহুরূপ ভেলার আশ্রয়ে দেখ

যায় পর-পারে ।

আচার্য্য শুনিলা যবে

রণস্থলে পুত্রের নিধন

—শস্ত্র গ্রহণের কালে

করিলেন শস্ত্র বিসর্জন ?

পণ্ডিতেরা ঠিকই বলেচেন,—“স্বভাব অপরিহার্য্য ।” কেন না, শৌকারু-চিত্ত হয়ে, ক্ষত্রধর্ম্মের কঠোরতা পরিত্যাগ করে’, তিনি কি না অবশেষে দ্বিজাতি-মূলভ মূঢ়তা অবলম্বন করলেন !

কর্ণ।—রাজন্ ! কোরবেশ্বর ! তা নয় ।

হুর্ঘ্যো ।—তবে কি ?

কর্ণ।—শুনতে পাই নাকি, দ্রোণের এইরূপ অভিপ্রায় ছিল যে, তিনি পৃথিবী-রাজ্যে অস্থখামাকে অভিযুক্ত করবেন । তা না হলে তাঁর অস্ত্র ধারণই বৃথা ।

হুর্ঘ্যো ।—(মাথা নাড়িয়া) তাই কি ?

কর্ণ।—এইজন্তই তাঁর আত্মকূল্যে যে সব রাজারা এই কোরব-পাণ্ডব মহা-সমরে প্রবৃত্ত হয়েছিল, তাদের পরস্পর-নিধনে ও প্রধানপুরুষ-বধে তিনি উপেক্ষা করেছিলেন ।

হুর্ঘ্যো ।—এ কথা ঠিক ।

কর্ণ।—রাজন্ ! আর এক কথা ; দ্রুপদ, তাঁর বাল্যকাল হতেই এই অভিপ্রায় জানতে পেয়ে তাঁকে স্বরাজ্যে বাস করতে দেন নি ।

হুর্ঘ্যো ।—অঙ্গরাজ ! তুমি ঠিক কথা বলেছ ।

কর্ণ।—এ শুধু আমার কথা নয়, অত্র নীতিজ্ঞ ব্যক্তিরাত এইরূপ মনে করেন।

দুর্যো।—তাই বটে। এতে আর কোন সন্দেহ নেই।

নচেৎ :—অভয় দিয়া বধিল অর্জুন যবে
সেই সিদ্ধুরাজে,
পারিত কি উপেক্ষিতে সেই মহারথী দ্রোণ
এইরূপ কাজে ?

কৃপ।—(অবলোকন করিয়া) বৎস ! ঐ দেখ, দুর্যোধন কর্ণের সঙ্গে ঐ ব্রথোধ-তরুর ছায়ায় বসে আছেন, এসো আমরা গুঁর নিকটে যাই। (তথাকরণ)

উভয়ে।—জয় মহারাজের জয়।

দুর্যো।—(দেখিয়া) এ কি ! কৃপ ও অশ্বখামা যে। (আসন হইতে নামিয়া) গুরুদেব ! প্রণাম। (অশ্বখামার প্রতি)

এসো এসো গুরুপুত্র !— পিতা যার রণে হত

মোদেরি কারণ—

চাক্র অঙ্গে অঙ্গ মম স্পর্শ করি' গাঢ়রূপে
কর আলিঙ্গন।

তব পিতৃ-অনুরূপ

দেখি যে গো ও-ভুজ-পরশ।

তনু মোর রোমাঞ্চিত

—সমুদিত অপূর্ব হরষ ॥

(আলিঙ্গন পূর্বক পার্শ্বে বসাইয়া)

অশ্ব।—(অশ্রমোচন)

কর্ণ।—দ্রোণ-পুত্র ! আপনাকে শোকানলে অতিমাত্রা' নিঃক্ষিপ্ত
কোরো না ।

হর্ষো ।—আচার্য্য-পুত্র ! এই বিপদ-সাগরে আমাদের সহিত তোমার
প্রভেদ কি ? দেখ :—

তব পিতা দ্রোণাচার্য্য আমারো তো পিতৃ-সখা
—অতি স্নেহবান ।

শস্ত্রে যথা তব গুরু আমারো তো গুরু তিনি
তোমারি সমান ।

তঁাহার নিধনে মোর
হৃদে জলে যেই শোকানল
শোক-তপ্ত তুমি যে গো
—তুমি-ই তা' বুঝিবে কেবল ॥

কর্ণ ।—বৎস ! কুরুপতি যা বলেন তাই কটে ।

অশ্ব ।—রাজন্ ! আমার প্রতি তোমার যখন এতটা স্নেহ, তখন
আমার শোক-ভারের লাঘব হওয়াই উচিত । কিন্তু :—

জীবিত থাকিতে আমি পিতারে করিল বধ
কেশ আকর্ষণে,
অন্তে যারা পুত্রহীন এবে তারা পুত্র-স্পৃহা
করিবে কেমনে ?

কর্ণ ।—দ্রোণ-পুত্র ! এস্থলে এমন কি করা হয়েছিল যার দরুণ
তিনি,—সেই সর্ব্ব-অপমান-পরিভ্রাতা শস্ত্র পরিত্যাগ করে'
আপনাকে এরূপ শোচনীয় অবস্থায় উপনীত করলেন ?

অশ্ব ।—অঙ্গরাজ ! কি বল্লে তুমি ?—“এস্থলে এমন কি করা
হয়েছিল ?”

পাণ্ডব-সৈন্তের মাঝে নিজ বাহু-বলে বলী—
শস্ত্র যেই করয়ে ধারণ,
পাঞ্চালের গোত্র-মাঝে যেই থাক—বাল, বৃদ্ধ
গর্ভশায়ী কিশা শিশু-জন,
সেই কার্য্য-সাক্ষী হয়ে আমার বিরুদ্ধে যেই
রণস্থলে করে বিচরণ,
ক্রোধাক্ত জগতাস্তক সে জন যদিও হয়
—আমি তার কালান্তক যম ॥

তা ছাড়া, ওগো জামদগ্ন্য-শিষ্য কর্ণ !

এই সেই কুরুক্ষেত্র যেথা পূর্বে জামদগ্ন্য
শত্রু-রক্ত-জলে হ্রদ করিলা প্রাবিত ।
তঁারি মত, ক্ষত্র-হন্তে কেশ-গ্রহ-অপমানে
পিতা মোর বিধিমতে হন নিগৃহীত ।
তঁারি এই দীপ্যমান
মহা-অস্ত্র শত্রু-বিনাশন ;
তিনি যা করিলা পূর্বে
—দ্রোণ-পুত্র করিবে এখন ॥

দ্রুপে ।—আচার্য্য-পুত্র ! তঁার আশ্রয় অনগ্রসাধারণ বীর কি আর
কেউ আছে ?

কৃপ ।—রাজন্ ! দ্রোণ-পুত্র এই স্মৃহহান্ সমর-ভার বহন করতে
কৃতসংকল্প হয়েছেন । আমার মনে হয়, ইনি বদ্ধ-পরিকর হলে

ত্রিলোককেও উচ্ছেদ করতে পারেন—কি ছার এই বুদ্ধিষ্টির-
সৈন্য ! অতএব এঁকেই সেনাপতিত্বে অভিষেক করা হোক ।
দুর্যো ।—তুমি উচিত কথাই বলেছ । কিন্তু অঙ্গরাজ সেনাপতি
হবেন বলে' পূর্ব্বেই স্থির হয়ে গেছে ।

কৃপ ।—রাজন্ ! ইনি এখন অপমানের শোক-সাগরে নিমগ্ন—
অঙ্গুরাজের জন্য এঁকে এখন উপেক্ষা করা উচিত নয় । এঁর
দ্বারাই শত্রুগণ শাসিত হওয়া উচিত—আর, তা যদি না হয়,
ইনি কি অত্যন্ত ব্যথিত হবে না ?

অশ্ব ।—রাজন্ ! কৌরবেশ্বর ! এখনও উচিত-অনুচিতের বিচার ?

বন্দীগণ স্তুতিবাদে তোমারে জাগাতে এত

করিল যতন

জাগিলে না তবু তুমি করিয়াও সারা নিশি

নিদ্রায় ঘাপন ?

অকেশব, অপাণ্ডব, সোম বংশ-শূত্র আজি

করিব ভুবন ।

রণ-পরামর্শ সব করিব গো বাহু-বলে

আজি সমাপন ।

নৃপ-বন-ভারাক্রান্ত ধরা-ভার দেখো আজি

করিব হরণ ॥

কর্ণ ।—দ্রোণাজ্ঞ ! এ সব বলা সহজ কিন্তু করা দুষ্কর । আর,
কৌরব-সৈন্যের সাহায্যে এ কাজ অনেকেই করতে পারে ।

অশ্ব ।—অঙ্গরাজ, সে কথা সত্য । কৌরব-সৈন্যের সাহায্যে অনেক-
কেই এ কার্য সাধন করতে পারে বটে । দেখ, আমি শুধু

শোকার্ভ হয়েই এই কথা বল্চি, বীরজনকে তিরস্কার কর
আমার অভিপ্রায় নয় ।

কর্ণ।—মূঢ় ! শোকার্ভ ব্যক্তির অশ্রুপাত করাই উচিত ও
কুপিত ব্যক্তির শস্ত্রধারণ করে' রণক্ষেত্রে অবতরণ করাই
কর্তব্য—এ সব প্রলাপের কি প্রয়োজন ?

অশ্ব।—(সক্রোধে) ওরে রাধা-গর্ভভারভূত স্ত্রীতাম্র—কেন এরূপ
কটুক্তি করচিস্ ?

কর্ণ।—

স্বত হই, স্বত-পুত্র, হই আমি, যা হই তা হই,
কুলে জন্ম দৈবায়ত্ত, নিজায়ত্ত পৌরুষ নিশ্চয়ি ॥

অশ্ব।—কি বল্লে তুমি ? আমি অশ্বখামা শোকার্ভ, তাই অশ্রু-
পাতই আমার একমাত্র প্রতিবিধানের উপায়—শস্ত্র নয় ?
দেখ :—

গুরু-শাপ-বাক্যে কি গো বীৰ্য্য-হীন শস্ত্র মোর

তব শস্ত্র সম ?

তব সম আমি কি গো পলায়ে এসেছি-হেথা

পরিহরি' রণ ?

কুল-কীর্ত্তি-স্তুতি-বেত্তা সারথির কুলে কি গো

জনম আমার ?

সুদ্র অরি-অনিষ্ট কি— শস্ত্রে নয়—অশ্রুজলে

হবে প্রতিকার ?

কর্ণ।—(সক্রোধে) ওরে বাক-সর্বস্ব, বৃথা শস্ত্রধারী অনিপুণ বটু !—

নির্বীৰ্য্য বা সবীৰ্য্য বা —কভু আমি করি নাই

শস্ত্র বিসৰ্জন,

পাঞ্চালের ভয়ে যথা মহাবাহু পিতা তব

করিলা তখন ॥

অশ্ব ।—(সক্রোধে) ওরে ! রথকার-কুল-কলঙ্ক ! রাধা-গর্ভ-
ভারভূত ! শস্ত্রানভিজ্ঞ ! আমার পিতার প্রতিও তুই কটুক্তি
করচিস্ ? অথবা :—

ভীৰু হোন্—শূর হোন্— তাঁর মহা ভুজ-বল

খ্যাত ত্রিভুবনে ।

বসুধা আছেন সাক্ষী তিনি যাহা প্রতিদিন

করিলেন রণে ।

কেন ত্যজিলেন শস্ত্র— সাক্ষী তার যুধিষ্ঠির

—যিনি সত্যব্রত ।

ওহে রণভীৰু কর্ণ ! সে সময়ে তুমি কোথা

ছিলেগো বল তো ॥

কর্ণ ।—(হাসিয়া) হাঁ আমি ভীৰু, আর তুমিই অদ্বিতীয় বীর !

কিন্তু দেখ, তোমার পিতার কথা মনে করে' সে বিষয়ে আমার
একটু সংশয় উপস্থিত হয়েছে ।

হইয়া নিরস্ত্র রণে

করিয়াও শস্ত্র বিসৰ্জন

উদ্যতাস্ত্র শত্রুকে কি

বীরেরা না করে নিবারণ ?

শিরশ্ছেদ হয় তাঁর

—তবু তিনি জ্বীলোকের মত

সর্ব নৃপ-সমিধানে

প্রতিকারে হলেন বিরত ॥

অশ্ব ।—(সক্রোধে কাঁপিতে কাঁপিতে) ছরাঅন্ ! রাজ-বল্লভ-
প্রগল্ভ ! সূতাদম ! অসম্বন্ধ প্রলাপি !

হুঃখে হোক ভয়ে হোক, না রুখিলা পিতা মোর

দ্রুপদ-পুত্রের সে উত্তোলিত পাণি ।

ভুজ-বলে ক্ষীত তুমি —রোধো এবে তব শির,

এই দেখ বাম পদ ন্যস্ত করি আমি ॥

(তথা করণার্থ উত্থান)

কৃপ ও হর্ষোধন ।—গুরুপুত্র ! ক্ষান্ত হও, ক্ষান্ত হও ।

(নিবারণ করিয়া)

অশ্ব ।—(পদাঘাত)

কর্ণ ।—(সক্রোধে উঠিয়া খড়্গ আকর্ষণ) ওরে ছরাঅন্ ! ব্রাহ্মণাধম
আত্মশ্লাঘি !

জাতিতে অবধ্য তুমি, কিন্তু যে চরণ তব

এবে উত্তোলিত

—এই খড়্গে ছিন্ন হয়ে ভূতলে এখনি দেখ

হবে নিপতিত ॥

অশ্ব ।—ওরে মূঢ় ! জাতির জন্ত যদি আমি অবধ্য হয়ে থাকি, এই
দেখ আমি জাতি ত্যাগ করছি । (যজ্ঞোপবীত ছেদন ও
পুনর্ব্রাহ্মণ্যের সক্রোধে)

কিরীটী সে অর্জুনের প্রতিজ্ঞা বিফল আজি
করিব গো আমি ;

ধর অস্ত্র, কিম্বা ত্যজি' হও মোর সন্নিধানে
কৃতাজ্জলি-পাণি ॥

(উভয়ে খজা আকর্ষণ করিয়া পরস্পরকে প্রহার করিতে উত্তত
এবং রূপ দুর্ঘোধনের তাহা নিবারণ)

দুর্ঘো ।—আচার্য্যপুত্র ! শস্ত্র গ্রহণে কি ফল ?

রূপ ।—বৎস ! স্ত্রুতপুত্র ! শস্ত্র গ্রহণে কি প্রয়োজন ?

অশ্ব ।—মাতুল ! মাতুল ! ধৃষ্টদ্যুম্ন-পক্ষপাতীর ন্যায় তুমি এই পিতৃ-
নিন্দুককে বধ করতে আমায় নিষেধ করচ ?

কর্ণ ।—রাজন্ ! আমাকে আপনি নিষেধ করবেন না ।

ধীর-সত্ত্ব বীরগণ ক্ষুদ্ৰদের উপেক্ষিলে

অবজ্ঞার ভাবে,

এইরূপ আত্মশ্লাঘা করে তারা এই গৃহে

অন্ধ হয়ে রাগে ।

অশ্ব ।—রাজন্ ! ওকে ছেড়ে দিন, ছেড়ে দিন । ওকে আমার
বাহুর মধ্যে এনে একেবারে পিষে ফেলি । তা ছাড়া, স্নেহে-
তেই হোক বা কার্য্যানুরোধেই হোক, যদি আপনি ঐ ছুরাআকে
আমার হস্ত হতে রক্ষা করতে ইচ্ছা করেন—তাও নিশ্চয়োজন ।
কেন না :—

গুণবান তুমি অতি অতি উচ্চ চন্দ্রবংশে

তোমার উদ্ভব ।

স্ত্রুত-পুত্র পাশাপাশি এ, কেমনে হইবে বল

প্রিয় সখা তব ?

অজ্ঞানে বধিব আমি,

ওকে তুমি ছাড়ো মহারাজ।

কর্ণ ও অজ্ঞান-শূন্য

করিব এ ধরণীরে আজ ॥

কর্ণ।—(খজা উঠাইয়া) ওরে বাচাল ! ব্রাহ্মণাধম ! তা তুই কখনই
পারবি নে। ছাড়ুন মহারাজ ছাড়ুন, আমাকে নিবারণ
করবেন না। (বধ করিতে উদ্যত)

দুর্যোধন ও কৃপ।—(নিবারণ করিয়া)

দুর্যোধন।—কর্ণ ! গুরুপুত্র ! আজ তোমাদের এ কি বুদ্ধি-বিপর্যয়
উপস্থিত হল ?

কৃপ।—বৎস ! তুমি কোথায় পাণ্ডবদের উচ্ছেদ করবে, না এখন
কি না আপনাদের মধ্যেই বিবাদ-বিসম্বাদ ?—এ কি বিপরীত
বুদ্ধি ! এই সময়ে যদি আত্ম-বিচ্ছেদরূপ বিপদ উপস্থিত হয়, তা
হলে জানব, তোমা হতেই রাজকুলের এই অনিষ্ট ঘটল।

অশ্ব।—মাতুল ! এই কটু-প্রলাপী, রথকার-কুল-কলঙ্কের দর্প চূর্ণ
করতে আমাকে দেবেন না ?

কৃপ।—বৎস ! এখন নিজ সৈন্যের প্রধানদের মধ্যে বিরোধ কর-
বার সময় নয়।

অশ্ব।—মাতুল ! তা যদি হয় :—

যাবৎ না এ পাপাত্মা

অগ্নি-শরে হইবে নিধন

—প্রিয় হইলেও অস্ত্র

রণে আমি করিব বর্জন ॥

ও যদি সেনানী হয়, রুষ্ট ভীমার্জুন হতে
মহাভয় হইবে যখন
রণে যেন মহারাজ ওই প্রিয় সখারেই
সে সময়ে করেন স্মরণ ॥

(খড়্গ পরিত্যাগ)

কর্ণ ।—(হাসিয়া) তোমার মত বীরপুরুষের অস্ত্র পরিত্যাগ করলেই
বা কি ?—না করলেই বা কি ?

যতক্ষণ অস্ত্র ধরে
মোর এই ভীম করতল
ততক্ষণ অপরের
অস্ত্র ধরি' নাহি কোন ফল ।
সাধিতে যা' মোর অস্ত্র হয় গো অক্ষম
বল তো, কে পারে তাহা করিতে সাধন ?

নেপথ্যে ।—আরে হুয়ায়্ন ! দ্রৌপদী-কেশাকর্ষণকারী মহাপাতকি !
ধৃতরাষ্ট্র-পুত্রাধম ! অনেক দিনের পর আজ তোকে সম্মুখে
পেয়েছি—ওরে ক্ষুদ্র পশু ! তুই কোথায় যাস্ ?
আর, পাণ্ডব-বিদ্যেবী ধনুর্ধারী মহামানী কর্ণ দুর্যোধন সৌবল
প্রভৃতি বীরগণ, তোমরাও শ্রবণ কর :—

যেই নীচ নর-পশু পাঞ্চাল-নন্দিনী-কেশ
করে আকর্ষণ,
পরিধান-বস্ত্র তাঁর নৃপতি-গুরু-সম্মুখে
করয়ে হরণ,

‘যার হৃদয়ের রক্ত করিব গো পান বলি’

করেছিলু প্রতিজ্ঞা তখন

—এ মম ভুজ-পঞ্জরে

সে আজিকে হয়েছে পতন ;

কৌরব তোমরা সবে

তারে এবে করহ রক্ষণ ॥

সকলে।—(শ্রবণ)

অশ্ব।—ওগো ! অঙ্গরাজ ! সেনাপতি ! জামদগ্ন্য-শিষ্য ! দ্রোণো-
পহাসি !—যার ভুজবলে ত্রিলোক রক্ষিত—দেখ, এখন আসন্ন
কাল উপস্থিত—এইবার ভীমের হস্ত হতে হুঃশাসনকে রক্ষা
কর দিকি ।

কর্ণ।—আঃ ! আমি জীবিত থাকতে, কার সাধ্য যুব-রাজের
ছারাকেও আক্রমণ করে ? যুবরাজ ! ভয় নাই, ভয় নাই,
আমি_যাচ্ছি । (প্রস্থান)

(নেপথ্যে কোলাহল)

অশ্ব।—(সম্মুখে দেখিয়া) মাতুল ! হা ধিক্ ! কি কষ্ট ! পাছে
ভ্রাতার প্রতিজ্ঞাভঙ্গ হয় এই ভয়ে অর্জুন হুর্নিবার শরবর্ষণ
করতে করতে কর্ণ ও হুর্ঘোধন উভয়েরই পশ্চাতে ধাবমান ।
হায় হায় ! ভীম এইবার বুঝি হুঃশাসনের রক্ত পান করলে—
হুর্ঘোধন-অনুজের এই বিপদ আমি আর নিশ্চিন্ত হয়ে দেখতে
পারচিনে—এখানে সত্য-ভঙ্গ দোষের নয়—মাতুল ! শত্রু—শত্রু ।

সত্য হতে মিথ্যা শ্রেয় ; স্বর্গ নরক হোক

—যা হবার হউক এখন

ভীম-হতে হুঃশাসনে রক্ষিবারে পুনঃ আমি

ত্যক্ত-অস্ত্র করিব গ্রহণ ॥

(শস্ত্র গ্রহণে উদ্বৃত)

নেপথ্যে ।—মহাঅন্—ভারদ্বাজপুত্র ! যে সত্য কখন লজ্জন করনি,
এখন যেন তার লজ্জন না হয় ।

ক্লপ ।—বৎস ! অশরারী বাণী দেখ তোমাকে অনৃত হতে রক্ষা
করচে ।

অশ্ব ।—কি ? এই দৈববাণী আমাকে সংগ্রামে অবতরণ করতে
নিবেধ করচে ? আঃ ! দেবতারাও পাণ্ডবদের পক্ষপাতী ?
ঐ যে—ভীম হুঃশাসনের রক্ত পান করলে—ওঃ ! কি কষ্ট !
কি কষ্ট !

হুঃশাসন-রক্তপান করিয়া দর্শন

উদাসীন ভাবে তবু রহিহু এখন ?

কি আর করিব তবে আমি এই রণে ?

হুর্যোধন-উপকার করিব কেমনে ?

মাতুল ! কর্ণের প্রতি ক্রুদ্ধ হয়ে, আমি কি অন্যায় অনার্য্য
কাজই করেচি—এখন তুমি রাজার কাছে শীঘ্র যাও ।

ক্লপ ।—বৎস ! আমি এখনি এর প্রতিবিধান করতে চলেম—
তুমি এখন শিবিরে যাও ।

(উভয়ে পরিক্রমণ করিয়া প্রস্থান)

ইতি তৃতীয় অঙ্ক ।

চতুর্থ অঙ্ক

প্রহার-মূর্ছিত দুর্বোধ্যনকে লইয়া

সারথীর প্রবেশ ।

সারথি ।—(ভয়-ব্যস্ত হইয়া পরিক্রমণ)

নেপথ্যে ।—ও গো নরপতিগণ ! তোমরা বাহুবলের অহঙ্কারে
এই মহা সমর-দোহদে প্রবৃত্ত হইয়েছ, কোরবের পক্ষপাতী হয়ে
প্রাণ-সর্বস্ব পণ করেছ, তোমরা এখন তোমাদের সৈন্তদের
থামাও । হত হুঃশাসনের কতক রক্ত শান করে', ও অবশিষ্ট
রক্তে স্নান করে', ভীম ঘোর বীভৎস-বর্ণন হয়ে সেনাদের
দারুণ প্রহার করচে—আর, হতাশ সৈন্তেরাও ছত্র-ভঙ্গ হয়ে
চারিদিকে পলায়ন করচে ।

সারথী ।—(দেখিয়া) দেখ দেখ ধবল-চপল চামরে যার কনক-কমণ্ডলু
চূষিত, যার শিখর-দেশে বৈজয়ন্তী বিরাজিত এইরূপ একটা রথ,
সহস্র সহস্র হত অশ্ব-গজ-নর-কলেবর বিমর্দিত করে', ও তজ্জনিত
বিষম উদ্ঘাতে বিকম্পিত হয়ে, কিঙ্কিণী-ধ্বনি করতে করতে
ঐ দিকে যাচ্ছে—ঐ রথে রূপাচার্য্য আরুঢ় হয়ে অর্জুন-আক্রান্ত
অঙ্গরাজকে অনুসরণ করছেন । যাক্ ! এইবার তবে আমাদের
সৈন্তগণের একটা নির্ভরের স্থান হ'ব ।

(নেপথ্যে—কোলাহলের বিরাম)

(ভীমের প্রবেশ)

ভীম ।—ও গো ! কোরব-সৈন্তের বীরগণ !—আমাকে দেখে ভয়ে

যাদের ধনু কৃপাণ তোমর শক্তি প্রভৃতি অস্ত্রশস্ত্র হস্ত হতে
স্থলিত হয়ে পড়েচে—আর, ও গো পাণ্ডব-পক্ষপাতী যোদ্ধৃগণ !
তোমাদের ভয় নাই, ভয় নাই। আমি নিহত হুঃশাসনের
পীবর-বক্ষঃস্থল-নিঃসৃত শোণিতাসব পান করে’ মদোদ্ধত হয়ে
ক্রতবেগে চলেছি। প্রতিজ্ঞার এখনও কিঞ্চিৎ অবশিষ্ট আছে ;
সেই অবশিষ্ট আনন্দ-মহোৎসবের জন্য প্রতীক্ষা করে’, কৌরব-
রাজের সেই দ্যুত-নির্জিত দাস ভীমসেন, তোমাদের সবাইকে
সাক্ষী করে’ এই কথা বল্চে শ্রবণ কর :—

ধনুধারী মান-ধন হুঃয়োধন নৃপ, আর

কৌরব-বান্ধব সেই কর্ণ, শল্য,

—তাদের সমক্ষে,

পাণ্ডব-বধুর কেশ যে করে গো আকর্ষণ ;

—সুতীক্ষ্ণ নখের ধারে বিদারিয়া

তার সেই বক্ষে,

তপত শোণিত, তার থাকিতে থাকিতে প্রাণ,

শোনো সবে আমি আজি, স্মৃখে করিয়াছি পান ॥

সারথি ।—(সভয়ে শ্রবণ করিয়া) এই যে, কৌরব-রাজপুত্র-মহা-
বনের উৎপাত-মারুত-স্বরূপ সেই ছুরায়া নিকটেই উপস্থিত।
এখনও তো মহারাজ লংজ্জা লাভ করেন নি। আচ্ছা, আমি
তবে এই রথ খুব দূরে নিয়ে যাই। কি জানি যদি সেই অনার্য্য
এর প্রতিও হুঃশাসনের মত অনার্য্য ব্যবহার করে। (সত্বর
পরিক্রমণ ও অবলোকন করিয়া) এই যে একটি ত্রুণোদধ তরু।
সরসী-সরোজ-সুৰভি-শীতল সমীরণে এর ঘন নবীন পল্লবগুলি

কেমন সঞ্চালিত হচ্ছে । সমর-ক্লান্ত বীরজনেরই এই উপযুক্ত
 বিশ্রাম-স্থান । এখানে এই অবত্ন-সুগভ তাল-বৃন্তের বাজনে
 আর, হরিচন্দন-শীতল সরসী-সমীরণে, মহারাজ শীঘ্রই বিগত-ক্লম
 হবেন । আর এই রথও এখন ছিন্ন-ধ্বজ, স্তূতরাং সহজেই
 ছায়াতলে প্রবেশ করতে পারবে । (প্রবেশ) কে আছে গো
 ওখানে ? (চারিদিকে অবলোকন করিয়া) এ কি ! পরিজন
 কেউই নিকটে নেই ? ভীমের এইরূপ ভীষণ মূর্তি, আর
 মহারাজের এইরূপ অবস্থা দেখে তারাও দেখুচি ভয়ে শিবিরে
 পলায়ন করেছে । ওঃ ! কি কষ্ট, কি কষ্ট !

“পার্থ-হতে ভয় নাই”

করি’ এই অভয় প্রদান

দ্রোণাচার্য্য সিদ্ধুরাজে

অবশেষে না করিল ত্রাণ ।

হইলেও দুঃসাধ্য স্ব-প্রতিজ্ঞা অনায়াসে

রণ-মাঝে করিয়া পূরণ

দুঃশাসন-পরে ভীম করিলেন মৃগবৎ

এ হেন নৃশংস আচরণ ?

এ সমস্ত করিয়াও কুরুকুল-প্রতিকূল

দৈব সে এখনো

হইতে গো পারে নাই পূর্ণ-মনোরথ তবু

—মনে হয় হেন ॥

(রাজাকে অবলোকন করিয়া) এ কি ! এখনও মহারাজের
চেতনা হ'ল না ? ওঃ ! কি কষ্ট ! (দীর্ঘ নিঃশ্বাস)

মদমত্ত করি-শিশু বন-মাঝে সব তরু

উৎপাটিয়া, রাখে শুধু

একটি গো শাল-তরু যথা ;

কুককুলে সেইরূপ সমস্ত কুমার হত,

তুমি শুধু অবশিষ্ট

—নেহারেন কটাক্ষে বিধাতা ॥

হা, হতবিধে ! তুমি ভরত-কুলের প্রতি নিতান্তই বিমুখ :—

গদাপাণি ভীমসেন অক্ষত-শরীর রণে

—নাহি তার জীবনে সংশয় ।

প্রতিকূল তুমি বিধি করিবে গো পূর্ণ আজি

ভীমের সে প্রতিজ্ঞা নিশ্চয় ॥

দ্রুহো ।—(অগ্নে অগ্নে সংজ্ঞালাভ করিয়া) আঃ ! আমি জীবিত
থাক্তে সেই পবন-পুত্র বৃকোদরের সাধ্য কি যে সে তার
প্রতিজ্ঞা পূর্ণ করে । তাই হুঃশাসন ! ভয় নাই, ভয় নাই,
আমি যাচ্ছি । সারথি ! যেখানে হুঃশাসন আছে সেই দিকে
আমার রথ নিয়ে চল ।

সারথি ।—মহারাজ ! আপনার অশ্বেরা এখন রথ-বহনে অক্ষম ।

(চুপি চুপি) আর আমরাও এখন অক্ষম ।

দ্রুহো ।—(রথ হইতে নামিয়া সগর্বে আবেগ-সহকারে) রথের
অপেক্ষায় থেকে আর কি হবে ?

সারথি ।—(অপ্রতিভ হইয়া সক্রোধ ভাবে) ক্ষান্ত হোন মহারাজ !

দুর্যো।—ধিক্ সারথি! রথের প্রয়োজন কি? পদব্রজেই শত্রু-
সৈন্তের মধ্যে গিয়ে দুর্যোধন আজ সমস্ত শত্রু বিনাশ করবে,
আমি কেবল গদামাত্র হস্তে লয়ে সমর-ক্ষেত্রে অবতরণ করব।
সারথি।—মহারাজ! আপনি তা পারেন—সে বিষয়ে কোন সন্দেহ
নেই।

দুর্যো।—তা যদি হয়, তুমি এরূপ কথা বলচ কেন? দেখ:—

বালক সে স্বভাবতঃ চঞ্চল-প্রকৃতি
করিল একটা কাজ—এবে তার প্রতি
অস্ত্র উত্তোলন করি', সমক্ষে আমার
পাপাত্মা সে করিতেছে পাপ-ব্যবহার
—এ সময়ে তুমি কি না কর নিবারণ?
নিরখিয়া এইরূপ পাপ-আচরণ
হয় নাকি ক্রোধ তব, দয়া এক রতি?
একটু না হয় লজ্জা তোমার সারথি?

সারথি।—(সকরণ ভাবে পদতলে পতিত হইয়া) মহারাজ! এখন
তবে নিবেদন করি, সেই দুরাত্মা হতভাগা বৃকোদর তার
প্রতিজ্ঞা সম্পূর্ণরূপে পালন করেছে—তাই আমি ঐরূপ
বলছিলাম।

দুর্যো।—(সহসা ভূতলে পতন) হা ভাই! দুঃশাসন! আমার
আজ্ঞাক্রমেই তুমি পাণ্ডবদের সঙ্গে যুদ্ধে প্রবৃত্ত হয়েছিলে—হা
অদ্বিতীয় বীরপুরুষ! আমি যখন শৈশবে তোমাকে কোলে
নিতেম, তুমি কি চাঞ্চল্যই প্রকাশ করতে—হা অরাতি-গজবৃন্দ-
কেশরি! হা যুবরাজ! কোথায় তুমি?—উত্তর দেও। (মুচ্ছিত,
পরে সংজ্ঞা লাভ করিয়া নিশ্বাস ত্যাগ করিয়া)

যথেষ্ট সম্ভোগ-সুখে না করিহু তোমাতে গো
লালন-পালন ।

বৃথায় অগ্রজ আমি আমা-তরে তব এই
বিপদে পতন ।

আমারি আদেশে তুমি
করিলে সে অশিষ্টাচরণ,
অথচ তোমাতে আমি
নারিহু গো করিতে রক্ষণ ॥ (পতন)

সারথি ।—মহারাজ ! শাস্ত হোন্ ! শাস্ত হোন্ !
দুর্য্যো ।—ধিক্ সারথি ! তুমি কি করলে ?

বালক সে হুঃশাসন আজ্ঞাবহ ভাই মোর
যারে সদা রক্ষা করা
আমার উচিত ।

ভীমের সমীপে তারে বলি-উপহার দিয়া
আমি কি না অবশেষে
হইহু রক্ষিত ?

সারথি ।—মহারাজ ! মহারথীদের মর্শ্বেভেদী বাণ তোমর শক্তি
প্রাস প্রভৃতি অস্ত্রের বর্ষণে মহারাজ মূর্ছিত হওয়ায় আমি রথ
নিয়ন্ত্রে পালিয়ে এসেছি ।

দুর্য্যো ।—সারথি ! তুমি ভাল কাজ কর নি ।

অনুজ্ঞে নাশিল যে গো

—সে পাণ্ডব-পুত্র প্রহারে

মূচ্ছা ভাঙিল না মোর

—একি ঘোর দুর্ভাগ্য হা রে !

যে রক্ত-শয্যায় শোয়

মোর সেই ভাই হুঃশাসন

আমি কিম্বা বৃকোদর

তাহে নাহি করিছ শয়ন ?

(নিশ্বাসিয়া আকাশ অবলোকন) হা হতবিধে ! তোমার
কিছুমাত্র দয়া নেই—তুমি ভরত-কুলের প্রতি নিতান্তই বিমুখ ।

হবে না কি মৃত্যু মোর ? ভীম-হস্তে আমি কি গো

হব না নিহত ?

সারথি ।—মহারাজ ! ও পাপ-কথা মুখে আনবেন না ।

দুর্ঘ্যো ।—কি হবে গো রাজ্য জয়ে প্রাণের সে ভাই যবে

হইল বিগত ।

(আহত হইয়া একজন দূতের প্রবেশ ।)

দূত ।—আপনারা কি সারথির সঙ্গে মহারাজ দুর্ঘ্যোধনকে এই দিকে
কোথাও দেখেছেন ? কৈ, কেউ যে কিছুই বলে না । আচ্ছা,
ঐ যে কতকগুলি বন্ধ-পরিকর লোক ঐখানে দেখা যাচ্ছে,
ঐখানে গিয়ে জিজ্ঞাসা করি । এরা তো ঘন-বর্ষজালে দুর্ভেদ্য-
মুখ কঙ্কপত্র দিয়ে নিজ নিজ প্রভুর হৃদয়-হতে শল্য উদ্ধার
করচে । আচ্ছা, অল্প দিকে দেখা যাক । ঐখানে অনেকগুলি
বীর একত্রিত হয়েছে, ঐখানে গিয়ে জিজ্ঞাসা করি । ওহে !
মহারাজ কোথায় আছেন তোমরা কি জান ?—একি ?—এরা
যে আমাদের দেখে আরও বেশি কাঁদতে লাগল । এরাও দেখুচি

কিছুই জানে না। এখানে দেখ্‌চি একটা ভয়ানক কাণ্ড উপস্থিত, যুদ্ধে পুত্র হত হয়েছে শুনে এই বীরমাতা রক্তবস্ত্র পরিধান করে', পুত্রের সহিত একসঙ্গে চিতারোহণ করচেন। সাধু বীর-মাতা সাধু! জন্মান্তরে তোমার পুত্র কখন আর নিহত হবে না। আচ্ছা, অত্ন দিকে এখন খোঁজা যাক। এই আবার কতকগুলি যোদ্ধা বহু অস্ত্রাঘাতে আহত হয়ে ও ক্ষত-স্থানের প্রতীকারে অসমর্থ হয়ে ঐখানে রয়েছে; আবার আর একটি যোদ্ধা শূন্যাসন অশ্বকে পেয়ে রোদন করচে; এদেরও প্রভু নিশ্চয় নিহত হয়েছে। এরাও তো কিছু জানে না; আচ্ছা, আমি তবে অত্নদিকে গিয়ে জিজ্ঞাসা করি। একি! দৈব বিমুখ হওয়ায়, সকলেই যে নিজ নিজ অবস্থানরূপ বিপদে পড়ে' একবারে বিহ্বল। এস্থলে কাকেই বা জিজ্ঞাসা করি, কাকেই বা তিরস্কার করি। দৈবই কেবল এখন তিরস্কারের পাত্র। অহো দৈব! যিনি একাদশ অক্ষৌহিনীর অধিনায়ক, শত ভ্রাতার জ্যেষ্ঠ ও প্রভু; ভীষ্ম, জয়-দ্রথ, কর্ণ, শল্য, ক্রপ, কৃতবর্মা, অশ্বত্থামা প্রভৃতি রাজ-চক্রের—সকল পৃথিবী-মণ্ডলের অধিপতি—সেই মহারাজকে এত অবৈ-ষণ করচি তবু জানতে পারচিনে তিনি কোথায় আছেন? কিন্তু না, দৈবকে কেন বৃথা তিরস্কার করচি। কেন না, বিহ্বরের নিষেধ-বাক্যে বিহ্বরের প্রতি ভৎসনা যার বীজ, পিতামহের হিতোপদেশ যার অঙ্কুর, হতভাগা শকুনির প্রোৎসাহ-বচন যার মূল—সেই জতুগৃহরূপ বিষ-বৃক্ষের চির-পোষিত বদ্ধ-বৈররূপ আলবালে জল-সেচন হয়ে এই ফল উৎপন্ন হয়েছে। ঐ যেখানে বিবিধ রত্নপ্রভার ছটায়, সূর্য্য-কিরণ-প্রসূত সহস্র ইন্দ্রধনুর তায় দিগ্‌মণ্ডল উদ্ভাসিত,—ঐখানে একটা ভগ্নধ্বজ রথ দেখা যাচ্ছে না? ঐখানে

নিশ্চয় মহারাজ হুর্ঘ্যোধন বিশ্রাম করচেন । (নিকটে গিয়া দর্শন) জয় মহারাজের জয় !

সারথি ।—মহারাজ ! যুদ্ধক্ষেত্র হতে সুন্দরক এসেছেন ।

হুর্ঘ্যো ।—(অবলোকন করিয়া) একি ?—সুন্দরক যে ! অঙ্গরাজের কুশল তো ?

সুন্দ ।—মহারাজ ! শুধু শরীরেরই কুশল ।

হুর্ঘ্যো ।—(ভয়-ব্যস্ত) সুন্দরক ! অর্জুনের বাণে রথের অশ্বগণ ও সারথি কি নিহত ?—অথবা রথ কি ভগ্ন ?

সুন্দ ।—মহারাজ ! রথ ভগ্ন হয় নি—তঁার মনোরথই ভগ্ন হয়েছে ।

হুর্ঘ্যো ।—(সরোষে) ওরে ! এইরূপ অস্পষ্ট কথায় আমার আকুল মনকে আরও আকুল করে' তুলচিস্ কেন ?—স্পষ্ট করে' বল ।

সুন্দ ।—যে আক্ষেপ মহারাজ ! আশ্চর্য্য ! মহারাজের মুকুটমণির প্রভাবে আমার রণ-প্রহার-বেদনা দূর হল । (দগর্বে পরি-ক্রমণ) শুভুন মহারাজ ! আজ কুমার হুঃশাসন নিহত—
(অর্দ্রোক্তি করিয়া মুখ আচ্ছাদন)

সারথি ।—সুন্দরক ! দৈব আমাদের পূর্বেই তা বলেচেন—তবু আবার বল ।

হুর্ঘ্যো ।—আমরা শুনেছি, তবু বল ।

সুন্দ ।—শুভুন মহারাজ ! আজ কুমার হুঃশাসনের বধে আমার প্রভু অঙ্গরাজ কুপিত হয়ে, কুটিল ক্রফুট ললাট-তলে ধারণ করে', অতি ক্ষিপ্ৰহস্তে অসংখ্য বাণ বর্ষণ করতে করতে সেই ছুরা-চার ছুরায়া মধ্যমপাণ্ডব ভীমসেনকে আক্রমণ করলেন ।

উভয়ে ।—তার পর—তার পর ?

সুন্দ ।—তার পর মহারাজ, উভয় সৈন্তের অশ্ব পদাতির পদোখিত

ধূলি-জ্বালে, এবং অসংখ্য গজ-বৃন্দের পতন-সমুদ্ভূত ঘন-ঘোর
অন্ধকারে উভয় সৈন্যই অন্ধীভূত হল ।

উভয়ে ।—তার পর, তার পর ?

সুন্দ ।—তার পর মহারাজ, সেই অন্ধকারের মধ্যে দূরাকৃষ্ট ধনুকের
টঙ্কারোখিত গভীর ভীষণ শব্দ প্রলয়-মেঘের গর্জ্জন বলে' মনে
হতে লাগল ।

দুর্যো ।—তার পর ?

সুন্দ ।—তার পর মহারাজ । উভয় সৈন্য পরস্পরের প্রতি, সিংহ-
নাদে গর্জ্জন করতে লাগল । বীরগণের পরিহিত লৌহকবচে
বিবিধ অস্ত্রসমূহ নিপতিত হয়ে তা হতে যেন বিদ্যুচ্ছটা বিস্ফুরিত
হতে লাগল । চাপ-জলধর হতে সহস্রবারে শরধারা বর্ষণ হতে
লাগল । এইরূপে রণ-হুদ্দিন হুদর্শন হয়ে উঠল ।

দুর্যো ।—তার পর—তার পর ?

সুন্দ ।—তার পর মহারাজ, ইতিমধ্যে অর্জুন, জ্যেষ্ঠ ভ্রাতার পাছে
পর্যভব হয় এই আশঙ্কায়, সেই দিকে তাঁর সেই বানরধ্বজ রথ
ধাবিত করলেন ; রথের অশ্বগণ বজ্র-গর্জ্জনে হেঁসারব করতে
লাগল, বাসুদেব শঙ্খচক্রগদাদি-লাঞ্জিত চতুর্ভুজমূর্তি ধারণ
করে' অশ্ব-চালনায় ব্যাপৃত হলেন—আর পাঞ্চজন্য দেবদত্ত
প্রভৃতি শঙ্খ নিনাদিত হয়ে দশদিক প্রতিধ্বনিত হতে
লাগল ।

দুর্যো ।—তার পর—তার পর ?

সুন্দ ।—তার পর, ভীমসেন ও ধনঞ্জয় পিতাকে আক্রমণ করেছে
দেখে, কুমার বৃষসেন ব্যাঙ-সমস্ত হক্কে, শিরঃ-স্থলিত মুকুট পরি-
ত্যাগ করে', কঠিন ধনুগুণ আকর্ণ আকর্ষণ করে', আর দক্ষিণ

হস্তে শর-পুঙ্খ-বন্ধন মুক্ত করে', সারথিকে ঘরা দিতে দিতে, সেইখানে গিয়ে উপস্থিত হলেন ।

দুর্যো ।—(গর্বিত ভাবে) তার পর—তার পর ?

অনন্দ ।—তার পর মহারাজ, কুমার বৃষসেন সেখানে এসেই বিগলিত-শিখা-শ্রামল স্নিগ্ধ-পুঙ্খ কৃষ্ণবর্ণ কঠিন কঙ্কপত্রযুক্ত, শিলাময় তীক্ষ্ণধার শল্যরূপ কুসুম-ভূষিত শর-জালে ধনঞ্জয়ের রথকে একেবারে ছেয়ে ফেলেন ।

দুর্যো ।—(সহর্ষে) তার পর, তার পর ?

অনন্দ ।—তার পর মহারাজ, ধনঞ্জয় তীক্ষ্ণধার ভল্ল ও বাণ বর্ষণ করতে করতে, একটু হেসে বলেন, “ওরে বৃষসেন ! রণে তোর পিতাও আমার সম্মুখে তিষ্ঠতে পারে না, তা তুই তো বালক । যা, তুই অত্র কুমারদের সঙ্গে যুদ্ধ করগে ।” এই কথা শুনে, গুরুজনের প্রতি কটুক্তি-জনিত কোপে আরক্ত-মুখ হয়ে, ভীষণ ক্রকুটি ধারণ করে' ধনুর্ধারী বৃষসেন—পরুষ বচনে নয়—কিন্তু মর্শ্বেদনীর পরুষ বাণে অর্জুনকে ভৎসনা করলেন ।

রাজা ।—সাধু বৃষসেন সাধু ! অনন্দরক ! তার পর ?

অনন্দ ।—তার পর মহারাজ, ধনঞ্জয় কুমারের শাণিত-শর-প্রহারের বেদনায় কুপিত হয়ে, বজ্র-নির্ঘোষে গাণ্ডীব টঙ্কার করে', শিক্ষা-বলের অনুরূপ বাণ-বর্ষণে দৃষ্টিপথ আচ্ছন্ন করে', মুহূর্তের মধ্যে অদ্ভুত কাণ্ড করলেন ।

দুর্যো ।—(আকূত-সহকারে) তার পর—তার পর ?

অনন্দ ।—তার পর মহারাজ, তাঁর শত্রু চটুল হস্তে ধনুর্গুণ সংযোজন ও পরিত্যাগে অত্যন্ত নৈপুণ্য প্রকাশ করচে দেখে, কুমার বৃষসেন আরও ঘোরতর যুদ্ধে প্রবৃত্ত হলেন ।

দুর্যো। —তার পর ?

সুন্দ। —তার পর মহারাজ, উভয়ের মধ্যে কিয়ৎকালের জ্ঞাত যুদ্ধের বিরাম হলে, “সাধু কুমার বৃষসেন সাধু”—এইরূপ উভয় সৈন্যের বীরগণ চীৎকার করতে করতে তাঁকে দেখতে লাগল।

দুর্যো। —(সবিস্ময়ে) তার পর, তার পর ?

সুন্দ। —তার পর মহারাজ, পূর্বে যাকে সমস্ত ধনুর্ধারী বীরগণ অবজ্ঞা করেছিল—সেই পুত্রের সমর-ব্যাপার দেখে, প্রভু অঙ্গ-রাজের মনে কখন রোষ, কখন হর্ষ, কখন করুণা ও কখন শঙ্কার উদয় হতে লাগল ; এবং তিনি একসঙ্গেই ভীমসেনের উপর শর-ধারা ও কুমার বৃষসেনের উপর বাম্পাকুল দৃষ্টি নিক্ষেপ করতে লাগলেন।

দুর্যো। —(সবিস্ময়ে) তার পর —তার পর ?

সুন্দ। —তার পর মহারাজ, কুমারের প্রতি উভয় সৈন্যের সাধুবাদ শ্রবণে ও কুমারের শর-বর্ষণে অর্জুন ক্রোধে প্রজ্জ্বলিত হয়ে, অশ্ব, সারথি, রথ, ধনু, জ্যা, রাজ-চিহ্ন গুল আতপত্র,—সমস্তেরই উপরে সমান ভাবে বাণ বর্ষণ করতে লাগলেন।

দুর্যো। —(সভয়ে) তার পর ?

সুন্দ। —তার পর মহারাজ, কুমার রথহীন ও ছিন্ন-ধনুগুণ হয়ে, চতুর্দিকে শর-পতন-বশত ইতস্তত বিচরণ করতে না পোয়ে, অবশেষে মণ্ডল-গতি রচনা করতে লাগলেন।

দুর্যো। —(আশঙ্কা-সহকারে) তার পর, তার পর ?

সুন্দ। —তার পর মহারাজ, সারথি, রথ ধ্বংস হওয়ায় প্রভু অঙ্গ-রাজের রোষ উদ্দীপিত হল। তিনি তখন ভীমসেনের আক্রমণ উপেক্ষা করে’ ধনুজের উপর অজস্রধারে বাণ

বর্ষণ করতে লাগলেন । কুমার বৃষসেনও, পরিজনোপনীত অস্ত্র রথে আরোহণ করে' আবার ধনঞ্জয়ের প্রতি আক্রমণে প্রবৃত্ত হলেন । আর এইরূপ বলতে লাগলেন :—ওরে পিতৃ-তিরস্কার-মুখর, মধ্যম পাণ্ডব ! আমার এই বাণ-সকল তোর শরীর ছাড়া আর কোথাও পড়বে না—এই কথা বলে' সহস্র সহস্র শরে পাণ্ডব-শরীর আচ্ছন্ন করে' সিংহনাদে গর্জন করতে লাগলেন ।

দুর্যো ।—(সবিস্ময়ে) অহো ! মুগ্ধস্বভাব বালকের কি পরাক্রম !—তার পর, তার পর ?

সুন্দ ।—তার পর মহারাজ, ধনঞ্জয় সেই শত সহস্র শর অঙ্গ হতে ঝেড়ে ফেলে, রথের উৎসঙ্গ-দেশ হতে', কনক-কিকিণী-জাল-ঝঙ্কারিণী, মেঘ-মুক্ত নভস্তলের ন্যায় নির্মলা, শানিত-শ্রামল-শ্লিষ্টমুখী, বিবিধ-রত্ন-প্রভা-সমুজ্জ্বলা, ভীষণ-রমণীয়দর্শনা একটি শক্তি গ্রহণ করে', উপহাস-সহকারে, কুমারের অভিমুখে নিঃক্ষেপ করলেন ।

দুর্যো ।—(সবিসাদে) ওহোহো !

সুন্দ ।—তার পর মহারাজ, সেই প্রজ্বলন্ত শক্তিকে দেখে, অঙ্গ-রাজের হস্ত হতে শর-সমেত ধনু, হৃদয় হতে বীর-স্বলভ সাহস, নেত্র হতে অশ্রুজল, মুখ হতে হাসি একেবারে স্থলিত হয়ে পড়ল । ধনঞ্জয় হাসতে লাগলেন, বৃকোদর সিংহ-নাদ ছাড়তে লাগলেন—কুরু-সৈন্তগণ “সর্বনাশ হল, সর্বনাশ হল” এই বলে' চীৎকার করতে লাগল ।

দুর্যো ।—(সবিসাদে) তার পর, তার পর ?

সুন্দ ।—তার পর মহারাজ, কুমার বৃষসেন, শানিত “কুরুপ্র”-বাণ

আকর্ণ আকর্ণ করে,' অনেক ক্ষণ ধরে সন্ধান করে'—ভগবান
ত্রিলোচন ভাগীরথীকে অর্দ্ধপথে ধেরূপ ত্রিধা করেছিলেন,—
তিনিও সেইরূপ শক্তিকে ত্রিধা করে' ফেলেন ।

হর্যো ।—সাধু বৃষসেন সাধু !—তার পর, তার পর ?

সুন্দ ।—তার পর মহারাজ, ইতিমধ্যে বীরেরা মহা-কোলাহল
করে' সাধুবাদ দিতে লাগল, সমর-ভূরী নিনাদিত হতে
লাগল, সিদ্ধ চারণেরা পুষ্প বিকীর্ণ করে' সমরাস্তন আচ্ছা-
দন করে' ফেলে ।

হর্যো ।—অহো ! বালকের কি অদ্ভুত পরাক্রম !—তার পর, তার
পর ?

সুন্দ ।—তার পর মহারাজ, প্রভু অঙ্গরাজ এই কথা বলেন ;
“ওগো বৃকোদর ! তোমার আমার যুদ্ধ-ব্যাপার এখনও তো
শেষ হল না । এখন যদি তোমার অহুমতি হয়, তো আমার
পুত্রের ও তোমার ভ্রাতার ধনুর্বিদ্যার শিক্ষা-নৈপুণ্য একটু
দেখা যাক । এই যুদ্ধ তোমারও দর্শন-যোগ্য । তার পর
সীমসেন ও অঙ্গরাজ মুহূর্তের জন্য যুদ্ধে বিরত হয়ে অর্জুন
ও বৃষসেনের যুদ্ধ দেখতে লাগলেন ।

হর্যো ।—তার পর, তার পর ?

সুন্দ ।—তার পর মহারাজ, শক্তি খণ্ডিত হওয়ায়, অর্জুন ক্রুদ্ধ হয়ে
এইরূপ বলেন ;—“ওরে হর্যোধন-প্রমুখ !—(অর্দ্ধোক্তি করিয়া
লজ্জিত)

হর্যো ।—সুন্দরক ! বল, তাতে দোষ নেই—ও তো অন্যের কথা ।

সুন্দ ।—ওহুন মহারাজ ! “ওগো হর্যোধন-প্রমুখ, কোরব-সেনা-
পতিগণ ! ওগো অবিনয়-নদীর কর্ণধার কর্ণ ! তোমরা

আমার অসাক্ষাতে, একাকী পুত্র অভিমন্যুকে বধ করেছ—
এখন আমি তোমাদেরই সাক্ষাতে কুমার বৃষসেনকে এই দেখ
বধ করি” এই কথা বলে’ সগর্বে গাণ্ডীব অক্ষালিত করে’,
ভীষণ নির্যোষে ধনুর্গুণ টঙ্কার করলেন । প্রভুও তাঁর “কল
পৃষ্ঠ” নামে ধনু সজ্জিত করলেন ।

দুর্যো ।—(অবহিখ-সহকারে)—তার পর, তার পর ?

সুন্দ ।—তার পর মহারাজ, অর্জুন ভীমসেনকে যুদ্ধ করতে নিষেধ
করে’ অঙ্গরাজ ও বৃষসেন-রূপ কুল-ধ্বংশী-বাণ-নদী রচনা
করলেন । তারাও উভয়ে পরস্পর-প্রতি স্নেহ-প্রদর্শিত শিক্ষা
বিশেষের দ্বারা মধ্যম পাণ্ডবকে আক্রমণ করলে ।

দুর্যো ।—তার পর, তার পর ?

সুন্দ ।—তার পর মহারাজ, অর্জুন বাণ বর্ষণ করতে লাগলেন—
বাণ বর্ষিত হচে কেবল উচ্চ জ্যা-নির্যোষেই তা জানা
যাচ্ছিল ; কি নভস্তল, কি প্রভু, কি রথী, কি ধরনী, কি
কুমার, কি কেতু-দণ্ড, কি সৈন্ত, কি সারথি, কি তুরঙ্গম, কি
বীরগণ—কিছুই আর দৃষ্টিগোচর হচ্ছিল না ।

দুর্যো ।—(সবিস্ময়ে) তার পর, তার পর ?

সুন্দ ।—তার পর মহারাজ, কিছুক্ষণ এইরূপ শর-বর্ষণ হবার পর
পাণ্ডব-সৈন্যের মধ্যে সহর্ষ সিংহ-নাদ, ও কৌরব-সৈন্য-মধ্যে
“হায় হায় ! কুমার বৃষসেন হত”—এইরূপ কাতর হাহাকার
সমুথিত হয়ে মহান কোলাহল উপস্থিত হল ।

দুর্যো ।—(অশ্রুপাতের সহিত ক্রোধ) তার পর, তার পর ?

সুন্দ ।—তার পর মহারাজ, প্রথমে কুমারের সারথি, তুরঙ্গ নিহত
হল ; আতপত্র, ধনু, চামর, ধ্বজদণ্ড সমস্ত ভগ্ন হল ; অবশেষে

স্বর্ণ-ভ্রষ্ট সুর-কুমারের ন্যায় একটি বাণে বিদ্ধ হয়ে কুমারও
রথ-মধ্যে পতিত হলেন। এই সমস্ত দেখে আমি এখানে
আস্চি।

দুর্যো।—(শাশ্রু নয়নে) ওহোহো কুমার বৃষসেন!—আর শুনে
কি হবে? হা বৎস বৃষসেন! আমার কোলের চঞ্চল শিশু!
তুমি আমার কি আজ্ঞাকারীই ছিলে! হা গদা-যুদ্ধ-প্রিয়!
হা শৌর্য্য-মাগর! রাধেয়-কুলাঙ্কুর! প্রিয়দর্শন! হা হুঃশাসন
নির্ব্বিশেষ! সর্ব্ব-গুরু-বৎসল! কোথায় তুমি?—উত্তর দেও।

বিশাল সে নেত্র দুটি, নবচন্দ্র-কান্তি সম

অতি রমণীয় তার

ফুটন্ত যৌবন।

কেমনে গো অঙ্গরাজ পঙ্কজ-বদনে তার

মৃত্যুর বিরূত দৃষ্টি

করিল দর্শন?

সারথি।—মহারাজ! শোকে অভিভূত হবেন না।

দুর্যো।—সারথি! পুণ্যবানেরাই হুঃখ-ভাগী হয়; কিন্তু:—

হত-বন্ধু-অপমান

করিয়া গো প্রত্যক্ষ দর্শন

যে অনলে হৃদি মোর

দগধ হতেছে অনুক্ষণ

তার কাছে কোথা হুঃখ

—কোথা আর হৃদয়-বেদন? (মূর্ছিত)

সারথি।—মহারাজ! শান্ত হোন, শান্ত হোন। (বস্ত্রাঞ্চলে বীজন)

ছুর্য্যো—(সংজ্ঞা লাভ করিয়া) তদ্র সুন্দরক ! বরষা অঙ্গরাজ, তার পর কি করলেন ?

সুন্দ ।—তার পর মহারাজ, পুত্রকে সেইরূপ নিহত দেখে, বিগলিত অশ্রুজল সম্বরণ করে', শত্রুর প্রহার উপেক্ষা করে', প্রভু অঙ্গরাজ ধনঞ্জয়কে আক্রমণ করলেন । তার পর, সারথির নিধনে ক্লষ্ট হয়ে, জীবনের আশা পরিত্যাগ করে' ঐরূপ ভাবে তিনি আস্চেন দেখে, ভীমসেন নকুল সহদেব প্রভৃতি পাণ্ডবেরা ধনঞ্জয়ের রথকে আগুনিয়ে দাঁড়াল ।

ছুর্য্যো ।—তার পর, তার পর ?

সুন্দ ।—তার পর, অর্জুনের ধনুরূপ প্রলয়-মেঘ হতে অজস্র শর-ধারা বর্ষণে দিগ্ভ্রমল আচ্ছন্ন হয়ে গেল, প্রভু অঙ্গরাজকে শল্য তখন এইরূপ বল্লেন :—“দেখ অঙ্গরাজ ! তোমার রথের অশ্বগণ নিহত, চক্রনেমি, যুগন্ধর ভগ্ন—এ অবস্থায় শত্রুকে আক্রমণ করা তোমার উচিত নয়”—এই বলে' রথ ফিরিয়ে দিলেন । এবং বহু প্রকারে বুঝিয়ে তাঁকে রথ হতে নাবালেন ।

ছুর্য্যো ।—তার পর, তার পর ?

সুন্দ । তার পর, প্রভু অনেক ক্ষণ বিলম্ব করে', পরিজনদের অগ্নি রথ আনতে বল্লেন । পরিজনদেরা অগ্নি রথ এনেছে দেখে, আমার দিকে চেয়ে বল্লেন :—“সুন্দরক ! এই দিকে এসো”—আমিও নিকটে গেলেম । তার পর মস্তক হতে একটা পত্রিকা বার করে', নিজ দেহ-বিগলিত রক্তবিন্দুতে বাণ-মুখ লিপ্ত করে', সেই বাণ দিয়ে মহারাজকে এই পত্র লিখলেন ।

(পত্রিকা অর্পণ)

দুর্যো।—(গ্রহণ করিয়া পাঠ)

স্বস্তি মহারাজ দুর্যোধন !

সমরাস্ত্রন হইতে কর্ণ গাঢ় কণ্ঠালিঙ্গন পূর্বক নিবেদন করিতেছে:—

“শস্ত্রের প্রয়োগে কৃতী আমারো অধিক যে গো ;

ভ্রাতৃগণ-মাঝে যার নাহিক সমান ;

নিশ্চয় সে অর্জুনেরে অক্লেশে করিবে জয়”

—এইরূপ করিতে গো তুমি অনুমান ।

কিন্তু দেখ তবু আমি পারি নাই বধিবারে

হুঃশাসন-অরি সেই হুঃ অরজুনে ।

এসো তুমি ত্বর করি’ কর হুঃখ-প্রতিকার

ভুজ-বীৰ্য্য-বলে কিম্বা অশ্রু-বিমোচনে ॥

দুর্যো।—বয়স্তু ! কর্ণ ! কর্ণ !—একে আমি শত-ভ্রাতৃ-নিধনে দগ্ধ
হচ্ছি, তার উপর আবার কেন তুমি আমাকে বাক্য-শেলে বিদ্ধ
করচ বল দিকি ? আচ্ছা, ভদ্র স্তন্যদত্ত ! এখন অঙ্গরাজ কি
করচেন ?

স্তন্যদত্ত।—মহারাজ ! দেহের আবরণ-কবচ অপনীত করে’, আত্ম-
হত্যায় কৃতসংকল্প হয়ে, এখন তিনি যুদ্ধের চেষ্টায় আছেন ।

দুর্যো।—(শুনিয়া সত্বর উঠিয়া) স্তন্যদত্ত ! আমার হয়ে তুমি
শীঘ্র তাঁকে গিয়ে এই কথা বুঝিয়ে বল “এখন আর তুমি জয়ের
আকাঙ্ক্ষা কোরো না, এখন আমাদের উভয়েরই একই সংকল্প”
কিন্তু :—

পার্শ্বেরে করিয়া বধ অস্ত্রোষ্টি-সলিল তার

যত সব বন্ধুবর্গে দিয়া

মোচন করিয়া অশ্রু, কতিপয় মন্ত্রি আর

শত্রুদেরো গাঢ় আলিঙ্গিয়া

—সেই শেষ আলিঙ্গন জন্মান্তরে পুন যার

নাহি সম্ভাবনা—

তাজিব এ ছার দেহ— হয়ে তপ্ত কিষা তপ্ত

যা হয় হোক না ।

কিস্ত না—শোকের বিষয় আমার কিছু বলবার নেই ।

তব পুত্র বৃষসেন মমানুজ হুঃশাসন

—রণে হত হ'ল ।

কি বুঝাব আমি তোমা, তুমিই বা মোরে কিবা

বুঝাবে তা বল ॥

সুন্দ ।—যে আজ্ঞে মহারাজ ! (প্রস্থান)

হুৰ্য্যো ।—একি ! রথ-চক্রের শব্দ শোনা যাচ্ছে না ?

সারথি ।—মহারাজ ! রথ-চক্রের শব্দটা যেন ক্রমেই আরও বৃদ্ধি
হচ্ছে ।

হুৰ্য্যো ।—পরিজনেরা নিশ্চয়ই রথ নিয়ে এসেচে । যাও, তুমি রথ
সজ্জিত কর গে ।

সারথি ।—যে আজ্ঞে মহারাজ ! (প্রস্থান করিয়া পুনঃ প্রবেশ)

হুৰ্য্যো ।—(অবলোকন করিয়া) এখনও তুমি রথে ওঠো নি ?

সারথি ।—পিতা ও জননী, সজ্জয়ের সঙ্গে রথে আরোহণ করে'
মহারাজকে দর্শন করতে এসেছেন ।

হুৰ্য্যো ।—হায় হায় ! দৈব কি গর্হিত কন্মই করেচেন ! সারথি !

তুমি যাও, শীঘ্র রথ নিয়ে এসো, আমিও পিতৃ-দর্শন পরিহার
করে' একান্তে অবস্থান করি, গে ।

সারথি।—মহারাজ ! এখন এই দুইজন আত্মীয়মাত্র আপনার
অবশিষ্ট—আপনি কি এঁদের সাস্থনা করবেন না ?

দুৰ্য্যো।—সারথি ! বিধাতা যার প্রতি বিমুখ, সে আবার কি
সাস্থনা করবে ? দেখ :—

অগুহি আমরা যবে রণ-ভূমে দুই জনে
করিহু প্রস্থান

হুঃশাগন ও আমার আনত মস্তক তাঁরা
করিলা আঘ্রাণ ।

ঘটিল সে বালকের শত্রু-শরে রণ-ভূমে
যে দশা বিষম

—গুরুজন-পার্শ্বে গিয়া বল দেখি তাঁহাদের
কি বলি এখন ?

তথাপি, গুরুজনের পাদবন্দনা অবশ্যকর্তব্য ।

(প্রস্থান)

ইতি চতুর্থ অঙ্ক ।

পঞ্চম অঙ্ক ।

রথারোহণে গান্ধারী সঞ্জয় ও ধৃতরাষ্ট্রের প্রবেশ ।

ধৃত ।—বৎস সঞ্জয় ! কুরু-কুল-কাননের একমাত্র অবশিষ্ট পল্লব,

—আমার সেই বৎস দুর্য্যোধন বেঁচে আছে, কি বেঁচে নেই ?

গান্ধা ।—জাহ্ন ! বাছা এখনও বেঁচে আছে যদি সত্য হয়, বল
এখন সে কোথায় আছে ?

সঞ্জ ।—ঐ যে, মহারাজ একাকী বট-চ্ছায়ায় বসে আছেন ।

গান্ধা ।—কি বললে জাহ্ন—একাকী ? এক শত ভ্রাতা তাঁর পাশে
বসে নেই ?

সঞ্জ ।—তাত ! জননি ! ধীরে ধীরে রথ থেকে নাবুন ।

(উভয়ে অবতরণ)

লজ্জিত দুর্য্যোধন উপবিষ্ট ।

সঞ্জ ।—(নিকটে গিয়া) মহারাজের জয় হোক ! এই দেখুন, জননীর
সহিত পিতা এসেছেন, মহারাজ কি দেখতে পাচ্ছেন না ?

দুর্য্যো ।—(অপ্রতিভ হইয়া)

ধৃত ।— শরীর হইতে বন্দ্য

একেবারে করি' উন্মোচিত,

কঙ্কমুখ-যজ্ঞে শল্য

ধীরে ধীরে করি' অপনীত,

বেঁধেছে যে ক্ষত-পরে

ক্ষত-শোষী পটির বন্ধন,

—আর কণ্ঠ এবে যার

একমাত্র আশ্রয় অধম—

জিত-শত্রু সে রাজায়

দূর হতে করিয়া দর্শন

নাহি জিজ্ঞাসিছু তারে

—আমি যে গো হতভাগ্য জন—

“বেদনা কি বৎস তব

হইয়াছে কিছু উপশম” ?

(ধৃতরাষ্ট্র ও গান্ধারী স্পর্শ করিতে করিতে নিকটে আসিয়া
হর্য্যোধনকে আলিঙ্গন)

গান্ধারী।—বাছা ! বাণ-প্রহারের বেদনায় এত কাতর হয়েছ যে
আমাদের সঙ্গেও কথা কইতে পারচ না ?

ধৃত।—বৎস হর্য্যোধন ! পূর্বে আমি কি কাজ করি নি, যার দরুণ
তুমি আমার সঙ্গে কথা কচ্চ না ?

গান্ধারী।—বাছা ! তুমি যদি আমাদের সঙ্গে কথা না কও, তা হলে
কি হুশাসন, হুমুসন কিম্বা আর কেউ আমাদের সঙ্গে এখন
কথা কইবে ? (রোদন)

হর্য্যোধন।—

আমি পাপী নরাদম, নিজ চক্ষে করিয়াও

অহুজের বিনাশ দর্শন

না করিছু প্রতিকার, পিতা-মাতা উভয়েরি

আমি-ই তো অশ্রুর কারণ ।

বিমল ভরত-কুল

—তাহে জাত আমি কুসন্তান

পুত্রক্ষয়-কারী মোরে

পুত্র বলি' কেন কর জ্ঞান ?

গান্ধী ।—জাহ্ন ! হুংখ কোরো না । তুমিই এখন এই অন্ধ-ছুটির
পথ-প্রদর্শক হয়ে চিরজীবী হও । আমার রাজ্যেই বা কি
হবে ?—বিজয়েই বা কি হবে ?

হুংখ্যো ।—জননি গো, এ কি তব

অসঙ্গত বিপরীত কথা ?

স্বক্ষত্রিয়া তুমি যে গো

উচিত কি তব এ দীনতা ?

বাৎসল্য-বিহীন তুমি,

শত পুত্র তোমার নিহত

না ভাবো তাদের তরে,

—এ অযোগ্যে রক্ষিতে উদ্ধত ?

নিশ্চয় পুত্রশোক হতেই এ সব চেষ্টা হচ্ছে ।

সঞ্জ ।—মহারাজ ! তবে কি এই লোক-প্রবাদটি মিথ্যা যে “স্বর্গের
কৃপ-পতন-কালে রজ্জুও সেই সঙ্গে সেখানে নিঃক্ষিপ্ত হয়” ?

হুংখ্যো ।—এ কথা সমীচীন নয় । উপকরণীয় বস্তুর অভাবে উপ-
করণের কি প্রয়োজন ? (রোদন)

ধৃত ।—(হুংখ্যোদনকে আলিঙ্গন করিয়া) বৎস ! তুমি নিজে শাস্ত
হও ; আর, আমাকে ও তোমার অভাগিনী মাকেও সাহায্য
কর ।

জুর্যো ।—তাত ! এ সময়ে তোমাদের সাহসনা আর কি করব ?
কিন্তু এখন এই একমাত্র সাহসনা :—

কুন্তীপুত্রগণে আমি করিব নিধন,
তব পুত্রে বধিয়াছে কুন্তীর নন্দন;
কুন্তীও তোমার মত পুত্র-শোক-গ্রস্ত
'হইবে অচিরে—ভাবি' হও গো আশ্বস্ত ॥

গান্ধা ।—জাহ্ন ! এখন এই আমাদের যথেষ্ট যে তুমি জীবিত আছ—
এখন আর কার জন্য শোক করব ? তা, দেখ জাহ্ন ! যুদ্ধ
করবার তোমার এ সময় নয়—তোমার কাছে কৃতাজ্ঞা হইবে
বলছি, তুমি যুদ্ধ হতে ক্ষান্ত হও—অনুগ্রহ করে' এই কথাটি
আমাদের রাখো ।

ধৃত ।—বৎস ! আমার সব পুত্রই নিহত হয়েছে—তুমিই একমাত্র
অবশিষ্ট—তোমার জননীর কথা—আমার কথা শোনো
বৎস । দেখ :—

যার পরাক্রম দেখি' ভীষ্ম-দ্রোণ-বল-বীৰ্য্য
তুচ্ছ জ্ঞান করিত গো শত্রু জ্ঞাতিকুল
—সেই কর্ণ-সম্মুখেই তার পুত্রে ফাল্গুনী
বধিল—দেখিয়া বিশ্ব ভয়েতে আকুল ।
সব পুত্র হত মোর, তোমাতেই শেষ এবে
রিপুর সে প্রতিজ্ঞা-বচন
মোর অন্ধ পিতা মাতা—আমাদের অহুনয়
এবে বৎস করহ শ্রবণ ॥

জুর্যো ।—যুদ্ধ-ক্ষেত্র হতে ফিরে গিয়ে তার পর আমি করব কি ?

গাফা।—তোমার পিতা কিম্বা বিদ্বর যা বলবেন তাই করবে ।

সঞ্জ।—রাজন্ ! সেই কথাই ঠিক ।

হর্যো।—সঞ্জয় ! এখনও কি কিছু উপদেশ দেবার আছে ?

সঞ্জ।—মহারাজ ! যত দিন প্রাণ থাকে, ততদিনই বিজিগিষু নৃপ-
তিদের উপদেশ দেওয়া জ্ঞানীদের কর্তব্য ।

হর্যো।—(সক্ৰোধে) ভাল, এখন জ্ঞানীর উপদেশটা কি শোনা
যাক ।

ধৃত।—বৎস ! সঞ্জয় তো ঠিকই বলছেন—এতে রাগ করবার কি
আছে ? যদি তুমি এখন প্রকৃতিস্থ হয়ে থাকো, তা হলে
আমিই তোমাকে বলছি শোনো ।

হর্যো।—বল পিতা বল ।

ধৃত।—বৎস ! অধিক আর কি বলব, যুধিষ্ঠিরের প্রার্থিত পণ
স্বীকার করে' এখন সন্ধি কর ।

হর্যো।—দেখ পিত ! মা পুত্র-স্নেহে বিহ্বল হয়ে, সঞ্জয় নির্বুদ্ধি-
তার বশে, এইরূপ যা-ইচ্ছা তাই বলচেন ; আপনাতঃ মোহ
উপস্থিত, অথবা পুত্রনাশ-জনিত হৃদয়-জ্বরে আপনিও অভি-
ভূত । বাসুদেবের যে সন্ধির প্রস্তাব আমরা শতভ্রাতায় মিলে
তখন অবজ্ঞার সহিত একেবারে অগ্রাহ্য করেছিলাম, এখন
পিতামহ, আচার্য্য, অতীজ ও নৃপ-মণ্ডলীর বিনাশ দেখে, শুধু
দেহের মায়া-বশে,—উদাত্ত পুরুষদের যা লজ্জার বিষয়,—সেই
হুঃখনিবারক সন্ধি কিনা হর্যোধন আজ পাণ্ডবদের সঙ্গে স্থাপন
করবে ? তা ছাড়া সঞ্জয়, তুমি তো একজন নীতিজ্ঞ ব্যক্তি—
তুমি তো জানো :—

কত না করয়ে সন্ধি নৃপগণ, হীনবল

রিপুগণ-সনে

দুঃশাসন-হীন আমি— সামুজ-পাণ্ডব সন্ধি

করিবে কেমনে ?

ধৃত ।—বৎস ! তা হলেও, আমার প্রার্থনায় যুধিষ্ঠির কি না করতে পারেন ? তা ছাড়া যুধিষ্ঠির তোমা অপেক্ষা আপনাকে সর্বদাই হীন-বল মনে করেন ।

দুর্যো । - সে কিরূপ ?

ধৃত ।—শোনো, যুধিষ্ঠির প্রতিজ্ঞা করেছেন, যদি তাঁর এক ভ্রাতারও মৃত্যু হয়, তা হলে তিনি আর প্রাণধারণ করবেন না । সংগ্রামে তো ছলের অভাব নেই, তাই তিনি সর্বদাই অনুজের বিপদ আশঙ্কা করেন । এবং এইহেতু তোমাকে তুষ্ট করবার জন্তও তোমার সহিত তিনি সন্ধি করতে সম্মত হতে পারেন ।

সঞ্জ ।—ঠিক কথা ।

গান্ধা ।—বাছা ! তোমার পিতার এই যুক্তি-সঙ্গত কথা তুমি শোনো ।

দুর্যো ।—তাত ! জননি ! সঞ্জয় !

একটি অনুজ-নাশে— প্রতিজ্ঞা করিল পার্শ্ব—

করিবে হুসে প্রাণ বিসর্জন ।

শত ভ্রাতৃ-নিধনেও দুর্যোধন অনায়াসে

সহিবে এ কষ্টের জীবন ?

দুঃশাসন-রক্তপায়ী ভীমসেনে চূর্ণ করি’

এই মৌর গদার আঘাতে

না নিষ্কেপি' দিকে-দিকে তার সেই পাপ-দেহ

—করিব কি সন্ধি তার সাথে ?

গান্ধী । - হা জাহ্নু হুঃশাসন ! হা হুর্মর্ষণ ! হা বিকর্ণ ! বীর-শত-
প্রসবিনী গান্ধারী শত পুত্র তো প্রসব করে নি, শত দুঃখ প্রসব
করেছিল ।

(সকলে রোদন)

সঞ্জ ।—(অশ্রু ত্যাগ করিয়া) তাত ! আপনারা মহারাজকে সাধুনা
দেবার জন্তই এখানে এসেছেন—অতএব আপনারা এখন ধৈর্য্য
ধারণ করুন ।

ধৃত ।—বৎস ! দৈব এখন তোমার প্রতি বিমুখ । তুমি যদি
এখনও শত্রু-সম্বন্ধে অতিমান পরিত্যাগ না কর, অভাগিনী
গান্ধারী এখন আর কাকে অবলম্বন করে' জীবন ধারণ
করবে ?—তুমিই বৎস এখন তার জীবনের একমাত্র অবলম্বন ।

দুর্য্যো ।—শুনুন বলি :—

ভুবন রক্ষিল যারা,

ভুঞ্জিল গো অতুল ঐশ্বর্য্য,

শত্রু-গর্ক-থর্ককারী

যাহাদের মহাতেজ বীৰ্য্য,

সহস্র মুকুট-চূড়া

যাহাদের পদে অবমত,

সেই শত পুত্র তব

অরি নাশি' সমরে নিহত ।

সগরের মত এবে

মাতৃ-সাথে তুমি গো এখন

ধরণীর ভার, তাত !

বিনা-শোকে করহ রহন ॥

এর বিপরীত হ'লে' মহারাজের ক্ষত্রধর্ম লঙ্ঘন করা হবে।

(নেপথ্যে মহা কোলাহল)

গান্ধা ।—(শুনিয়া সভয়ে) সজ্জয় ! এ কি !—হাহাকার-মিশ্রিত তুর্য্যধ্বনি শোনা যাচ্ছে না ?

সজ্জ ।—হাহাকার করে এরূপ ভীকুজন এখানে কোথায় ?

ধৃত ।—বৎস সজ্জয় ! এই হাহাকার যে ক্রমেই বিস্তৃত হচ্ছে—
জানো দিকি এর কারণটা কি—নিশ্চয় একটা কিছু ভয়ানক
কাণ্ড ঘটেছে ।

দুর্ঘ্যো ।—তাত ! যতক্ষণ না আর কিছু অশুভ সংবাদ শোনা যায়,
ততক্ষণ অমুগ্রহ করে' আমাদের রণস্থলে অবতরণ করতে অনু-
মতি দিন ।

গান্ধা ।—জাহ্ন ! মুহূর্ত্তকাল তুমি এখানে থেকে আমাদের আশ্বস্ত
কর ।

ধৃত ।—বৎস ! যদি তুমি যুদ্ধে যাবে বলে' কৃতনিশ্চয় হয়ে থাকো,
তা হলে শত্রুকে বরণ গোপনে বধ করবার উপায় চিন্তা কর ।

দুর্ঘ্যো ।—চোখের সম্মুখে দেখি' হত বন্ধুজনে

শত্রুবধ অমুচিত কপটে গোপনে ।

না পারিল করিতে যা প্রকাশ আহবে

—সে কার্য্য করিয়া বল কিরা ফল হবে ?

গান্ধা ।—জাহ্ন ! তুমি এখন একাকী—কে তোমাকে সাহায্য
করবে ?

হুঁয়ো ।—তব পুত্র-ক্ষয়-কারী

আমি একা বটে গো জননি !

সমতা আনুন দৈব,

নিষ্পাণ্ডব করিয়া ধরণী ।

(নেপথ্যে কোলাহল)

ওহে বীরগণ ! তোমরা কোরবেশ্বরকে নিবেদন কর, এখন ঘোর সংহার-কার্য আরম্ভ হয়েছে । অপ্রিয় কথা শ্রবণে বিমুখ হয়ে আর কি হবে ? এখন সময়োচিত প্রতিবিধান করাই কর্তব্য ।
দেখ :—

ছাড়ি দিয়া অশ্ব-রশ্মি

শল্য সেই কর্ণের সারথি

—পার্থ-বাণাক্ষিত-তনু—

শূন্ত-রথে চলে ধীর-গতি ।

পরিচিঁত পথ ধরি’

অশ্বগণ রথ লয়ে যায়,

জিজ্ঞাসে কুরুরা সবে

“অঙ্গরাজ কোথায়—কোথায়” ?

সজল-নয়নে শল্য বলে বার্তা—কাঁপাইয়া

যত কুরুবীরে

এইরূপে শূন্ত-রথে শল্য দেখ, বাইতেছে

ফিরিয়া শিবিরে ॥

হুঁয়ো ।—(শুনিয়া সভয়ে) আঃ ! ‘অস্পষ্ট বজ্রপাতের মত কে নিষ্ঠুররূপে এইরূপ ঘোষণা করচে ? কে আছে ওখানে ?

(ভয়-ব্যস্ত হইয়া সারথির প্রবেশ ।)

সারথি ।—মহারাজ ! আমাদের সর্বনাশ হয়েছে ।

(ভূতলে পতন)

দুর্যো ।—কি হয়েছে ?

ধৃতরাষ্ট্র ও সঞ্জয় ।—বল, বল কি হয়েছে ।

সারথি ।—মহারাজ ! কি আর বলব ?

শল্য-সম শল্য যবে শূত্র মনোরথ-সম

কর্ণ-শূত্র রথোপরি

হয়ে অবস্থিত

পশিল শিবির-মাঝে, জন-সজ্জ তথাকার

কর্ণ-শূত্র রথ হেরি’

হইল মুচ্ছিত ॥

দুর্যো ।—হা বয়স্তু কর্ণ ! (মুচ্ছিত)

গান্ধা ।—জাহ্ন ! ধৈর্য্য ধর, ধৈর্য্য ধর ।

সঞ্জ ।—শান্ত হও, শান্ত হও মহারাজ ।

ধৃত ।—ওঃ কি কষ্ট ! কি কষ্ট !

ভীষ্ম দ্রোণ হ’লে হত

একটি যে অবলম্বন

মম পুত্র-প্রিয়-সখা

—সে কর্ণও হইল নিধন ॥

বৎস ! আশ্বস্ত হও, আশ্বস্ত হও । দেখ হতবিধে !

শত পুত্র-শোক সহি— অন্ধ আমি—ভার্য্যা-সহ

মোর এই শোচ্য দশা

তোমারি গো কৃত ;

এ হৃষ্যোধনেও তুমি নিরাশ করিলে হায়

সখা-গুরু-বন্ধুবর্গে

করি নিঃশেষিত ॥

বৎস হৃষ্যোধন ! তোমার অভাগিনী মাতাকে সান্ত্বনা কর ।

হৃষ্যো ।—(সংজ্ঞা লাভ করিয়া)

ওগো কর্ণ ! আমা-প্রতি অবিচল প্রীতি তব

করি' প্রকাশিত

শ্রুতি-স্বথকর-বাক্য ক্ষণেকের তরে তুমি

কর বিতরিত ।

বিচ্ছেদ তোমার সনে কখন তো ঘটে নাই,

তোমার অপ্রিয় আমি

করি নাই কভু ।

বৃষসেন-বৎসল ! পাসরিয়া সখা-স্নেহ

কেন মোরে তেয়াগিয়া

যাইতেছ তবু ?

(পুনর্মুচ্ছিত)

সকলে ।—(সান্ত্বনা দান)

হৃষ্যো ।—(সংজ্ঞা লাভ করিয়া)

মম প্রাণাধিক সেই অঙ্গরাজ কর্ণ আজি

সমরে নিহত ।

আবার চেতনা লভি' তবু আমি বেঁচে আছি

— লজ্জা হয় তাত ॥

অপিচ :—

শোচনীয় হইলেও রণ-হত হৃঃশাসন,

বন্ধুবর্গ অত্র,

শোক করি না গো এবে ছঃশাসন-তরে কিছা
 আর কারো জন্য ।
 কর্ণেতে ছঃশ্রাব্য যাহা কর্ণের সে অমঙ্গল
 ঘটালে যে জন
 তাহারে সবংশে আজি সমরে বধিব আমি
 এই মোর পণ ॥

গান্ধী ।—জাহ্ন ! ঋণেকের জন্য অশ্রমোচনে ক্ষান্ত হও ।
 ধৃত ।—বৎস ! ঋণেকের জন্য অশ্রমার্জন কর ।
 দুর্যো ।—আমার উদ্দেশে যবে

করিল সে প্রাণ বিসর্জন
 সে সময়ে কেহই তো
 না করিল তারে নিবারণ ।
 তার তরে করি আমি
 এক বিন্দু অশ্রু বিমোচন
 —তাহাও এ দীন জনে
 করিতে কি দিবে না এখন ?

সারথি ! কে না জানি আমাদের কুলান্তকর এই অসম্ভব কার্য্য
 সাধন করলে ?

সারথি ।—মহারাজ ! লোকের মুখে এইরূপ শুনলেম :—

চক্র ভূমে মগ্ন হলে,—চক্রপাণি স্তূত যার,
 আমাদের সৈন্যের যে যম,
 —ইন্দ্রের নন্দন সেই মহাবীর ধনঞ্জয়
 বধিলা গো তাঁহারে রাজনু ॥

হুৰ্য্যো ।—কর্ণের সে মুখ-চন্দ্র স্মরণ করিয়া
 শোক-সিন্ধু মম এবে উঠে উথলিয়া ।
 বাড়বাগ্নি সম ক্রোধ হয়ে প্রজ্জ্বলিত
 আচ্ছন্ন করিছে তাহে এবে মোর চিত ॥

জননি ! তাত ! প্রসন্ন হয়ে তোমরা আমাকে যুদ্ধে যেতে
 অনুমতি দেও ।

সুহৃৎসহ শোকানলে নিরন্তর দহিতেছি
 আমি যে এখন ;
 —সমান বিপত্তি হই— বরঞ্চ গো ভাল এবে
 সমরে মরণ ॥

মৃত ।—(হুৰ্য্যোধনকে আলিঙ্গন)
 সত্য বটে পুত্র ওগো ! অনিশ্চিত রণ-স্থলে
 জয়-পরাজয় ;
 কিন্তু সেই ভীম-কর্শা ভীমে অরি' ভয়ে দ্রব
 হয় যে হৃদয় ।

তুমি মানী হুৰ্য্যোধন শঠতায় নহ দক্ষ
 —রণে তব শৌর্য্যেরি প্রকাশ ।
 শত্রুগণ রণ-মাঝে করে ছল বহুতর
 —হায় ! মোর হবে সর্বনাশ !

গান্ধী ।—জাহ ! যে আমার শত পুত্রের যম সেই বৃকোদরের
 সহিত তুমি যুদ্ধ প্রার্থনা করচ ?

হুৰ্য্যো ।—জননি ! বৃকোদরের কথা এখন থাক ।
 হৃদি-মনোরথ যে গো, সর্বাঙ্গ-চন্দন-রস,
 অমলেন্দু এ মোর নয়নে ;

মাতঃ ! তব পুত্র তুল্য, পিতঃ ! তব নীতি-শিষ্য,
—সেই কর্ণে যে বধিল রণে,
তারি পরে শর মোর
পড়িবে এক্ষণে ॥

সারথি ! আর কাল-হরণ করে' কি হবে ? আমার রথ
সজ্জিত করে নিয়ে এসো । আর, তুমি যদি পাণ্ডবদের ভয় কর,
তুমি থাকো ; আমি শুধু গদা-হস্তেই রণ-স্থলে অবতরণ করব ।
আর কিছু ভাব্‌বার দরকার নেই । এই আমি চল্লম ।

(প্রস্থান)

ধৃত ।—বৎস হুর্যোধন ! যদি আমাদের দগ্ধ করবে বলেই তুমি
স্থিরনিশ্চয় হয়ে থাকো, তা হলে অন্ততঃ নিকটস্থ কোন
বীরকে সেনাপতি-পদে অভিষিক্ত কর ।

হুর্যো ।—পূর্ব-হতেই অভিষিক্ত হয়ে আছে ।

গান্ধা ।—কে সে হতভাগ্য ?

ধৃত ।—সে শল্য—না অশ্বখামা ?

সঞ্জয় ।—হায় হায় !

ভীষ্ম গত, দ্রোণ হত, অঙ্গরাজ কর্ণ সেও
নিহত গো রণে ।

—অতি বলবতী আশা— শল্য সে করিবে জয়

পাণ্ডু-পুত্র গণে ?

হুর্যো ।—শল্যেরই বা কি প্রয়োজন ? অশ্বখামারই বা কি
প্রয়োজন ?

হয়, রণে প্রাণ দিয়া

লভিব গো কর্ণ-আলিঙ্গন

নয়, পার্থ-প্রাণ হরি’

করিব গো বৈর-নির্যাতন।

অভিষিক্ত করিয়াছি তাই আপনারে

অবারিত নয়নের অশ্রুবারি-ধারে ॥

নেপথ্যে।—(কলরবের পর) ওগো কৌরব-সৈন্তের প্রধান বীর-
গণ! আমাদের দেখে ভয়ে কেন পালাচ্চ? তোমরা বল,
সুযোদ্ধন এখন কোথায় আছেন?

সকলে।—(সভয়ে শ্রবণ)

(ব্রহ্ম-ব্যস্ত হইয়া সারথির প্রবেশ)

সারথি।—মহারাজ! একই রথে ছুটি বীর-পুরুষ আরুঢ় হয়ে—
আপনি কোথায় আছেন জিজ্ঞাসা করে’ ইতস্ততঃ অবেষণ
করে’ বেড়াচ্ছে।

সকলে।—কোন্ হুজ্জন?—কে কে?

সারথি।—সেই কর্ণারি অর্জুন, আর সেই বৃক-তুল্য বৃকোদর।

গান্ধা।—(সভয়ে) জাহ্ন! এখন কি কর্তব্য?

দুর্য্যো।—এই গদা তো আমার নিকটেই আছে।

গান্ধা।—হায়! এইবার বুঝি এই হতভাগিনীর সর্বনাশ হল।

দুর্য্যো।—এখন শোক-বিলাপের সময় নয়। সজয়! সজয়! রথে

তুলে পিতা ও জননীকে শিবিরে নিয়ে যাও। আমাদের শোক

দূর করবার লোক এখন এখানে উপস্থিত।

ধৃত।—বৎস! একটু অপেক্ষা কর। কি অভিপ্রায়ে এসেচে
একবার জানি।

দুর্য্যো।—তাত! জেনে কি হবে?—আপনি যান।

(ধৃতরাষ্ট্র ও গান্ধারী কিয়দূর গমন করিয়া অবস্থান)

(রথারূঢ় ভীমার্জুনের প্রবেশ ।)

ভীম ।—ওগো সুর্যোধনের অহুজীবীগণ ! কেন তোমরা বৃথা ভয়া-
কুল হয়ে ইতস্তত বিচরণ করচ ?—তোমাদের কোন ভয় নাই।

দ্যুত-ছল-প্রবর্তক, জতুগৃহ-দাহ-কারী,

কৃষ্ণা-কেশ-বস্ত্রাকর্ষী

হুয়াত্মা যে জন ;

পাণ্ডবেরা যার দাস ;—দ্রোণাচার্য্য, দ্রুশাসন

অহুজ-শতের যে গো

সুহৃদ উত্তম ;

—কোথা সেই অভিমানী দুর্যোধন ? রোষ-ভরে

আসি নাই হেথা তাঁরে

করিতে দর্শন ॥

দ্রুত ।—সঞ্জয় ! ও হুমতিরি এ যে দারুণ ভৎসনা ।

সঞ্জয় ।—তাত ! অপ্রিয় কার্য্য সমস্ত শেষ করে' এখন অপ্রিয়
বাক্য বলতে আরম্ভ করেছে ।

দুর্যোধন ।—সারথি ! হুজনকেই গিয়ে বল, আমি এইখানেই আছি ।

সারথি ।—যে আজ্ঞে মহারাজ । (তাহাদের নিকটে গিয়া)

শোনো ওগো ভীম অর্জুন ! মহারাজ পিতামাতার সহিত ঐ
বট-বৃক্ষের ছায়া-তলে আছেন ।

অর্জুন ।—মহাশয় ! ক্ষমা করবেন । পুত্রশোকাক্ত পিতামাতাকে
এখন দর্শন করে' বিরক্ত করব না—এখন আমরা তবে যাই ।

ভীম ।—মূঢ় ! সদাচার যে অলঙ্ঘনীয় । গুরুজনদের প্রণাম না করে'
যাওয়াটা উচিত হয় না । (নিকটে গিয়া) সঞ্জয় ! গুরুজনদের

নিকটে আমাদের প্রণাম জানাও । না, থামো—আমরা নিজেই
জানাবো । (রথ হইতে অবতরণ) গুরুজনেরা বন্দনীয়, স্বয়ং
গিয়ে আমাদের প্রণাম করা উচিত ।

অর্জু ।—(নিকটে গিয়া) তাত ! জননি !

তোমাদের পুত্রদের সর্ব-রিপু-জয়-আশা
যার পরে ছিল বিদ্যমান,
যার গর্বে গরবিত হইয়া তাহারা সবে
করিত গো বিশ্বে তৃণ জ্ঞান
—সেই রাধা-পুত্র-নাশী মধ্যম পাণ্ডব আসি’
তব পদে করে গো প্রণাম ॥

ভীম ।— বহুসংখ্য কোরবে যে করিল নিধন,
দুঃশাসন রক্ত-পানে মত্ত যেই জন,
দুর্যোধন-উরু যে গো করিবে ভঞ্জন
কর সে ভীমের এবে প্রণাম গ্রহণ ॥

ধৃত ।—দ্রুপদা বৃকোদর ! তুমিই যে কেবল শত্রু-বিনাশ করেছ
তা নয়; যে অবধি ক্ষত্রিয়গণের সৃষ্টি, সেই অবধিই সমর-বিজয়ীরা
জয়লাভ করে’ আস্চে, বীরেরাও যুদ্ধে নিহত হয়েছে; তবে
কেন বৃথা আশ্ফালন করে’ তুমি আমাদের বিরক্ত করচ ?

ভীম ।—তাত ! রুপ্ত হবেন না ।

পাণ্ডুপুত্রগণ-বধু—কৃষ্ণার আকর্ষি’ কেশ
যে সকল নৃপগণ করে অপমান
তাহারা সকলে এবে পাণ্ডবের ক্রোধানলে
হইয়াছে দগ্ধ ক্ষুদ্র পতঙ্গ সমান ।

গংবাদ দিতেছি শুধু— ভুজ-বল-শ্লাঘা কিম্বা

মাহি করি বৃথা অহঙ্কার ;

যেই গুরুতর কাজ পুত্র-পৌত্র করে তব

—তুমি তাত সাক্ষী আছ তার ॥

দুর্যো।—ওরে পবন-তনয় ! তোর নিন্দিত কাজের জন্ত বৃদ্ধ

রাজার কাছে আবার আত্ম-শ্লাঘা করচিস্ ?

তা ছাড়া :—

তুমি ভীম, তুমি পার্থ, সেই যুধিষ্ঠির, আর

নকুল ও সহদেব তাই দুইজন

—তোমাদের ভার্য্যা সেই দ্যুত-দাসী—তার কেশ

সভামাঝে মমাজ্জায় করে আকর্ষণ ।

যে সকল নৃপগণে বধিলে তোমরা রণে

তাহাদের কি বা দোষ এই বৈর-কাজে ?

বাহুবীৰ্য্য-ধন-মদে ঘোর-মত্ত যে গো আমি

আমারে জিনিলে তবে দর্প তব সাজে ॥

ওরে ছুরাত্মা ! সে তোর অসাধ্য । (সক্রোধে উঠিয়া বধ
করিতে উদ্যত)

ধৃত ।—(ধরিয়া বসাইয়া দিলেন)

ভীম ।—(ক্রোধে প্রজ্জ্বলিত)

অর্জু ।—দাদা ! এতে রুষ্ট হচ্চ কেন ?

কাজে না করিতে পারি' মোদের অগ্রিয়

বচনে করিছে এবে—ধর্তব্য কি ও ?

শত-ভ্রাতৃ-বধে দুঃখী কহিছে প্রলাপ,,

তাহে দাদা বল দেখি কিসের সন্তাপ ?

ভীম ।—ওরে রে ভরত-কুল-কলঙ্ক !

রে কটু-প্রলাপ-ভাষি ! না যদি গো করিতেন
গুরুজন মোরে নিবারণ,
গদায় চূর্ণিয়া অস্থি সদ্য তোরে পাঠাতাম
সে দুঃশাসনের সদন ॥

তা ছাড়া, মৃত !

তব কুল-পদ্ম-বনে প্রমত্ত বারণ যে গো
—সেই ভীম হলেও কুপিত
—কু-নৃপ তুই যে অতি— তবুও যে এতদিন
ধরাতলে আছিস জীবিত,
তাহার কারণ, তোর অদৃষ্টে ছিল রে দেখা
বিদারিত দ্রাক্ষ-বক্ষঃস্থল ।
আর, স্ত্রীলোকের মত নেত্র হতে বিসর্জন
অনর্গল শোক-অশ্রুজল ॥

দুর্যো ।—আমি তোমার মত কটুক্তি-মুখর নই । কিন্তু :—

অচিরে বন্ধুরা তব সমর-অঙ্গনে স্মৃণ্ত
দেখিবে তোমায়
—ভীম-ভূষা-বিভূষিত গদা-ভগ্ন-বক্ষঃশ্রুত
শোণিত-ধারায় ॥

ভীম ।—(হাসিয়া) তোমার কথা কি অবিশ্বাস করতে পারি ?—

তুমি ঠিকই বলচ—আমার মৃত্যু তো আসন্ন—তবু তোমাকে
একটা কথা বলি শোনোঃ—

মোর পীন ভূজ-দ্বয়ে ঘুরাইয়া গুরু গদা
 চূর্ণি বক্ষঃস্থল তব
 শিরে পদ করিব স্থাপন ।
 —কালিকে প্রভাতে তাহা
 নৃপগণ করিবে দর্শন ।

তব ভ্রাতৃগণ-সহ তোমায়ে দলিত করি'
 যে রক্ত নিঃসৃত হবে
 সেই ঘন রক্ত-চন্দন
 আনধ বিলিপ্ত করি'
 করিব গো অঙ্গের ভূষণ ॥

নেপথ্যে ।—ও গো ভীমসেন ! ও গো অর্জুন ! যিনি অশেষ
 অরাতি-সৈন্য নিহত করেছেন, মহাপরাক্রান্ত পরশুরাম-সদৃশ
 যার যশোরামি, যার প্রতাপে দিগ্ভ্রমুল তাপিত, সেই শ্রীমান
 অজাত-শত্রু মহারাজ যুধিষ্ঠির এই আজ্ঞা করচেন :—

উভয়ে ।—দাদা কি আজ্ঞা করচেন ?

পুনর্বার নেপথ্যে :—

গৃধ্র-কঙ্ক-বিথণ্ডিত হত-দেহে রণ-স্থল
 অতীব দুর্গম ;
 আত্মীয়েরা অব্যেথিয়া দেহগুলি অগ্নিসাৎ
 করুক এখন ;
 জ্ঞাতিগণ জ্ঞাতিদের • অশ্রু-মিশ্র জন এবে
 করুক অর্পণ ।

রিপুদের সঙ্গে দেখ

ভাষুও হইল অন্তগত,

করহ একত্র এবে

—রণস্থলে সৈন্ত আছে যত ॥

উভয়ে ।—যে আজ্ঞে ।

(প্রস্থান)

নেপথ্যে ।—ওরে রে গাণ্ডীব-ধারী মহাবল অর্জুন ! অর্জুন !—তুই
এখন কোথায় যাস ?

কর্ণ-ক্রোধে-এতদিন বিজয়ী ধনুক আমি

করিয়াছিলাম বিসর্জন

শূর-শূর রণ-স্থলে তাইতো বর্দ্ধিত হয়

তব বাহু-বীৰ্য্য-পরাক্রম ।

শত্রুত্যাগী অবিজিত পিতা মোর, তাঁর শির-

শ্বেদ-কথা করিয়া স্মরণ

পাপু-পুত্র-প্রলয়ান্বিত দ্রৌপদ-সৈন্ত-নাশী

দ্রৌণী দেখ করে আগমন ॥

ধৃত ।—(শুনিয়া সহর্ষে) বৎস হুর্যোধন ! দ্রৌণের অপমানে ক্রোধে
প্রজ্জ্বলিত হয়ে ঐ দেখ বীরবর অশ্বখামা এসেছেন । পিতা
অপেক্ষাও ওঁর সমধিক বল ; আর উনি শিক্ষাবান, দেব-
তুল্য ; অতএব তুমি এগিয়ে গিয়ে ওঁকে অভ্যর্থনা কর ।

গান্ধা ।—যাও যাছ, ওঁর অভ্যর্থনা করগে ।

হুর্যোধ্য ।—তাত ! জননি ! অঙ্গরাজের বধাভিলাষী বৃথা-যৌবন-
বল-শত্রুধারী এই বীরকে নিয়ে আমাদের কি হবে ?

শ্রুত ।—দেখ বৎস ! এ সময়ে এইরূপ বাক্যে এতাদৃশ পরাক্রান্ত
বীরদের বিরাগ উৎপাদন করা তোমার উচিত নয়।

অশ্বখামার প্রবেশ ।

অশ্ব ।—জয় হোক কৌরব-রাজের !

দ্রুপ্যো ।—(উঠিয়া) গুরুপুত্র ! এইখানে বোসো । (বসাইয়া)

অশ্ব ।—রাজন্ ! দ্রুপ্যোধন !

কর্ণ-তৃপ্তিকর বাক্য

তোমা কাছে কর্ণ কহি' কত

কার্য্যে যা করিল রণে

—সকলি তো আছ অবগত ।

দ্রোণ-পুত্র এবে দেখ

ধনুতে জ্যা করি' আরোপণ

শত্রু-অভিমুখী হতে

করিয়াছে হেথা আগমন ;

রণ-পরাভব-দুঃখ

এবে তুমি ত্যজহ রাজন্ ॥

দ্রুপ্যো ।—(অস্থয়া-সহকারে)—আচার্য্য-পুত্র !

অঙ্গরাজ হলে হত

তবে তুমি শত্রু রণে

করিবে ধারণ

—এই যদি ছিল মনে প্রতীক্ষা কর গো তুমি

আমারো মরণ ;

কেননা, অভিন্ন ক্ষেত্রা ;—দৌহা-মাঝে কেবা কর্ণ

কেবা দ্রুপ্যোধন ?

অশ্ব।—কি? এখনও সেই কর্ণের পক্ষপাতী—আমাদের প্রতি
অবমাননা? রাজন্! কৌরবেশ্বর! আচ্ছা তাই হোক।
(প্রস্থান)

শ্বত।—বৎস! এ তোমার কিরূপ মোহ? এই সময়ে, কঠোর
বাক্য বলে' অশ্বখামার মত ব্যক্তির বিরাগ উৎপাদন কর্চ?
দুর্য্যো।—আমি কি এমন অপ্রিয় মিথ্যা বলেছি যাতে ও ক্রুদ্ধ হতে
পারে? দেখুন:—

ধনুর্ধারী ক্ষত্র-মাক্ষে
ছিল যার মহিমা অক্ষত,
তোমাদের ভাগ্য-দোষে
এবে যে গো সমরে নিহত
—সেই অঙ্গরাজ-নিন্দা
মিত্র-কাছে করিছে অশেষ
উহাতে অর্জুনে তবে
বল দেখি, আছে কি বিশেষ?

শ্বত।—অথবা বৎস! তোমারি বা এতে কি দোষ? এখন ভরত-
কুলের অন্তিম দশা উপস্থিত। দেখ, গান্ধারি! আমি অতি
হতভাগ্য—আমি এখন কি করি বল দেখি। (চিন্তা করিয়া)
আচ্ছা তবে এইরূপ করা যাক। দেখ সঞ্জয়, আমার নাম
করে' ভারদ্বাজ অশ্বখামাকে তুমি এই কথা বল:—

এই সুযোধন-সহ এক স্নেহে গান্ধারীর
শুভ্র তুমি করিয়াছ পান;

সেই সে শইশবের চঞ্চল অঙ্গের ধূলি
 বস্ত্র মোর করিয়াছে ম্লান ;
 অমুজ-নিধন-শোকে অতি-প্রণয়ের বশে
 যদি সে বলিয়া থাকে
 অপ্রিয় বচন ;
 —তোমার সমীপে বৎস কাতর মিনতি মোর—
 ক্রোধ পুষ্টি' রেখো না গো
 মনে বহুক্ষণ ॥

সঞ্জ ।—যে আজ্ঞা তাত । (উত্থান)

ধৃত ।—আর যদি এ কথা গ্রাহ্য না করে, তাহলে এইরূপ বল্বে:—
 অবধা কথায় ভুলি' তোমার অমন পিতা
 করিয়া গো শস্ত্র বিসর্জন
 মহিলা যে সেইরূপ ঘোরতর অপমান
 তাহা এবে তুমি বৎস করিয়া স্মরণ
 সেই দুর্ব্যোধান-উক্তি মন হতে করি' দূর
 বল-বীৰ্য্য আত্মা-মাঝে কর আনয়ন ॥

সঞ্জ ।—যে আজ্ঞে তাত । (প্রস্থান)

দুর্ব্যো ।—সারথি ! আমার যুদ্ধের রথ সজ্জিত কর ।

সারথি ।—যে আজ্ঞা মহারাজ । (প্রস্থান)

ধৃত ।—গান্ধারি ! এখান থেকে এসো আমরা এখন মদ্র-রাজ
 শল্যের শিবিরে যাই । বৎস ! তুমিও সেখানে চল ।

(সকলের প্রস্থান)

ইতি পঞ্চম অঙ্ক ।

ষষ্ঠ অঙ্ক ।

যুধিষ্ঠির ও দ্রৌপদী আসীন ।

দাসী ও কঞ্চুকী দণ্ডায়মান ।

যুধি ।—(সচিন্ত ভাবে নিঃশ্বাস ফেলিয়া) ওঃ ! কি কষ্ট, কি কষ্ট !

ভীষ্ম-রূপ মহার্ণব

—আসিয়াছি মোরা তার পারে ;

দ্রোণানল নিক্ষেপিত

হইল গো যে-কোন-প্রকারে ;

কর্ণ আশীবিষ-সর্প

—হয়েছে সে বিগত-পর্যাপ্ত ;

মদ্র-অধিপতি শল্য

—সেও তো গো গেছে স্বর্গ-ধাম ।

ভীম যে সাহস-প্রিয়, অন্ন যার আছে বাকি

সাধিতে বিজয়,

—প্রতিজ্ঞা-বচনে তার করিয়াছে মো-সবার

জীবন-সংশয় ॥

দ্রৌ ।—(সাশ্রু-লোচনে) মহারাজ ! তার চেয়ে বলি না কেন,
পাঞ্চালী হতেই এই জীবন-সংশয় ব্যাপার উপস্থিত হয়েছে ।

যুধি ।—কৃষ্ণ ! আমি তো—(কঞ্চুকীকে অবলোকন করিয়া) দেখ
বুধক !

কঞ্চু ।—আজ্ঞে মহারাজ !

যুধি ।—আমার নাম করে' সহদেবকে এই কথা বল :—জুহু বৃকো-

দ্বয়ের “আজি বধ করব” এইরূপ সদ্য-পাল্য প্রতিজ্ঞার কথা শুনে মামী কোরব-রাজ নিরুদ্দেশ হয়ে কোথায় লুকিয়ে আছেন। এখন তার পদ-চিহ্ন অনুসরণ করবার জন্ত, অতি নিপুণ-বুদ্ধি, বিভিন্ন স্থানের যথার্থাভিজ্ঞ, চর-সকল এবং যারা ঢাক বাজিয়ে ঘোষণা করতে পটু—যারা স্মৃণোদনের বিচরণ-স্থানের সন্ধান জানে—এইরূপ ভক্তিমান স্মৃণোদগণ সামন্ত-পঞ্চক প্রদেশের চারিদিকে গমন করুক। আর, তারা যদি কৃতকার্য হয়, তা হলে ধনাদি পারিতোষিক দেবে বলে’ তাদের নিকট অঙ্গীকার কোরো। তা ছাড়া :—

কিবা পক্ষে, কি সৈকতে— শুণ্ড-পথ-বেত্তা যারা

—যাক্ সেই কইবর্তগণ ;

লতা-ঢাকা কুঞ্জ-বন চেনে যারা—সেই সব

গোপালেরা করুক গমন ;

শত্রু-মিত্র-পদ-বেত্তা রক্ষাভিজ্ঞ ব্যাধ যত

ব্যাধ-বনে করুক ভ্রমণ ;

প্রতি মুনি-গৃহে যাক্ চর-সব—যাহাদের

আছে সিদ্ধ-পুরুষ-লক্ষণ ॥

কণ্ঠ ।—যে আঞ্জে মহারাজ ।

যুধি ।—আরও এইরূপ সহদেবকে বলবে :—

সশঙ্ক হইয়া কেহ করিছে আলাপ কি না

—জানুক গোপনে ;

সুপ্ত বা রোগার্ভ কিম্বা সুরামন্ত—তাহাদের

যাক্ অন্বেষণে ।

মৃগদের ত্রাস যেথা,

আর যেথা বিহঙ্গ নীরব,

নৃপ-পদ-চিহ্ন যেথা

—সেই বনে যাক্ তারা সব ॥

কঞ্চু।—যে আঙ্ঠে মহারাজ। (প্রস্থান করিয়া পুনঃ প্রবেশ করত
সহর্ষে) মহারাজ! পাঞ্চালক এসেছে।

যুধি।—শীঘ্র তাকে নিয়ে এসো।

কঞ্চু।—(প্রস্থান করিয়া পাঞ্চালকের সহিত পুনঃ প্রবেশ) ঐখানে
মহারাজ; পাঞ্চালক তুমি এগিয়ে যাও।

পাঞ্চা।—জয় মহারাজের জয়! মহারাজ ও দেবীকে একটি
সুসংবাদ দি।

যুধি।—বাপু পাঞ্চালক! সেই ছুরাঝা কোরবাধমের কি কোন
পদ-চিহ্ন পাওয়া গেছে?

পাঞ্চা।—মহারাজ! শুধু পদ-চিহ্ন নয়, দেবীর কেশাকর্ষণ-পাণের
প্রধান হেতু—স্বয়ং সেই ছুরাঝাকেই পাওয়া গেছে।

যুধি।—(সহর্ষে পাঞ্চালককে আলিঙ্গন করিয়া) বাপু! তুমি
উত্তম কাজ করেছ—এ সুসংবাদ বটে। তাকে কি দেখতে
পাওয়া গেছে?

পাঞ্চা।—মহারাজ! শুধু দেখতে পাওয়া গেছে তা নয়, সমর-
ক্ষেত্রে দেখতে পাওয়া গেছে।

দ্রৌপদী।—(সভয়ে) কি?—আমার নাথ সমর-ক্ষেত্রে?

যুধি।—(সভয়ে) সত্য, ভায়া আমার রণ-ক্ষেত্রে?

পাঞ্চা।—আজ্ঞে হাঁ সত্য। মহারাজের কাছে কি মিথ্যা বলতে
পারি?

যুধি ।— ভীম মহাপরাক্রান্ত জানি আমি, তবু চিত্ত

ভয়-বশে বিবেক-মহুয় ।

উত্তোলিত-গদা সেই বৃকোদর-ভূজ-বীৰ্য্য

জানি তবু শঙ্কিত অন্তর ॥

(জ্যোপদীকে অবলোকন করিয়া, ও তাঁহার মুখের অশ্রুজল
মুছাইয়া) . অয়ি স্নানকরিয়ে !

শুরজ্ঞন, বন্ধুজ্ঞন

—সহস্র নৃপের সন্নিধান,

সভামাঝে আমাদের

হয়েছিল যেই অপমান

তার প্রতিকার প্রিয়ে

করিব গো হয় প্রাণ দিয়া,

নয় সেই পশু-তুলা

দুর্য্যোধনে সমরে বধিয়া ॥

না, তাতে আর কোন সন্দেহই নেই ।

যাহার আদেশ মতে হঃশাসন করে তব

কেশ আকর্ষণ

—নিশ্চয় তাহারে ভীম বধি' আজি করিবে গো

প্রতিজ্ঞা পালন ।

কেশুও তব বাঁধা হবে বধ হবে যখন সে

পাপ দুর্য্যোধন ॥

পাঞ্চালক ! বল বল, সে দুরাত্মাকে কোথায় পাওয়া গেল ?
এখন সে কোন্ কাজেই বা প্রবৃত্ত ?

দ্রৌ ।—বল বাছা বল ।

পাঞ্চ ।—মহারাজ ! দেবি ! আপনারা তবে শুনুন । মহারাজ যখন মদ্র-রাজ শল্যকে বধ করলেন, গান্ধার-রাজের পতঙ্গকুল যখন সহদেবের অনলে প্রবিষ্ট হল, সেনাপতি-নিধনে নিরানন্দ হয়ে যখন বীরগণ রণভূমি ছেড়ে চলে যেতে লাগল ; ষ্টম্ভাস্র ও আপনার অধিষ্ঠিত সৈন্তের ঘোর আক্রমণে শত্রু-সৈন্য পরাজিত হয়ে, যুদ্ধে পরাভূত হয়ে, যখন উর্দ্ধ্বাসে পলায়ন করতে লাগল ; রূপ কৃতবর্মা অশ্বখামা যখন বিনষ্ট হল, আর যখন কুমার বৃকোদরের সেই অশ্ব-পাল্য প্রতিজ্ঞা দুর্ঘোষন শ্রবণ করলে, তখন সেই ছুরায়া কৌরবধম যে কোথায় গিয়ে লুকালো তা কেউ জানতে পারলে না ।

যুধি ।—তার পর ?

দ্রৌ ।—বল তার পর কি হল ।

পাঞ্চ ।—মহারাজ ! দেবি ! অবধান করুন । তার পর, ভগবান বাসুদেবের অধিষ্ঠিত এক রথে আরুঢ় হয়ে ভীমার্জুন কুমারদ্বয়, আর আমরা সবাই, সমস্ত “সামন্তপঞ্চক”-ময় খুঁজে বেড়াতে লাগলেম, কিন্তু কোথাও সেই অনার্য্যকে পাওয়া গেল না । তার পর, আমাদের ছায় ভূত্যবর্গ দৈবের আচরণে খেদ প্রকাশ করচি, কুমার অর্জুন উষ্ণ দীর্ঘ নিঃশ্বাস পরিত্যাগ করচেন, বৃকোদর বর্ষা-নিশা-সঞ্চারিত বিদ্যুচ্ছটার ছায় পিঙ্গল কটাক্ষে নিজ গদাকে উদ্বীপ্ত করচেন, ভগবান নারায়ণ অবশিষ্ট স্বল্পকার্য্যের অসমাপ্তির দরুণ বিধাতাকে তিরস্কার করচেন, এমন সময়ে একজন সংবাদ-দাতা, কুমার ভীমসেনের নিকট এসে উপস্থিত হল । সে সত্ত্ব একটা মৃগ বধ করায় সেই রক্ত তার চরণে

তখনও সংলগ্ন ; সেই মাংসরাশি ত্যাগ করে' সে যেন তথনি আস্চে ; তার পর, অর্দ্ধশ্রুত-বর্ণে—ভাবার্ধ কেবল অনুমান করা যায় মাত্র এইরূপ অস্পষ্ট ভাষায়—কুমারের নিকট হাঁপাতে হাঁপাতে এসে এইরূপ বলতে লাগল :—মহারাজকুমার ! এই বৃহৎ সরোবরের তীরে, দুইটি পদের অনুরূপ পদ-পংক্তি দেখা গেছে—তার মধ্যে একটি যেন স্থল পার হয়ে এসেচে—আর একটি যেন তা নয় । “কুমারের যথা আদেশ”—এই কথা বলে' আমরা সবাই ব্যস্ত-সমস্ত হয়ে তাঁর পিছনে পিছনে যাত্রা কর-লেম। আর ভগবান বাসুদেব সেই সরোবর-তীরে এসে হুর্ঘ্যোধনের পদ-চিহ্ন চিন্তে পেরে বল্লেন :—“দেখ বৃকোদর, স্নুঘোধনের সলিল-স্তুভনী বিছা জানা আছে, নিশ্চয় সে তোমার ভয়ে এই সরসীর মধ্যে গুয়ে আছে।” কৃষ্ণের এই কথা শুনে, সলিলচারী সৈন্তগণ সরোবরের চারিদিকে ভ্রমণ করে' সরোবরের জল আলোড়িত করতে লাগল, ভয়ে-কুস্তীরেরা জল থেকে উঠে পড়ল ; কুমার বৃকোদর তখন ভৈরব গর্জনে বলতে লাগলেন :—ওরে রে বৃথা-প্রখ্যাত অলীক-পৌরুষাভিমানি পঞ্চাল-রাজ-তনয়া-কেশাকর্ষক মহাপাতকি ধৃতরাষ্ট্র-পুত্রাধম !

শুদ্ধ চন্দ্র-কূলে জন্ম— এই পরিচয় দিয়া
 এখনো কি গদা তুমি করিছ ধারণ ?
 দুঃশাসন-রক্ত-পানে যে অরি প্রমত্ত এবে
 তার সনে করিবে কি তুমি সম্ভাষণ ?
 দর্প-মদে অন্ধ হয়ে মধুকৈট-দৈত্য সম
 হরি সনে হয়েছিলে প্রবৃত্ত সমরে ;

মোর ভয়ে নরাধম ! ত্যজিয়া সমর-ভূমি

এবে লুকায়েছ আসি' পঙ্কের ভিতরে ?

তা ছাড়া—রে মানান্ন কৌরবাধম !

কুরু-অস্ত্র-পুর-নারী মোর বলে হত-পতি

—করে এবে কেশ উন্মোচন ।

পাঞ্চালীর প্রজ্জ্বলিত ক্রোধ-বহ্নি এবে তাই

হইয়াছে প্রায় উপশম ।

তাই তব দুঃশাসন —হৃদয়-নিঃসৃত তার

তপত শোণিত আমি করিহু যে পান,

দেখিয়াও তাহা চক্ষে, কি করিলে ভীম-প্রতি ?

—অসময়ে অস্ত্র কেন তব অভিমান ?

ক্রৌ।—নাথ ! আবার যদি তোমার দর্শন পাই তবেই আমার
কোপের শাস্তি হবে ।

যুধি।—দেখ কৃষ্ণা, এ সময়ে অমঙ্গলের কথা বলা উচিত নয়। বাপু !
তার পর, তার পর ?

পাঞ্চা।—মহারাজ ! এইরূপ বলে' ভীষণ ক্রোধে প্রজ্জ্বলিত উদ্যত-
গদা-পাণি বৃকোদর ভীষণ বেগে গদা ঘোরাতে ঘোরাতে, সমস্ত
সেই বৃহৎ সরোবরের জল আণোড়িত করতে লাগলেন ; সরো-
বরের জল তীর ছাপিয়ে উঠল, সমস্ত কমল-বন উৎসন্ন,
জলজন্তুরা মূচ্ছিত, সমস্ত বিহঙ্গকুল উদ্ভ্রান্ত হল ।

যুধি।—বাপু ! তবুও সে জল থেকে উঠল না ?

পাঞ্চা।—মহারাজ ! আর না উঠে থাকতে পারে ?

সরোবর-তল-দেশ সর্বোৎসাহে সাজি'
করিল উত্থান

—কোপ-হতাশন হতে উর্দ্ধদিকে প্রধাবিত

ক্ষুলিত সমান।

ক্ষিপ্ত ভীম-বাহু রূপ

মন্দরে হইয়া স্তম্ভিত

ক্ষীরামুখি হতে যেন

কাল কুট হল সমুখিত ॥

যুধি।—সাধু স্তম্ভিত্রিয় সাধু!

দ্রৌ।—যুদ্ধ হল কি হল না?

পাঞ্চ।—এই জলাশয় হতে উত্থান করে’, তোরণাকারে দুই হস্তে গদা উত্তোলন করে’ হর্ষোদধন এই কথা বল্লে :—“ওগো পবন-পুত্র! তুমি কি মনে করচ হর্ষোদধন তোমার ভয়ে লুকিয়ে আছে? মৃত! পাণ্ডুপুত্রদের বধ করতে না পেরে লজ্জিত হয়ে প্রকাশ্যেই পাতালে বিশ্রাম করতে আমি উত্তত হয়েছিলাম। আর, বাসুদেব ও অর্জুন দুজনেই পূর্বে বলেছিলেন, “ভীম হর্ষোদধনের যুদ্ধ জলের অভ্যন্তরে নিষিদ্ধ।” তার পর, কোঁরব-রাজ ভূতলে গদা নিক্ষেপ করে’ বসে পড়লেন। আর, যেখানে শত-গজ-বাজি নিহত, গৃধ্র-কঙ্ক-জম্বু-ভক্ষিত শত শত মৃতদেহ নিপতিত, যেখানে আমাদের সৈন্তের সিংহনাদ-বিমিশ্র তূর্য্য-ধ্বনি সমুখিত, আর সমস্ত হর্ষোদধনের সৈন্ত বিনষ্ট—সেই বন্ধু-শত্রু, বান্ধব-শত্রু কুরু-ক্ষেত্র অবলোকন করে’ হর্ষোদধন উষ্ণ দীর্ঘনিঃশ্বাস পরিত্যাগ করতে লাগলেন। তার পর, বৃকোদর তাঁকে বল্লেন :—“ওগো কোঁরব-রাজ! বন্ধুজনের বধে কষ্ট হয়ে আর কি হবে?—এখন ছুঃখ করাও বৃথা।” আমরা পাণ্ডবেরা এসেছি। তবু দেখ আমি এখন অসহায়। তা ছাড়া :—

এ পঞ্চ পাণ্ডব-মাঝে তুমি ধারে
 স্নেহোৎসব লিয়া ভাবো মনের মাঝারে
 —শত্রু ধরি', বন্দীকৃত হয়ে, তারি সনে
 —যথা অভিরুচি তব—মাতো এবে রণে ॥

এই কথা শুনে কৌরব-রাজ ঈর্ষা অশ্রুপাত করে' সজল নেত্রে
 কুমারের প্রতি দৃষ্টি নিক্ষেপ করে' এই কথা বলেন :—

হত কর্ণ-হুঃশাসন —মোর কাছে তোমরা তো
 সবাই সমান এবে—এ বেশ জানিও ;
 —হলেও অপ্রিয় মোর— যুদ্ধ-প্রিয় তুমি, তাই
 তব সনে যুদ্ধ করা মোর অতি প্রিয় ॥

তার পর, ভীম দুর্যোধন ছজনেই গাত্রোথান করে', কোপে
 প্রজ্জ্বলিত হয়ে, পরস্পরের প্রতি পরস্পর-তিরস্কার-বাক্য প্রয়োগ করতে
 লাগলেন ; আর বিচিত্র-বিভ্রমে গদা বিঘূর্ণিত করে', মণ্ডলাকারে
 সমর-ক্ষেত্রে বিচরণ করতে লাগলেন । এই সময়ে, ভগবান চক্রপাণি
 মহারাজের নিকট আমাকে প্রেরণ করলেন । আর, মহারাজ !
 কৃষ্ণ আমাকে এই কথা বলেন :—“ভীমের প্রতিজ্ঞা পূর্ণ না হওয়ায়,
 আর কৌরবরাজও নিরুদ্দেশ হওয়ায়, আমরা অত্যন্ত হতাশ হয়ে
 পড়েছিলাম । সম্প্রতি আবার ভীমসেনের সহিত দুর্যোধনের
 সাক্ষাৎ হয়েছে, এইবার তুমি জেনো ভুবন নিক্ষেপক হবে । এখন
 তোমরা দৌভাগ্যোচিত মঙ্গল-অমুষ্ঠানে প্রবৃত্ত হও । আর কোন
 সন্দেহ নাই ।

সলিলে করহ পূর্ণ রতন-কলস-চয়
 —হবে রাজ্য-অভিষেক তব ।

ষট্টিদিন হতে কৃষ্ণা বন্ধন করেনি কেশ

—হোক কেশ-বন্ধন-উৎসব ।

কুঠার-প্রদীপ্তকর যেই রাম করিলেন

ক্ষত্র-দ্রুম-ক্ষয়,

আর, এই ভীম—এঁরা ক্রোধাক্ত হইয়া রণে

হইলে উদয়

বিজয়-সাধন-পক্ষে পারে কি থাকিতে কভু

একটু সংশয় ?”

জ্যো ।—(সাক্ষ্যলোচনে) দেব ত্রিভুবন-নাথ যা আজ্ঞা করচেন তার
কি কখন অত্রথা হতে পারে ?

পাঞ্চালক ।—এ কেবল আশীর্বাদ নয়, মধুসূদনের এ আদেশ ।

যুধি ।—ভগবানের আদেশে কি কারও সংশয় হতে পারে ? কে
আছে এখানে ?

কঞ্চু কীর প্রবেশ ।

কঞ্চু ।—আজ্ঞে মহারাজ !

যুধি ।—ভগবান দেবকী-নন্দনের আদেশ শিরোধার্য্য করে’ ভায়া’র
বিজয়-মঙ্গল উদ্দেশে যথা-বিহিত অনুষ্ঠান আরম্ভ করা হোক ।

কঞ্চু ।—(সোৎসাহে পরিক্রমণ করিয়া) ও গো পুরোহিতাদি কৰ্ম্ম-
কর্ত্তাগণ! আর অন্তঃপুরচারী প্রধান দৌবারিকগণ!—তোমরা
শোনোঃ—যিনি ছুর্বহ প্রতিজ্ঞা-ভার বহন করচেন, যিনি
স্বযোধন-অনুজ-বিকম্পন প্রচণ্ড পবন, যিনি ছুঃশাসন-বিদলন
নর-সিংহ, সেই প্রভঞ্জন-গুত্র মহাবলী ভীমের প্রতি মেহ-
বশতঃ মহারাজ যুধিষ্ঠির মঙ্গলাচরণ করতে তোমাদের আদেশ

করচেন। (আকাশে) কি বল্চ ?—“চারিদিকেই মঙ্গল-অনুষ্ঠানের বিপুল আয়োজন হচ্ছে দেখতে পাচ্চনা কি ?”—এই কথা বল্চ ?—আচ্ছা, কেশ বাছারা বেশ। অনাদিষ্ট হয়েও যারা প্রভুর হিতকার্য্য করে, তারাই যথার্থ স্বামি-ভক্ত।

যুধি।—দেখ জয়ধ্বজ !

কঞ্চু।—আজ্ঞে মহারাজ !

যুধি।—তুমি যাও, সুসংবাদ-দাতা পাঞ্চালককে পারিতোষিক দিয়ে পরিতুষ্ট কর।

কঞ্চু।—যে আজ্ঞে মহারাজ ! (পাঞ্চালকের সহিত প্রস্থান)

দ্রৌ।—মহারাজ ! কেন আবার নাথ সেই ছুরাত্মকে বল্লেন :—

“আমাদের পাঁচ জনের মধ্যে যার সঙ্গে ইচ্ছা হয় যুদ্ধ কর”—এই মাদ্রী-পুত্রদ্বয়ের মধ্যে যদি একজনের সহিত সে যুদ্ধ প্রার্থনা করে, তা হলে যে সমূহ বিপদ উপস্থিত হবে।

যুধি।—এখন সুহৃদ বন্ধু, বীর অনুজ, রূপ, কৃতবন্ধ্যা অশ্বখামা প্রভৃতি রাজকুলবর্গ সমস্তই নিহত। একাদশ অকোহিণীর মধ্যে যে বান্ধব-হীন, যার কেবল শরীর মাত্র বিভব এখন অবশিষ্ট, যে কখন আত্মাভিমান ত্যাগ করে নি, সেই হুর্যোধন এখন মনে করচে—
“শত্রু ত্যাগ করি, কি তপোবনে যাই, কি পিতার মুখ দিয়ে সন্ধির প্রস্তাব করি।” এইরূপ যখন হুর্যোধনের অবস্থা, তখন সর্ব-রিপু-জয়ের প্রতিজ্ঞাতার হতে যে অনায়াসে মুক্ত হওয়া যাবে তাতে আর আশ্চর্য্য কি। তা ছাড়া, সুবোধন আমাদের পাঁচজনের মধ্যে একজনেরও সঙ্গে যুদ্ধে পারবে না। আর আমার মনে হয়, বৃকোদরের সঙ্গেই সে গদা-যুদ্ধে প্রবৃত্ত হবে। অগ্নি সূক্ষত্রিয়ে ! দেখ :—

মতা, নাহি আর কেহ ক্রোধোত্ত-গদা সেই

ভীমের সমান ;

আবার, সে হুৰ্য্যোধনও সিদ্ধ-হস্ত রণে, যথা

দেব বলরাম ।

যে ভীম, হুৰ্য্যোধন-নলিনীর হস্তী

—সেই মম অনুজের রণে হোক স্বস্তি !

আর দেখ কৃষ্ণা ও গো ! হেন লয় মনে

তারি সাথে যুদ্ধ হবে—নহে অন্ত-মনে ॥

(নেপথ্যে)

ওগো ! আমি বড়ই তুষিত হয়েছি, তোমরা কেউ আমাকে
জল ছায়া দিয়ে তৃপ্ত কর ।

যুধি ।—(শুনিয়া) ওরে ! কে আছে এখানে ?

কঞ্চুকীর প্রবেশ ।

কঞ্চু ।—আজ্ঞে মহারাজ !

যুধি ।—জান দিকি ব্যাপারটা কি ।

কঞ্চু ।—যে আজ্ঞে মহারাজ । (প্রস্থান করিয়া পুনঃপ্রবেশ)

মহারাজ ! একজন ক্ষুধিত অতিথি উপস্থিত ।

যুধি ।—তাকে শীঘ্র নিয়ে এসো ।

(যুনি-বেশ-ধারী চার্বাক নামক রাক্ষসের প্রবেশ)

রাক্ষ ।—(স্বগত) আমি সুযোধনের মিত্র, পাণ্ডবদের বধনা করবার

জগৎ ভ্রমণ করে' বেড়াচ্ছি। (প্রকাশ্যে) ওগো! আমি অত্যন্ত
তৃপ্ত, জলছায়া দানে আমাকে কেউ তৃপ্ত কর।

(রাজার নিকট আগমন)

সকলে।—(উত্থান)

যুধি।—যুনিবর! অভিবাদন করি।

রাক্ষ।—শিষ্টাচারের এ সময় নয়, জলদানে আমাকে তৃপ্ত কর।

যুধি।—যুনি! এই আসনে উপবেশন করুন।

রাক্ষ।—(উপবেশন করিয়া) না না—তুমিও আসন গ্রহণ কর।

যুধি।—ওরে! কে আছে এখানে?

(ভৃঙ্গার লইয়া কঞ্চুকীর প্রবেশ)

কঞ্চু।—(নিকটে আসিয়া) মহারাজ! স্নানীতল সুরভি জলে এই
ভৃঙ্গার পূর্ণ—আর এই পান-পাত্র।

যুধি।—যুনি! পিপাসা শাস্তি করুন।

রাক্ষ।—(পাদ প্রক্ষালন ও জল-স্পর্শ করিয়া) ও গো! তুমি
যথার্থ ক্ষত্রিয় বটে।

যুধি।—ঠিক বলেছেন—আমি ক্ষত্রিয়ই বটে।

রাক্ষ।—সংগ্রামে প্রতিদিনই তো তোমার আত্মীয় বন্ধুজনের নাশ
হচ্ছে, কাজেই জলাদি তোমার অদেয় নয়। ভাল, এই ছায়ায়
বসে' সরস্বতী-নদীর তরঙ্গ-স্পর্শী স্নানীতল বায়ু সেবন করে'
শাস্তি দূর করা যাক।

জৌ।—বুদ্ধিমত্তিকে! মহর্ষিকে তাল-পাখায় বাতাস কর।

রাক্ষ।—ও গো! আমার প্রতি এ শিষ্টাচার অনুচিত।

যুধি।—যুনি! সে কি কথা?—আপনি বড় শ্রান্ত হয়েছেন।

রাক্ষ ।—দেখ, আমি মুনিজন-স্বলভ কোতুহল-বশে সেই মহামাত্ত
মহা ক্ষত্রিয়দের দ্বন্দ্ব-যুদ্ধ দেখবার জন্ত সমস্ত-পঞ্চক-প্রদেশময়
পর্যটন করে' বেড়াচ্ছিলেম। আজ শরৎকালের প্রথর উত্তাপে
অর্জুন-স্বযোধনের অসমাপ্ত গদা-যুদ্ধ অবলোকন করে' এই
মাত্র আস্টি ।

কঞ্চ ।—মুনি ! এ যুদ্ধ ভীম-দুর্যোধনের যুদ্ধ কি না বল দিকি ।

রাক্ষ ।—আঃ ! আমি যেন কোন বৃত্তান্তই জানি নে এক্রপ ভাবে
আমাকে জিজ্ঞাসা করচ কেন ?

যুধি ।—মহর্ষি ! বলুন, বলুন ।

রাক্ষ ।—একটু বিশ্রাম করে' আপনাকে সমস্তই বলব, কিন্তু এই
যুদ্ধকে নয় ।

যুধি ।—অর্জুন স্বযোধনে কি হল, বলুন ।

রাক্ষ ।—পূর্বেই তো বলেছি, অর্জুন স্বযোধনের মধ্যে গদাযুদ্ধ
আরম্ভ হল ।

যুধি ।—ভীম স্বযোধনের মধ্যে নয় ?

রাক্ষ ।—সে তো পূর্বেই হয়ে গেছে ।

(যুধিষ্ঠির ও দ্রৌপদী মূর্ছিত)

কঞ্চ ।—(জল সিঞ্চন) মহারাজ ! দেবি ! শান্ত হোন, শান্ত হোন !
(উভয়ের সংজ্ঞা লাভ)

যুধি ।—আপনি কি বলেন মুনি ?—ভীম-স্বযোধনের মধ্যে যুদ্ধ
হয়ে গেছে ?

দ্রৌ ।—মহর্ষি ! বলুন সে যুদ্ধ কি হল ।

রাক্ষ ।—কঞ্চিকি ! এঁরা ছজন কে ?

কঞ্চু।—ব্রাহ্মণ! ইনি মহারাজ যুধিষ্ঠির, আর ইনি পাঞ্চাল-রাজ-
দুহিতা ।

রাক্ষ।—“আঃ! নৃশংস আমাকে নির্দয়রূপে আক্রমণ করেছে”
এই কথা—

দ্রৌ।—হা নাথ! ভীম! (মূর্ছিত)

কঞ্চু।—তিনি কি বল্লেন, কি বল্লেন?

দাসী।—দেবি! শান্ত হোন, শান্ত হোন!

যুধি।—(শাশ্রু লোচনে)

মুনি! তব এই বাক্যে, সন্দিগ্ধ হইয়া কষ্ট
পায় যুধিষ্ঠির ।

নিশ্চয় নিহত বৎস —জানিলেও হই সুখী
—হয় মন স্থির ॥

রাক্ষ।—(সানন্দে স্বগত) আমার চেষ্টাই তো এই । (প্রকাশে)
যদি নিতান্তই বলতে হয়, তবে সংক্ষেপে বল্চি শোনো । বন্ধু-
জনের বিপদের কথা সবিস্তারে বলা উচিত নয় ।

যুধি।—(অশ্রু মুছিয়া)

সর্বথা বল গো বিপ্র —সংক্ষেপে বিস্তারে হোক—
তার বিবরণ ।

কি ঘটিল অনুজের গুণিতে উৎস্রক অতি
আমি যে এখন ॥

রাক্ষ।—তবে বলি শোনোঃ—

সেই দুর্যোধন ভীমে আশ্রয় হইল যুদ্ধ,
গুরু-গদা হতে শব্দ উঠিল সঘনে—

দ্রৌ ।—(সহসা উঠিয়া) তার পর—তার পর ?

রাক্ষ ।—(স্বগত) এরা সংজ্ঞালাভ করেছে—আবার কি এদের
সংজ্ঞা অপনীত করব ? (প্রকাশে)

হেনকালে হলধর সত্বর আসিলা সেথা,

বহুক্ষণ হ'ল যুদ্ধ তাঁহার সামনে ;

*তাঁর প্রিয় শিষ্য বলি' করিলেন বলরাম

গোপনে সঙ্কেত দুর্যোধনে ;

সেই সে সঙ্কেত বুঝি' দ্রুশাসন-প্রতিশোধ

দুর্যোধন লইলেন রণে ॥

যুধি ।—হা ! ভাই বৃকোদর ! (মূচ্ছিত)

দ্রৌ ।—হা নাথ ভীমসেন ! আমার অপমানের প্রতিকারে তুমি
জীবন বিসর্জন করলে ? জটাসুর, বক, হিড়িম্ব, কিষ্কিন্দ্র,
কীচক, জরাসন্ধ প্রভৃতির নিহন্তা যে তুমি—গঙ্গার স্তবর্ণ-পদ্ম
উপহার দিয়ে আমাকে যে কত তুষ্ট করতে—হা চাটুকার !
তুমি কোথায় ?—উত্তর দেও । (মূচ্ছিত)

কঞ্চু ।—(সাক্ষ-লোচনে) হা কুমার ভীমসেন !—ধার্ত্তরাষ্ট্র-কুল-
কমলিনী-প্রলয়-বর্ষা ! (ভয়-ব্যাকুল হইয়া) মহারাজ ! আশ্বস্ত
হোন্ ! আশ্বস্ত হোন্ ! বাছা ! দেবীকে তুমি সাস্ত্বনা কর ।
মহর্ষি ! আপনিও মহারাজকে আশ্বস্ত করুন ।

রাক্ষ ।—(স্বগত) হাঁ, আমি ঠুঁকে প্রাণত্যাগ করবার পরামর্শ
দিয়ে এখনি আশ্বস্ত করচি । (প্রকাশে) ও গো ভীমাগ্রজ !
একটুখানি ধৈর্য্য ধর—এখনও কথা শেষ হয় নি ।

যুধি ।—(সংজ্ঞা লাভ করিয়া) * মহর্ষি ! এখনও কি কিছু বলতে
বাকি আছে ?

রাক্ষ ।—তার পর, সেই স্কন্ধত্রিয় নিহত হয়ে বীর-স্বলভ স্কন্ধগতি লাভ করলেন ; তাঁর তৃতীয় অনুজ ভ্রাতৃ-বধ-শোকে অজস্রধারে অশ্রু মোচন করতে লাগলেন ; আর, গাণ্ডীব ত্যাগ করে' নব-রক্তচ্ছটা-চর্চিত সেই গদা ভ্রাতৃ-হস্ত হতে নিয়ে, সন্ধীচ্ছু বাসু-দেবের নিবেদ-বাক্য অগ্রাহ্য করে', "এসো দেখি" "এসো দেখি" এইরূপ উপহাস-সহকারে বলতে লাগলেন । আর, সেই গদা ঘোরাতে ঘোরাতে অর্জুন, গাণ্ডীব বাক্যে কোরব-রাজকে আহ্বান করায় কোরব-রাজও যুদ্ধে প্রবৃত্ত হলেন । হৃলধর বুদ্ধি-লেন, তাঁর কৃতী শিষ্য দুর্ঘোষধনেরই নিশ্চয় জয় হবে ; তাই, অর্জুন-পক্ষপাতী দৈবকী-নন্দন এই অবস্থা দেখে, অর্জুনকে অতিথ্যে রখে উঠিয়ে নিয়ে দ্বারকায় চলে গেলেন ।

যুধি ।—মাধু ! অর্জুন সাধু ! তুমি যে তৎক্ষণাৎ গাণ্ডীব পরিত্যাগ করে' বৃকোদরের স্থান অধিকার করেছিলে—সে বড় ভাল কাজ হয়েছিল । এখন আমি, কি উপায়ে প্রাণত্যাগ করতে পারি তারি চেষ্টা দেখি ।

দ্রৌ ।—দেখ নাথ ! তুমি ভ্রাতৃবৎসল ! তোমার ভ্রাতা অর্জুন গদাযুদ্ধে অশিক্ষিত, তাকে শত্রুমুখে পতিত দেখে এ সময়ে তোমার উপেক্ষা করা উচিত নয় ।

রাক্ষ ।—তার পর আমি—

যুধি ।—থাক্‌ মনি ! এর পর শুনে আর কি হবে ? হা তাই ভীমসেন ! জতুগৃহ-সমুদ্র-তরণ-পাত ! কিস্কীর-হিড়িম্ব-অসুর-জরাসন্ধ-বিজয়ী মল্ল ! কীচক-সুযোধন-অনুজ-কমলিনী-কুঞ্জর ! হা দ্যুত-পঞ্চানু-রাগী ! আমার শরীরের খেদ-শঙ্কা-নাশন ! তাই ! তুমি যে আমার একান্ত কথার বাধ্য ছিলে—হা কোরব-বন-দাবানল !

দ্যুত-বাসনী যে আমি নিঃশব্দ অতি
—লক্ষ মন্ত হস্তি-সম তোমার শক্তি—
তবুও দাসত্ব মোর করিলে স্বীকার
ভক্তি-ভরে সহি' কত দুখ-কষ্ট-ভার ।
আর বেশি কি অনিষ্ট করেছি গো আজি
যা-নাগি সহসা ভাই গেলে মোরে ত্যজি'
অনাথ অবজ্ঞ করি' ফেলিয়া হেথায়,
বঞ্চিত করিয়া তব স্নেহ-সমতায় ?

জ্যো।—(উঠিয়া) মহারাজ ! সত্যই কি তাঁর এইরূপ ঘটেচে ?

যুধি।—কৃষ্ণে ! সত্য নয় তো আর কি ।

কীটকে বধিল যে গো, বক-হিড়িম্ব-কিন্মী
রক্ষোগণে করিলনিধন ;
মদারু দ্বিরদ সেই জরাসন্ধ দেহ-যে গো
বজ্রসম করে বিদারণ ;
যার সেই ভুজ-যুগে
শোভে গদা পরিঘের মত,
তব প্রিয়, মমাত্মজ,
পার্থ-জ্যেষ্ঠ—সেই ভীম গত ॥

জ্যো।—(আকাশে দৃষ্টিপাত করিয়া) নাথ ! ভীমসেন ! তুমিই
আমার চুল বেঁধে দেবে বলেছিলে; দেখ, ক্ষত্রিয়-বীরের প্রতিজ্ঞা
ভঙ্গ করা উচিত নয়। আচ্ছা, তুমি তবে আমার প্রতীক্ষা
রূর, আমি তোমার কাছে শীঘ্রই যাচ্ছি। (পুনর্বার মূচ্ছিত)
যুধি।—(আকাশে দৃষ্টিপাত করিয়া) জননী পৃথা ! তোমার পুত্রের
কিরূপ ব্যবহার শুনুলে তো ? আমাকে শোক-গ্রস্ত অনাথ

করে', একাকী ফেলে সে কোথায় দেখ চলে গেল। ভাই!
জরাসন্ধ-শত্রু! তোমার এই স্বল্পস্থায়ী জীবনের মধ্যে লোকে
তোমার কি বিপরীত ভাবই দেখলে। লোকের কথা কি
বল্‌চি—আমিই কত দেখ্‌লেম।

সুদূর নিখিল-ধরা তোমার বিজিত
আমাকে করিয়া দান হইলে লজ্জিত।
দ্যুতে আপনারে পণ করিলু যখন,
কুপিত না হয়ে প্রীত হইলে তখন।
পাচক হইয়া সেই মৎস্য-রাজ-ঘরে
ছিলে যে তখন তুমি—সেও মোর তরে।
যে চিলু সূচনা করে সহসা বিনাশ,
এই সব কার্যে দেখি তাহারি প্রকাশ ॥

মুনি! কোরব ও ভীমের কথা তখন কি বল্‌ছিলে? (মুনির
কথা গুলি আবৃত্তি)

রাক্ষ।—হাঁ, তাই বটে।

যুধি।—আমার ভাগ্যকে ধিক্! (আকাশে অবলোকন করিয়া)

ভগবন্ বলরাম! কৃষ্ণাগ্রজ!

জ্ঞাতি-প্রেম, ক্ষত্রধর্ম এ দুয়ের কিছুই না

করিলে গণনা;

তবানুজ বাসুদেব মমানুজ-চিরসখা

—তাও ভাবিলে না?

উভয়েই শিষ্য তব উচিত উভয়-প্রতি

তুল্য অনুরাগ;

হতভাগ্য আমি প্রতি সহস্রা বিমুখ হলে

—এ কি ভব ভাব ?

(দ্রৌপদীর নিকটে গিয়া) পাঞ্চালি ! ওঠো ওঠো—দেখ আমা-
দের উভয়েরই সমান হুঃখ । তুমি মুচ্ছিত হয়ে আবার কেন আমাকে
ব্যাকুল কর বল দিকি ?

দ্রৌ ।—(সংজ্ঞা লাভ করিয়া) নাথ ! ভীমসেন ! হুঃ শাসন আমার
যে চুল খুলে দিয়েচে, হৃষ্যোধনের রক্ত হাতে মেখে তুমি তা
আবার বেঁধে দেও । ওলো বুদ্ধিমতিকে ! তোর সম্মুখেই তো
নাথ ঐরূপ প্রতিজ্ঞা করেছিলেন । আর, “এইবার চুল-বাঁধা
আরম্ভ কর” এই কথা বাসুদেবও তো আজ্ঞা করেছিলেন ।
এখনি তবে ফুলের মালা এনে আমার চুল বেঁধে দেও, পুরুষো-
ত্তমের কথা রাখো; তিনি কখন অলীক কথা বলেন না । অথবা,
শোক-সন্তপ্ত হয়ে আমি এ কি কথা বল্চি ?—না, সে কিছু
নয়, আমি এখন সেই দূর-গত আৰ্য্যপুত্রের অনুগামী হই ।
মহারাজ ! আমার চিতা জালাও, তুমিও ক্ষাত্রধর্মের অনুবর্তী
হয়ে সেই জীবনহারী নাথের অভিমুখী হও ।

যুধি ।—পাঞ্চালী ঠিক কথা বলেচেন । দেখ কঞ্চকি ! আমিও চি তার
ভাগী হয়ে এই হতভাগিনীর হুঃখ উপশম করি । তুমি আমার ধনু
সজ্জিত করে’ নিয়ে এসো; কিন্তুনা—এখন ধনুতেই বা কি হবে?
ধনু করি’ বিসর্জন • যাই আমি রণ-মাবে

ভীম-অঙ্গ-রক্ত-মাথা

গদা হস্তে লয়ে ।

ব্রাহ্ম-অনুরাগ-বশে অর্জুন করিল যাহা

মোরো পক্ষে তাই শ্রেয়

—কি হবে বিজয়ে ?

রাক্ষ।—রাজন্! তোমার চিত্ত যদি রিপুজয়ে বিমুখ হয়ে থাকে,
তবে সেখানে গিয়ে আর কি হবে ? —যে-কোন স্থানে হোক
প্রাণত্যাগ করলেই তো হয়।

কঙ্ক।—(সরোবে) ধিক্! এ তো মূনি-সদৃশ কথা নয়, এ যে
তোমার রাক্ষসের মত কথা।

রাক্ষ।—(স্বগত) কি সর্বনাশ! আমাকে জানতে পেরেচে না
কি ? (প্রকাশে) ও গো কঙ্ক! দেখ, অর্জুন ও দ্রুপদ
এখন গদা-যুদ্ধে প্রবৃত্ত ; আর, দ্রুপদের ভুজ-বল গদাতেই।
রাজর্ষি এখন শোকাক্ত হয়েছেন, তাঁর আবার কোন অনিষ্ট
পাছে শুনতে হয় সেই ভয়ে ঐ কথা বলেছিলাম।

যুধি।—(অশ্রু মোচন করিয়া) সাধু মহর্ষি সাধু! তুমি বন্ধুর মতই
বলেচ।

কঙ্ক।—মহারাজ! আপনি যে দেব-ভুল্য, আপনি এখন সামান্য
লোকের মত ক্ষাত্র-ধর্ম ত্যাগ করতে উত্তত ?

যুধি।—দেখ জয়কর!

বাহ-দণ্ড যাহাদের

স্থূল দৃঢ় পরিঘ-সমান,

কুবের বরুণ ইন্দ্র

—ততোধিক যারা বীর্ষ্যবান,

সেই ভীমার্জুন-দ্বয়ে

দেখি' এবে ধরাশায়ী রণে

কৃতার্থ হইল রিপু

—ইহা আমি দেখিব কেমনে ?

পাঞ্চাল-রাজ-তনয়ে ! আমার জ্ঞানই তোমার এই শোচনীয় দশা ঘটল। যতক্ষণ না চিতাগ্নি প্রস্তুত হচ্ছে, ততক্ষণ এসো আমরা আত্মীয় বন্ধুদের নিকট গিয়ে বিদায় নি।

দ্রৌ।—দেখ কঙ্কুকি ! তুমি কাষ্ঠ সঞ্চিত করে রাখো। কি আশ্চর্য্য, মহারাজের কথা যে কেউই শুনতে না। হা নাথ ! তুমি না থাকায় মহারাজ এখন পরিজনদের নিকটেও অপমানিত হচ্ছেন।
রাক্ষ।—এইরূপ সহমরণ ভরত-কুল-বধুদেরই উপযুক্ত।

যুধি।—মহর্ষি ! আমাদের কথা তো কেহই শুনতে না। আপনি ইচ্ছন দিয়ে আমাদের অনুগৃহীত করুন।

রাক্ষ।—এ মুনিজনের বিরুদ্ধ কাজ। (স্বগত) আমার অভিপ্রায় সিদ্ধ হয়েছে। এখন অলক্ষিত হয়ে আমি নিকটেই কাষ্ঠ জালিয়ে দি। (প্রকাশে) রাজনু ! আমি এখানে আর থাকতে পারছি নে।
(প্রস্থান)

যুধি।—দেখ কৃষ্ণা ! কেহই আমাদের কথা শুনতে না। এসো আমরা নিজেই কাষ্ঠ সঞ্চয় করে' চিতা জ্বলাই।

দ্রৌ।—মহারাজ ! এখনি—এখনি।

(নেপথ্যে কোলাহল)

দ্রৌ।—(সভয়ে গুনিয়া) মহারাজ ! কার যেন তেজোবল-দর্পিত নির্য্যোষ শোনা যাচ্ছে ; আরও কোন অপ্রিয় সংবাদ বোধ হয় শুনতে হবে, তাই এত বিলম্ব হচ্ছে।

যুধি।—আর বিলম্ব নয়, ওঠো। (সকলের পরিক্রমণ) দেখ পাঞ্চালি ! পরিজনদের বারণ করে' দেও, তারা যেন মাতাকে ও সপত্নীদের এ কথা কিছু না বলে।

দ্রৌ।—মহারাজ ! মাতাকে এইরূপ শুধু বলে' পাঠাব, সেই বক-

হিড়িম্ব-কিন্মীর-জরাসন্ধ-জয়ী মহাবীরও আমার জন্ত হতাশ হইবে
পরলোকগত হইবেন।

যুধি।—ভদ্রে ! বুদ্ধিমতিকে ! আমাদের নাম করে' মাকে তুমি এই
কথা বলে' এসো :—

জননি !

সেই জতু গৃহ-দাহে তোমাতে যে উদ্ধারিল

ভুজবলে—পুত্রদের সনে

—সেই বলী প্রিয় পুত্র —তার অমঙ্গল কথা

তোমা কাছে বলিব কেমনে ?

আর, দেখ জয়ধ্বজ ! তুমি সহদেবেরও কাছে গিয়ে এই কথা
বলবে :—তুমি পাণ্ডুকুলের বৃহস্পতি, তোমার বৈমাত্রেয় ভাই, সকল
কুরুকুল-কমলাকরের যে বাড়বানল—সেই যুধিষ্ঠির এখন পরলোকে
প্রস্থান করতে উত্তত। তুমি আমার আজ্ঞাবহ প্রিয় অনুজ ; তুমি
কি বিপদে কি সম্পদে, সর্বদাই অমুগ্ধ-চিত্ত ধৈর্য্য-শালী ও আমার
আশ্রয়-স্থল ; তোমাকে আলিঙ্গন করে', তোমার শির আশ্রয়
করে' আমি এই প্রার্থনা করচি :—

বয়সে অধিক আমি,

জ্ঞানে তুমি আমার সমান।

সহজ দয়ায় জ্যেষ্ঠ,

বুদ্ধিতে তুমি-ই গরীয়ান।

কৃতজ্ঞলি হয়ে এবে

যাচি এই তব সন্নিধান :—

মোর মায়্য ত্যাগ করি'

পিতৃদেবে কোরো বারি দান॥

তাছাড়া, বাণ্যে যাকে আমি লালন-পালন করেচি, যার হৃদয় প্রসূর-তুল্য সারবান, সেই নিত্য-অভিমানী নকুলও যেন আমার আজ্ঞামত এইখানেই থাকে । আর তাই তুমিও যেন আমার পদানুসরণ না কর ।

বিমল-বিবেক-বশে আমারে ও ভীমার্জুনে
করি' বিন্মরণ

—আমরা হইলে গত— অশ্রু-মিশ্র জল-বিন্দু
করিবে অর্পণ ;

—যেথায় থাক না কেন, জ্ঞাতি-গৃহে, কান্তারে বা
যাদব-ভবনে—

—করি গো মিনতি এই—আপন শরীর-রক্ষা
করিবে যতনে ॥

দেখ, জয়কর ! আমাদের গা ছুঁয়ে শপথ কর, নকুল সহদেবকে এই কথা গিয়ে বলবে :—আমাদের মৃত্যুর পর তারা যেন আমাদের পদানুসরণ না করে ।

দ্রৌ ।—ওলো বুদ্ধিমতিকে ! আমার নাম করে' প্রিয়সখী স্তভদ্রাকে বলিস, বাছা উত্তরার গর্ভের চতুর্থ মাস উপস্থিত হলে, সেই গর্ভস্থ বংশধরকে যেন সে সাবধানে রক্ষা করে । পরলোকগত ঋগুরকুলের ও আমাদের তাহলে জলবিন্দু পাবার সম্ভাবনা থাকে ।

যুধি ।—(সাক্ষ-লোচনে) ওঃ ! কি কষ্ট !

শাখা-প্রশাখায় যার আচ্ছাদিত ভূমণ্ডল
—দিক্ বিভূষিত,

স্কন্ধ যার স্থল-কায়, আলবালে মহামূল

যাহার বেষ্টিত

—সেই সে মহান তরু দৈব-বশে হয়ে দগ্ধ

স্বস্থ্য অক্ষুর তাহে হইলে উদগম

—ছায়াখী আমরা যে গো— তাহাতেই আমাদের

আশা-বৃন্ত কোন মতে করি গো বন্ধন ॥

(কঞ্চুকীকে দেখিয়া) জয়ধ্বজ ! আমাদের গা ছুঁয়ে শপথ
করলে, তবুও যাচ্চ না ?

কঞ্চু।—(কাঁদিয়া) হা মহারাজ পাণ্ডু ! অজাতশত্রু, ভীমার্জুন
নকুল-সহদেব—তোমার এই পুত্রদের এ কি দারুণ পরিণাম !
হা দেবি কুন্তি ! ভোজরাজ-ভবন-পতাকা !

তব ভ্রাতৃপুত্র কৃষ্ণ,—তাঁরি জ্যেষ্ঠ, অর্জুনের

শ্রীলক—আচার্য্য বলরাম

মত্ত বা উন্মত্ত হয়ে, কুরু-পদ্ম-বন-দন্তী

ভীমের গো নাশিল পরাণ ।

সেই সঙ্গে একেবারে দগ্ধ হল তব সেই

তনয়-কানন

—যাহারা করিত সবে ধরণীরে সুশীতল

ছায়া বিতরণ ॥

(কাঁদিতে কাঁদিতে প্রস্থান)

যুধি।—জয়ধ্বজ ! জয়ধ্বজ !

কঞ্চুকীর প্রবেশ ।

কঞ্চু।—আজ্ঞে মহারাজ !

যুধি।—আর একটা কথা বলি শোনো । যদি সৌভাগ্যক্রমে

তোমাদের কখন আবার জয় হয়, তাহলে আমার নাম করে’
অর্জুনকে বলবে :—

হলধর হেতু বটে আমার স্নেহের সে
অনুজ-নিধনে ।

তবু সেই কৃষ্ণানুজ স্বাভাবিক সখা তব
জানিও গো মনে ।

তাই বলি, শোনো ভাই,
না করিও তাঁর পরে রাগ ;

যাও বনে, নিরদয়
ক্ষত্র-ধর্ম করি’ পরিত্যাগ ॥

কঞ্চু ।—যে আজ্ঞে মহারাজ । (প্রস্থান)

যুধি ।—(অগ্নি প্রজ্জ্বলিত দেখিয়া সহর্ষে) ঐ দেখ, শিখারূপ হস্ত
উত্তোলন করে’ অগ্নিদেব আমার মত দুঃখী জনকে আহ্বান
করেন—এইবার তবে ভগবান হতাশনকে ইন্দ্র-স্বরূপ
আপনাকে অর্পণ করি ।

দ্রৌ ।—ক্ষান্ত হও মহারাজ, তোমার ত্রায় আমারো সমান অন্ধত্বিম
প্রণয়, আমিই আগে যাব ।

যুধি ।—এসো, এক সঙ্গেই এই সৌভাগ্য ভোগ করা যাক্ ।

দাসী ।—হা ভগবান লোকপালগণ ! এই চন্দ্রবংশীয় রাজর্ষিকে
রক্ষা কর, রক্ষা কর । যিনি রাজস্বয় যজ্ঞে ও খাণ্ডব-বনে
অগ্নিদেবের তৃপ্তিসাধন করেচেন, যিনি অর্জুনের জ্যেষ্ঠ ভ্রাতা,
ইনি সেই স্নগৃহীত-নামা মহারাজ যুধিষ্ঠির । আর ইনি
পাঞ্চাল-রাজকুল-দেবতা, যজ্ঞবেদি-সমুদা দেবী যাজ্ঞসেনী ।
এঁরা দুজনেই, নির্দয় কালাগ্নি-মধ্যে আমাদের ইন্দ্র-রূপে

নিঃক্ষেপ করচেন। রক্ষা কর, রক্ষা কর। (তাঁহাদের উভ-
য়ের সম্মুখে পতিত হইয়া) মহারাজ ! দেবি ! আপনারা
করচেন কি ?

যুধি।—দেখ বুদ্ধিমতিকে ! দ্রৌপদী নাথ-হারা হয়ে, আর আমি
প্রিয় অনুজ-হারা হয়ে, আমরা যা করতে পারি তাই করছি।
ওঠো, জল নিয়ে এসো।

দাসী।—যে আজ্ঞে মহারাজ। (প্রস্থান করিয়া পুনঃপ্রবেশ) জয়
মহারাজের জয় !

যুধি।—পাঞ্চালি ! তুমি তবে এখন তোমার অমুরক্ত বৃকোদরের
ও প্রিয় অর্জুনের উদক-ক্রিয়ার অনুষ্ঠান কর।

দৌ।—মহারাজ, তুমি কর—আমি ততক্ষণ অগ্নি-মধ্যে প্রবেশ
করি।

যুধি।—দেখ, লোকাচার অনতিক্রমণীয় ; আচ্ছা বাছা, জল নিয়ে
এসো।

দাসী।—(তথা করণ)

যুধি।—(পদ প্রক্ষালন ও আচমন করিয়া) এই জল গাঙ্গেয় শুক-
দেব শান্তনু-নন্দন প্রপিতামহ ভীষ্মকে—এই জল পিতামহ
চিত্রবীৰ্য্যকে। (সাক্ষ্যলোচনে) তাত ! এইবার তোমার পালা।
এই জল স্বর্গস্থ শুকদেব পিতা সুগৃহীত নামা মহারাজ পাণ্ডুকে।

আজ হতে আর নাহি

পাবে জল আমার এ হাতে ;

তোমারে ও জননীকে

দেই জল, পিয়ো এক সাথে ॥

জলজ-নীল-লোচন ভীম ও গো ! এই জল

তব তরে দত্ত ।

তোমার আমার তরে থাকুক গো ইহা এবে

হয়ে অবিতক্ত ।

পিপাসিত হইলেও ক্ষণকাল তরে তুমি

থাকো ধৈর্য্য ধরি' ;

তব সনে এক-সাথে পি'তে জল আনিতেছি

আমি বরা করি' ॥

অথবা, তুমি ভাই স্নকত্রিয়দের গতি লাভ করেছ, আমি মৃত
হলেও বোধ হয় তোমাকে আর দেখতে পাব না। ভাই ভীমসেন !

মোর পান হলে শেষ তবে করিয়াছ পান

তুমি মাতৃ-স্তন ।

আমার উচ্ছিষ্ট হৃদে তুমি করিয়াছ পরে

জীবন ধারণ ।

সোম-যজ্ঞেতেও দেখ আমা-তোমা-মাঝে ছিল

এমনি বিধান ;

বল দেখি কেন তবে মোর অগ্রে পিণ্ড-জল

করিতেছ পান.?

কৃষ্ণ ! ভীমকে এইবার তুমি জলাঞ্জলি দেও ।

দ্রৌ ।—ওলো বুদ্ধিমতিকে ! আমাকে বল দে ।

দাসী ।—(তথা করণ)

দ্রৌ ।—(নিকটে গিয়া, এক অঞ্জলি জল লইয়া) কাকে জল দেব ?

তারে দেও জল ওগো ! স্বর্গলাভ হইয়াছে

সহসা বাহার ।

‘যার তরে কাঁদি কাঁদি, গাফারীর তুল্য দশা
হয়েচে মাতার ॥

দ্রৌ।—দেখ নাথ ! পরিজনেরা যে জল এনেচে এই জল স্বর্গে
তোমার পাদোদক হবে ।

যুধি।—অর্জুনাগ্রজ !

মমাহুজ ভীম ও গো ! প্রতিজ্ঞা না করি পূর্ণ
গেছ তুমি চলি’ ;
মুক্তকেশ হইয়াই দিলেন তোমার প্রিয়া
এই জনাজলি ॥

দ্রৌ।—ওঠো মহারাজ ! দেখ, তোমার ভ্রাতা দূরে চলে যাচ্ছেন ।

যুধি।—(দক্ষিণ চক্ষু স্পন্দন) পাঞ্চালি ! স্বর্গে গিয়ে বৃকোদরকে
আলিঙ্গন করতে পারবে, তারই এই নিমিত্ত-স্মৃচনা হচ্ছে ।
আচ্ছা, এইবার তবে অগ্নি-মধ্যে শীঘ্র প্রবেশ করা যাক্ ।

দ্রৌ।—আ ! এইবার আগুন জলেচে ।

(নেপথ্যে কোলাহল)

ব্রহ্মব্যাস্ত হইয়া কুঞ্চুকীর প্রবেশ ।

কঞ্চু।—মহারাজ ! রক্ষা করুন, রক্ষা করুন ! রক্তাক্ত-বসনে,
যম-দণ্ডের ছায় রক্ত-লিপ্ত গদা-বজ্র উত্তোলন করে’, সাক্ষাৎ
যমের মত সেই কোরবাবধম, পঞ্চাল-রাজ-তনয়াকে ইতস্তত
অন্বেষণ করতে করতে এই দিকেই আস্চে ।

যুধি।—হা !—দৈবই দেখুচি সন্ধান বলে’ দিয়েছেন । হা গাণ্ডীবধারী
অর্জুন ! (মুচ্ছিত-প্রায়)

দ্রৌ ।—হা আৰ্য্যপুত্র ! ধনঞ্জয় তোমাকেই যে আমি স্বয়ম্বরে বরণ করেছিলেম—কোথায় তুমি ? তুমি এই সময়ে এসে তোমার প্রিয় ভ্রাতা মহারাজকে—এই দাসীকে কেন দেখা দিচ্চ না ?
(মূৰ্চ্ছিতা)

যুধি ।—হা ! অদ্বিতীয় বীর ! তুমিই নিবাত কবচকে নিহত করে' দেবলোককে নিষ্কণ্টক করেছিলে ; তুমিই তো বদরী আশ্রমের ছই মুনি নর-নারায়ণের মধ্যে দ্বিতীয় মুনি । তোমারই তো অস্ত্রশিক্ষার প্রভাব দেখে ভীষ্মদেব তুষ্ট হয়েছিলেন । হা ! তুমিই রাধেয়-কুল-কমলিনীর প্রলয়-বর্ষা ! তুমিই হৃষ্যোধনকে চিত্ররথের হস্ত হতে মুক্ত করেছিলে ।—হা ! পাণ্ডব-কুল-কমলিনীর রাজহংস !

স্নেহময়ী জননীর

না করিয়া চরণ বন্দন

আমারেও না বলিয়া

—না করিয়া গাঢ় আলিঙ্গন,

স্বয়ম্বর-বধু তব—

তাহারেও না কিছু জিজ্ঞাসি'

কোথা গেলে তাই তুমি

হইয়া গো স্মদীর্ঘ প্রবাসী ?

(মূৰ্চ্ছিত)

কঞ্চ ।—ওঃ কি কষ্ট ! এই ছুরাত্মা স্মযোধন এই দিকেই যে আসচে—
এখানে এসে দেখু'চি ও যা ইচ্ছা তাই করবে । এই সময়ে
কালোচিত প্রতিকার করা আবশ্যিক । বাছা বুদ্ধিমতি ! পাঞ্চাল-
রাজতনয়াকে শীঘ্র এই চিতার নিকটে নিয়ে এসো । (দাসীর

প্রতি) বাহা! তুমিও দেবীর ভাতা ষষ্ঠদ্বন্দ্বকে কিহা নকুল-
সহদেবকে বল;—এখন ভীমার্জুন অন্তগত, এই অসহায়
অবস্থায় মহারাজের আর পরিব্রাণ কোথায়?

(নেপথ্যে কোলাহল)

ওগো সমস্ত-পঞ্চক-নিবাসিগণ! দেখ, রক্তাস্বাদন-মত্ত যক্ষ-রক্ষ
পিশাচ-ভূত বেতাল—আর কক গৃধ্র জম্বুক উলুক বায়স প্রভৃতিরাই
এখন অবশিষ্ট—যোদ্ধাদের আর কোথাও দেখা যাচ্ছে না। আমাকে
দেখে তবে আর ভয় করচ কেন? যাক্সসেনী এখন কোথায় বল
দিকি?—আমি কি তাঁর লক্ষণ বর্ণনা করব? আচ্ছা শোনো:—

তাড়ন করিয়া উরু হুঃশাসন লীলাচ্ছলে

বস্ত্র যার করে উন্মোচন,

আর যার মস্তকের কবরী খুলিয়া দেয়

কেশগুচ্ছ করি' আকর্ষণ,

—সেই সে দ্রৌপদী দেবী— বল দেখি মোরে, তিনি

কোন্ স্থানে আছেন এখন?

কঙ্ক।—হা দেবি যজ্ঞ-বেদী-সম্ভবে! তুমি এখন অনাথা, তাই

তোমাকে সেই কুরু-কুলক হর্যোধন অপমান করতে আস্চে।

যুধি।—(সহসা উঠিয়া) পাঞ্চালি! ভয় নাই, ভয় নাই। কে

আছে এখানে? আমার ধনুর্বাণ শীঘ্র নিয়ে আয়। হুরায়া

হর্যোধন! আয়! এই বাণ-বর্ষণে তোর গদা-কৌশল-সমুত্ত

ভুজদর্প চূর্ণ করি। আর দেখু, করকুলাঙ্গার!

জয়াসঙ্ক-শত্রু সেই প্রিয় অনুরঞ্জে মোর

দেখিয়া নিহত

—আর সেই ভাই যে গো হর-কিরাতের সনে
হন যুদ্ধে রত—

তাদের নিধনে আমি না পারি করিতে আর
পরান ধারণ ;

কিন্তু ক্রুর-চেতা ওরে ! তোর প্রাণ সংহারিতে
আমি কি অক্ষম ?

রক্তাক্ত-কলেবর গদাপাণি ভীমসেনের

প্রবেশ ।

ভীম ।—(উদ্ধতভাবে পরিক্রমণ) ওগো ! সমস্ত-পঞ্চক-সঞ্চারী
সৈনিকেরা ! আমাকে দেখে তোমাদের এত ভয় কেন ?

রক্ষ নই, ভূত নই, গভীর প্রতিজ্ঞা-সিদ্ধ
উত্তীর্ণ হয়েচে যেই,

—আমি সেই ক্ষত্রিয় কুপিত ।

রণানল-দগ্ধ-শেষ হে রাজন্য বীরগণ !

হত-করী-অশ্ব-পাশ্বে,

লুকাইছ কেন হয়ে ভীত ?

তোমরা বল, পাঞ্চালী কোথায় ?

কঞ্চ ।—দেবি ! পাণ্ডু-পুত্র-বধূ ! ওঠো ওঠো, এখনি চিত্ত-প্রবেশ
করা শ্রেয় ।

দ্রৌ ।—(সহসা উঠিয়া) কি ? এখনও আমি চিত্তার কাছে যাই
নি ?

যুধি ।—কে আছে এখানে ? তুণীর-সমেত আমার ধনু নিরে
আয় । কি ?—কোনও পরিজনই এখানে নেই ? আচ্ছা

তবে, বাহ-যুদ্ধেই ছুরাআকে গাঢ় আলিঙ্গন করে', তার পর
অগ্নি-মধ্যে প্রবেশ করি। (কটি বন্ধন)

কঞ্চু।—দেখ দেবি! হুঃশাসন-আকৃষ্ট নেত্র-রোধী এই কেশ-পাশ
এইবার বন্ধন কর। আর প্রতীকারের আশা নাই। শীঘ্র
চিতার নিকটে এসো।

যুধি।—না না, সেই ছুরাআ হুঃঘোষণা নিহত না হলে কেশ বন্ধন
করা উচিত নয়।

ভীম।—দেখ পাঞ্চালি! হুঃশাসন যে চুল খুলে দিয়েছে,—আমি
বেঁচে থাকতে—সে চুল নিজের হাতে কখনই তুমি বাঁধতে
পারবে না।

(দ্রৌপদী ভয়ে পলায়ানোদ্যত)

ভীম।—ভীকু! দাঁড়াও দাঁড়াও--এখন কোথায় যাচ্ছ? (কেশ
ধরিতে উত্তত)

যুধি।—(সবেগে আসিয়া ভীমকে আলিঙ্গন) ছুরাআ! ভীমার্জুন-
শত্রু! হতভাগা হুঃঘোষণা!

আশৈশব প্রতিদিন

অপরাধ করি' পদে-পদে,

ছটি রাজপুত্রে তুই

বধিলিরে মত্ত ভুজ-মদে।

এবার পেয়েছি তোরে

মোর এই ভুজ-অভ্যন্তরে,

না পাবি যাইতে তুই

প্রাণ লয়ে এক-পা অন্তরে ॥

ভীম।—এ কি! স্মৃঘোষণা মনে করে' দাদা আমাকে এরূপ নির্দয়

ভাবে আলিঙ্গন করচেন কেন ? দাদা ! ক্ষান্ত হোন, ক্ষান্ত হোন ।

কণ্ঠ ।—(দেখিয়া সহর্ষে) কি ?—কুমার ভীমসেন ?—মহারাজ !
কি সৌভাগ্য ! কুমার ভীমসেনই বটে । পরিধান-বস্ত্র হৃষ্যো-
ধনের রক্তে রক্তময়, তাই চিন্তে পারা যাচ্ছিল না—এখন
আর কোন সন্দেহ নাই ।

দাসী ।—(দ্রোপদীকে আলিঙ্গন করিয়া) প্রতিজ্ঞা পূর্ণ করে'
চুল বেঁধে দেবার জন্ত কুমার ভীমসেন তোমায় খুঁজছেন ।

দ্রৌ ।—ও লো ! আমাকে অলীক কথা বলে, কেন আশ্বাস
দিচ্চিস বলু দিকি ?

যুধি ।—জয়ধ্বজ ! সত্যই কি ভীম ?—না আমার শত্রু সেই হত-
ভাগা স্নয়োধন ?

ভীম ।—মহারাজ অজাতশত্রু ! এখন আর সেই ছুরাশ্বা স্নয়োধন
কোথায় ?—সেই পাণ্ডুকুল-অপমানকারী ছুরাশ্বার শরীর
আমি :—

ভূমিতে করেছি ক্ষিপ্ত, লিপ্ত এবে ভীম-গাত্র

দেখ এই রক্তের চন্দনে ।

সমাগরা ধরা-সহ রাজলক্ষ্মী প্রতিষ্ঠিত

তোমাতেই নৃপতি এক্ষণে ।

রণ-দাবানলে দগ্ধ সমস্ত কোরব-কুল

—ভৃত্য মিত্র বীর নাহি লেশ ।

যে নাম করিলে এবে, —ধার্ত্তরাষ্ট্র-মাঝে, সেই

নাম মাত্র আছে অবশেষ ॥

যুধি ।—(ভীমকে অবলোকন করিয়া অশ্রু-মার্জ্জন)

ভীম ।—(পদতলে পতিত হইয়া) জয় হোক দাদার !

যুধি ।—ভাই ! অশ্রু-জলে আমার চক্ষু আচ্ছন্ন, তাই তোমার মুখ-চন্দ্র
আমি দেখতে পাচ্ছি নে । বল, তুমি ও অর্জুন তোমরা প্রাণে-
প্রাণে বেঁচে আছ তো ?

ভীম ।—আপনার শত্রু-পক্ষ সমস্ত নিহত—ভীমার্জুনও বেঁচে আছে ।

যুধি ।—(সম্মুখে পুনর্বীর গাঢ় আলিঙ্গন করিয়া)

রিপু-বধ-কথা থাক

তাহে কিবা প্রয়োজন আর ?

তুমি সেই বক-রিপু

ভীম কি না—বল শত বার ॥

ভীম ।—হাঁ দাদা—আমিই সেই ভীম ।

যুধি ।—

জরাসন্ধ-উরু-সরে

—তার সেই রুধিরাক্ত জলে

তুমিই মকর-সম

করিয়াছ কেলি কুতূহলে ?

ভীম ।—হাঁ, আমিই সেই ভীম । দাদা ! ঋণেকের জন্য আমাকে
এখন ছেড়ে দিন ।

যুধি ।—কেন, আর কি কিছু বাকি আছে ভাই ?

ভীম ।—প্রধান কৰ্ম্মই বাকি । এই হুৰ্য্যোধনের রক্ত গায়ে শুকুতে
না শুকুতেই দ্রোপদীর বেণীবন্ধন করে দিতে হবে ।

যুধি ।—শীঘ্র যাও ভাই, অভাগিনী দ্রোপদীর আজ বেণী-সংহার
উৎসব সম্ভোগ হোক ।

ভীম ।—ও'গা পাঞ্চাল-রাজ তনয়ে ! সুসংবাদ বলি শোনো, আমি
এইমাত্র শত্রুকুল ধংশ করে' এলেম ।

দ্রৌ ।—জয় হোক্ নাথ জয় হোক্ ! (ভয়ে দূরে গমন)

ভীম ।—আমাকে দেখে ভয় পাচ্চ কেন ? দেখ :—

বুদ্ধিমতিকে ! পাণ্ডব-পত্নীকে যে উপহাস করেছিল সেই ভানু-

মতী এখন কোথায় ? ওগো যজ্ঞবেদি-সম্ভবে যাজ্ঞসেনি !

দ্রৌ ।—আজ্ঞা কর নাথ ।

ভীম ।—

নৃপতি-সভার মাঝে

নর-পশু যেই হুঃশাসন

তব কেশ-গুচ্ছ ধরি'

সবলে করিল আকর্ষণ,

পীত-শেষ রক্তে তার

সিক্ত মোর এই কর-দ্বয়

কর' স্পর্শ ; দেখ প্রিয়ে !

আর এই রক্ত সমুদয়

—গদাঘাতে বিচূর্ণিত কুরু-রাজ-উরু হতে

যাহা বিনিঃসৃত—

অঙ্গে অঙ্গে লিপ্ত হয়ে অপমানানল তব

হোক্ নির্দোষিত ॥

বুদ্ধিমতিকে ! এখন সে ভানুমতি কোথায় ? পাণ্ডব-পত্নীকে
সে তখন উপহাস করেছিল না ? দেখ, যজ্ঞবেদি-সম্ভবে ! যাজ্ঞ-
সেনি !

দ্রৌ ।—আজ্ঞা কর, নাথ !

ভীম ।—প্রিয়ে ! মনে আছে যা আমি তোমার কাছে প্রথমে বলে' গিয়েছিলেম ? (“চলন্ত ভুজ-ঘূর্ণিত গদার আঘাতে” ইত্যাদি পুনরাবৃত্তি)

দ্রৌ ।—মনে আছে বৈকি । আর শুধু মনে থাকা নয়—এখন আবার তা প্রত্যক্ষ দেখুচি ।

ভীম ।—দেখ, হুঃশাসন যে বেণী খুলে দিয়েছিল, যে বেণী ধার্ত্ত-রাষ্ট্রকুলের কাল-রাত্রি-স্বরূপ, সেই বেণী—এস প্রিয়ে—এইবার বেঁধে দি ।

দ্রৌ ।—অনেক দিন চুল বাঁধি নি—এ কাজ একেবারে ভুলেই গিয়ে-ছিলেম, তোমার প্রসাদে আবার আমার সে শিক্ষা হবে ।

ভীম ।—(বেণীবন্ধন)

নেপথ্যে ।

মহাসমরাগ্নির দগ্ধ-শেষ রাজন্যকুলের স্বস্তি হোক !

যার কেশ উন্মোচনে, পাণ্ডু-পুত্র নৃপতির

ক্রোধাক্ত হইয়া অতি প্রবেশি' সমরে

দিশি দিশি রাজাদের অন্তঃপুর-নারীগণে

মুক্ত-কেশ করিল গো চিরকালতরে ;

সেই কৃষ্ণা-কেশ-পাশ কুরু-ধুম-কেতু-প্রায়

—এবে তার হইল বন্ধন ।

প্রজার নিধনে এবে হউক বিরাম, আর

কল্যাণ লভুক নৃপগণ ॥

যুধি ।—দেবি দেখ, এই নভস্তল-বিহারী সিদ্ধ-পুরুষেরা তোমার বেণীসংহার হ'ল বলে' আনন্দ প্রকাশ করচেন ।

বাসুদেব ও অর্জুনের প্রবেশ ।

বাসু ।—(নিকটে আসিয়া) যার সমস্ত অরাতি-মণ্ডল নিহত, সেই
অনুজ-পরিবেষ্টিত পাণ্ডব-কুল-চন্দ্রমা মহারাজ যুগ্মিরের জয় !

অর্জু ।—ভগবানের জয় !

যুধি ।—(দেখিয়া) এ কি ! ভগবান বাসুদেব যে ! আর, এই
যে অর্জুন ! ভগবন্ ! অভিবাদন করি । (অর্জুনের প্রতি)
এসো ভাই এসো, আমাকে আলিঙ্গন কর ।

অর্জু ।—(প্রণাম করণ)

যুধি ।—(বাসুদেবের প্রতি) দেব ! ভগবান পুণ্ডরীক স্কন্ধ যাকে
শুভ-উপদেশ প্রদান করেচেন, তার জয় ভিন্ন আর কি হতে
পারে ?

গুরুত্ব-গুণ-অধিত প্রকৃতি-বিকার-জাত

মুরতি তোমার ।

সৃষ্ট জীবদের তুমি সৃষ্টি-স্থিতি-লয়-হেতু

—ত্রিগুণ-আধার ।

অচিন্ত্য অজর অজ— তব ধ্যানে যদি হয়

বিশ্ব-দুঃখ ক্ষয়,

প্রত্যক্ষ দর্শনে তব না জানি গো ভগবান

আরো কিবা হয় ॥

(অর্জুনকে আলিঙ্গন করিয়া) ভাই ! আমাকে আলিঙ্গন

কর ।

বাসু ।—দেখ, ব্যাস-বান্দীকি, জামরথ্য, জাবালি প্রভৃতি এই সব
মহর্ষিগণ তোমার মঙ্গল অভিষেকের আয়োজন করছেন ;

নকুল সহদেব সাত্যকি প্রভৃতি সেনাপতিগণ, ও যাদব মৎস্য
মাগধকুলোদ্ভব রাজকুমারেরাও সেই নিমিত্ত তীর্থবারি-পূর্ণ
কলস-সকল স্বন্ধে ধারণ করে' আছেন; আর, চার্বাক
তোমাকে প্রতারণা করেছে জানতে পেরে আমিও অর্জুনকে
সঙ্গে করে' সত্বর এখানে এসেছি।

যুধি।—কি ? চার্বাক আমাদের প্রতারণা করেছে ? (সরোষে)
কোথায় সেই ধ্বর্তরাষ্ট্র-সখা রাক্ষসাদম যে আমাদের একপ
বিষম চিত্ত-বিভ্রম ঘটিয়েছিল ?

বাসু।—সেই দুরাত্মাকে ধৃত করা হয়েছে। এখন মহারাজ ! বল,
এ অপেক্ষা প্রিয়তর আকাজ্ঞা তোমার আর কি আছে যা
আমি পূর্ণ করতে পারি।

যুধি।—ভগবান তুমি যার প্রতি প্রসন্ন, তার তুমি কি না করে'
থাকো ? তবে কি না, আমি সাধারণ পুরুষার্থ লাভ করতে
পারলেই সন্তুষ্ট—তার অধিক প্রার্থনা করতে আমি অক্ষম।
দেখুন, ভগবন্ !

হইয়া ক্রোধাক্ত মোরা করি' রিপু-কুল ক্ষয়

অক্ষত আছি পঞ্চজন।

আমার দুর্গীতি-হেতু যেই অপমানার্ণবে

হয়েছিল পাঞ্চালী পতন

—তা' হতে উত্তীর্ণ হইবে ; আর তুমি নরোত্তম !

সুপ্রসন্ন মনে

সাদরে কহিছ কথা —পুণ্যবান মনে করি'—

এ অধম মনে

—এর চেয়ে প্রিয়তর কি আর প্রার্থনা করি
তোমার সদনে ?

তথাপি, ভগবান আমার প্রতি প্রীত হয়ে আরও যদি কিছু
প্রসাদ বিতরণ করতে ইচ্ছা করে' থাকেন তাহলে আমার এখন
এই প্রার্থনা :—

অক্লপণ হয়ে লোকে শতবর্ষ পূর্ণ করি'
থাকুক জীবিত ;

ভগবান ! তোমা-পরে অর্ঘ্যে তকতি যেন
হয় সমর্পিত ।

ভুবন-বৎসল ভূপ বিদ্বজ্জন-বন্ধু হোন্
—পুণ্য কার্যে রত ;

—শুণ-বিশেষজ্ঞ হোন্, করুন রাজন্য-বর্গে
সৎকার নিয়ত ॥

{সমাপ্ত}।



